

Varu poia to Yoan imbooda Jon—John

Ngeu to ipatoon ghiit pa saveen ve ngar to Maaron, to izi inim taan ve inim tamtoghon

¹ Muun kat, sawa to sambam ve taan tivot sone, ngeu to ipaghazonan ghiit pa saveen ve ngar to Maaron ne inepneep.*

Ye inep toman Maaron, ve ye Maaron. *Mbnp 1:1; Yo 10:30, 17:5; Pil 2:6; 1Yo 1:1+; Syg 19:13*

² Tovenen sawa to ivot muun kat, ye inepneep toman Maaron.

³ Maaron ighur mbeb tisob tivot ila ye nima. Mbeb eta ivot ila ataam ite paam maau. *1Kor 8:6; Kol 1:16+; Hib 1:2*

⁴ Ye to nepoon mata yaryaara pughu. Ve nepoon toni izi taan, tauto inim ghazona pa tamtoghon. *Yo 5:26, 8:12, 9:5, 12:46*

⁵ Ghazona tonowen iyaryaar ila ndoroom lolo, ve ndoroom tapiri irau itatani maau.†

* **1:1:** Ila Grik alinadi, Yoan iwaat Krisi ighaze ye 'logos.' Saveen 'logos,' pughu naol. Pughu eez, nene 'saveen.' Pughu ite, nene 'ngar.' Pughu inim tol pani, nene mbeb to ikis mbeb tisob tineep denja ila inadi inadi. Ve ighaze tagham ngar pa Maaron alina to timbooda, saveen toni, nene ataam to ye ipatoon tau pait, ve ipaghazonan ghiit pa ngar toni. Ve saveen toni, nene saveen moghon maau. Saveen toni, le tapiri. Ye isaav moghon, ve mbeb tisob tivot. Saveen 'logos' pughu naol tonene tipaghazonan ghiit pa Krisi ve uraat toni.

† **1:5:** Ataam ite to tator saveen waaro tonene, nene vene: "Ghazona tonowen iyaryaar ila ndoroom lolo, eemoghon yes to ndoroom ledi ghilaloon pani maau."

⁶ Maaron imbaan̄ n̄geu eez inim, iza Yoan.

⁷ Ye inim pa ipariaan̄ saveen̄ pa ghazoon̄a tonenen. Leso igham ival tisob tighur ila toni. *Mt 3:1*

⁸ Yoan, ye ghazoon̄a tonenen maau. Ye inim pa ipariaan̄ saveen̄ to n̄geu to ghazoon̄a tau. Leso tamtoghon tighur ila toni. *Yo 3:28+*

⁹ Tovenen ghazoon̄a tau to iyaryaar pa ival tisob ve ipaghazon̄an di pa Maaron, tauto izi inim taan. *Yo 8:12, 9:5; 2Kor 4:6*

¹⁰ Onoon, mbep tisob to taan tivot ila ye nima. Eemoghon sawa to ye izi inim ve ineep izi taan, yes to titaghon taan ngara tighilaala maau.

¹¹ Ye ila ivot tau ndug toni, ve tamtoghon toni paam tighami maau. Tizuruni. *Is 53:3; Yo 12:37+*

¹² Eemoghon tamtoghon tisob to tighur ila toni ve tighami inim Tiina todi, nene ye igham ledi izadi pa tinim Maaron ndinatu. *Yo 3:15; Ro 8:14+; Ga 3:26; 1Yo 3:1+*

¹³ Ndiran tonenen, sij to nditamandi ma nditinandandi igham di tinim Maaron ndinatu maau. Ve tinim Maaron ndinatu itaghon n̄geu eta to taan ngar toni ma lolo maau. Maaron tau, tauto igham di tinim ye ndinatu. *Yo 3:3,5+; Tit 3:5+; 1Pe 1:23; 1Yo 5:1+*

¹⁴ Tovenen aghita. N̄geu to ipaghazon̄an saveen̄ onoon ve ngar to Maaron pait, tauto inim tamtoghon ve inim ineep ila sosood wa. Ye ipatoon̄ Maaron tapiri ve poia toni ivot ighazon̄, ve yei nighita pa matamai. Tauto nighilaala nighaze ye Maaron tau Natu ee moghon to ineep to Tama Maaron ve inim. Poia to Maaron toman ngar toni to isasavia saveen̄ onoon moghon, nene ivon ila to

Natu tonowen. *Pil 2:6+; Kol 2:9; 1Tim 3:16; Hib 2:14; 1Yo 1:1+*

¹⁵ Yoan ipariaaŋ tamtoghon pa tighur ila toni, ve isaav aliŋa tiina ighaze: “Muun, you nasaav payam naghaze: ‘Ngeu eez pale inim muri payou. Ye iza ilib payou kat. Pasa, sawa to navot sone, ye ineep muun wa.’ Nene ngeu tau tonene.”

¹⁶ Onoon kat. Ngar popoia naol tivon ila to Maaron Natu, ve ye irei poia toni pa iit tasob. Tovenen poia to Maaron to aazne iza toit, nene tiina kat. Ilib pa poia toni to muun ipatoonja pait.

¹⁷ Onoon, Maaron ivotia tutuun toni pait ila Mose avo. Eemoghon Yesu Kresi, tauto inim ataam pa poia to Maaron iza toit, ve ipaghazonjan ghiit pa saveeŋ onoon.‡

¹⁸ Tamtoghon eta to taan ighita katin Maaron nagho pa eta sone. Natu moghon to ipatoon Maaron nagho ve ngar toni pait. Pasa, ye Maaron, ve ineep Tama dige, ve Tama lolo ineep toni kat.

Yoan ngeu rughuzaanja ipariaaŋ tamtoghon pa tighur ila to Yesu

(Mt 3:1-12; Mk 1:1-8; Lu 3:1-18)

¹⁹⁻²⁰ Sawa eez, daba to yes Yuda to tineep Yerusalem ne, timbaan ndiran pida to watoonrau toman nginiinja pida to Rumai Tiina tila to Yoan, ve tighasoni tighaze: “Laak, yom sa ngeu, to ughamgham uraat tonene?”

Yoan isaav ghazonja padi ighaze: “You tonene, Mesia maau.” *Yo 3:28*

‡ **1:17:** Ataam ite to tator saveeŋ waaro tonene, nene vene: “Eemoghon Yesu Kresi, tauto inim ataam pa poia to Maaron iza toit, ve igham saveeŋ mbuaan to Maaron anonja ivot.”

21 Tovenen tighasoni muul: “Ighaze venen, avaat yom propet Ilia tou?” *Mal 4:5; Mt 11:14*

Ye ipamuul aliñadi ighaze: “Maau.”

Tovenen tighasoni muul tighaze: “Wai, vene yom avaat propet tiina to nisasañani ne?§

Taum tonene?”

Eemoghon ye ipamuul aliñadi muul ighaze: “Maau.”

22 Tovenen tighasoni muul tighaze: “Wai, ighaze venen, yom sei kat? Upaghazonan taum payei lak! Leso nipaesia ghom pooi pa yes to timbaan ghei ninim.”

23 Tovenen Yoan isaav padi ighaze: “You ngeu to muun, propet Isaia isavia ne ighaze:

Ngeu eez imboboob izi ndug balim ighaze: ‘Apasalungan ataam pa Ngeu Tiina le denja moghon.’” *Is 40:3*

24-25 Yes to tila tighita Yoan, ndiran tutuunja pida tila toman di paam. Tiloon Yoan aliña tonene, ve tighasoni muul tighaze: “Ighaze yom Mesia maau, ve yom Ilia maau, ve yom propet tiina to nisasañani ne maau, pughu vena to ururughuuz tamtoghon?”

26-27 Yoan ipamuul aliñadi ighaze: “Nene you narurughuuz tamtoghon pa ya. Eemoghon ngeu eez inepneep ila lolomim, ve yam aghilaala maau.

§ 1:21: Ilia, ye propet ariaña to muun ivotia Maaron aliña pa yes Israela. Yes Yuda tigham ngar pa saveen to ineep ila Malakai 3:1, 4:5-6, tauto matadi ingal tighaze Maaron pale imbaan Ilia ila ivot padi muul, lesa igharaat ataam pa Mesia. Ve tighaze Maaron pale imbaan propet tiina eez padi, itaghon saveen to Lo 18:15-19. Pida tighaze propet tonowen pale Mesia. Ve pida tighaze ye pale igham uraat to propet moghon.

Ye inim muri payou, eemoghon ilib payou kat. Uraat sorok inimale polaan waar to duduunja to aghe, nene paam, you poiag irau to naghama pani maau.”

²⁸ Mbeb tonenen tisob tivot izi ndug Betania to ineep ya Yordan paŋa vena we. Pasa, Yoan irurughuuz tamtoŋhon izi tonowe.

Yesu, ye sipsip to Maaron

²⁹ Mboŋ le ndugizau muul, ve Yoan ighita Yesu ilaagh ŋarua inim. Tovenen isaav ighaze: “Aghita. Nowe sipsip to Maaron. Ye inim pa ireu sosor to tamtoŋhon to taan. *Igham 12:3+; 1Kor 5:7; 1Pe 1:19; Syg 5:6*

³⁰ Ngeu tonene, to muuŋ nasavia payam naghaze: ‘Ngeu eez pale inim muri payou. Eemoghon ye ilib payou kat. Pasa, ye ineep muuŋ wa, ghoru you navot.’*

³¹ Muuŋ, you paam naghilaala maau. Eemoghon you nanim ve narughuuz tamtoŋhon pa ya, leso nagharaat ataam pani, ve navotia pa yes Israela.”

³² Yoan ighaze ipariaaŋ di pa tighur ila to Yesu. Tovenen ipaes padi ighaze: “Taug naghita Maaron Avuvu ipul sambam, ve izi inim inimale man mbaluuz, ve ineep izala ŋgeu tonene pogho. *Mt 3:16*

³³ Muuŋ, you paam naghilaala maau. Eemoghon Ngeu to imbaaŋ ghou nanim pa narughuuz tamtoŋhon, ye isaav payou ighaze: ‘Sawa eta, yom pale ughita Avuvu Patabuaŋ izi inim, ve ineep ila to ŋgeu eta. Ngeu tonenen, to pale irei Avuvu

* **1:30:** Muuŋ kat ve inim, Yesu ineepneep toman Tama Maaron izi ndug sambam.

Patabuan pa tamtoghon.’ *Mk 1:8; Yo 14:16; Mbanj 2:1+*

³⁴ Ve aloonj. You naghita katin mbeb tonenen pa taug matag wa. Tauto nasaav ghazoonja payam. You naghur ila naghaze ngeu tonene ye Maaron tau Natu.”† *Mt 3:17*

Andreas yesuru Simon Petrus tinim taghoniinja to Yesu

(Mt 4:18-22; Mk 1:16-20; Lu 5:2-11)

³⁵ Mbonj ndugizau, ghoru Yoan iyondyood muul toman taghoniinja toni ru.

³⁶ Yoan mata ila le ighita Yesu ilaagh ila. Tovenen isaav padi ighaze: “Aghita. Nowe sipsip to Maaron.” *Yo 1:29*

³⁷ Taghoniinja toni ru tonenen tiloonj Yoan isaav tovene ve yesuru tipul Yoan, ve tila titaghon Yesu.

³⁸ Yesu mata imuul, ve ighita di titaghoni tinim. Tovenen ighason di ighaze: “Yamru akaal sa?”

Yesuru tipamuul aliija tighaze: “Rabi, yom unepneep sine?” (Saveenj ‘Rabi,’ pughu tovene: ‘Patonjaan.’)

³⁹ Yesu isaav padi ighaze: “Yamru anim toman ghou, ghoru aghita.” Tovenen yesnja tila tighita ruum to ye inepneep pani. Sawa tonenen, rabrab izi wa. Ndag anunu igham paan ma venen. Yesuru tineep toman Yesu le mbonj izi.

⁴⁰ Ndiran ru to tiloonj Yoan aliija ve titaghon Yesu, eez nene Andreas to Simon Petrus tazi.

⁴¹ Tinepneep le isob, ghoru Andreas imundig, ve malmali ila ikaal togha Simon muunj. Ila indeenja,

† **1:34:** Ataam ite to tator saveenj waaro tonene, nene vene: You naghur ila naghaze ngeu tonene, Maaron isia ve ighuri pa uraat toni.

ve isaav pani ighaze: “Ulooj. Yei nighita Mesia wa.” (Saveej ‘Mesia’ ve ‘Krisi,’ nene pughudi ee moghon.)‡

⁴² Tovenen Andreas igham togha Simon, ve yesuru tila to Yesu. Yesu ighita Simon, ve isaav pani ighaze: “Yom Simon, Yoan natu. Muri pale tiwaat izam tighaze Kepas.” (Pisis ‘Kepas,’ yes Grika tiwaata ila aliñadi tighaze ‘Petrus.’)§ *Mt 16:18*

Yesu ipoi Pilip yesuru Natanael paam tinim taghoniija toni

⁴³ Mboj ndugizau muul, ghoru Yesu mata injal ighaze ila pa taan suruvu to Galilaia. Ilaagh ivot to ngeu eez, iza Pilip, ve isaav pani ighaze: “Yom unum utaghon ghou.”

⁴⁴ Pilip ndug toni, nene Betsaida. Pilip, Andreas, ve Simon, yes tol, ndug todi ee moghon.

⁴⁵ Ghoru Pilip ila ikaal ita ite Natanael le indeenja, ve isaav pani ighaze: “Ulooj. Ngeu to muuj Mose imbood saveenja ila tutuuj toni, ve propeta pida timbood saveenja paam, tauto aazne nighita wa! Ye iza Yesu. Ye ngeu to ndug Nasaret, ve tama iza Yosep.” *Mt 2:23*

⁴⁶ Eemoghon Natanael isaav pani ighaze: “Wai, mbep poia eta irau ivot ila ndug Nasaret?”

‡ **1:41:** Saveej ‘Mesia,’ nene Hibru aliñadi. Ve saveej ‘Krisi,’ nene Grika aliñadi. Ila saveej English tighaze ‘anointed.’ Saveej waaru ru tonene, pughudi ee moghon: ‘Ngeu to tilij ngoreen izala pogho.’ Yes Israela tighamgham tovene pa yes to tighur di pa ghamuuj uraat tiina pa Maaron, inimale kinik todi, yes propeta, ve ndiran to watoonrau. § **1:42:** Kepas, nene yes Aramea aliñadi. Ve Petrus, nene yes Grika aliñadi. Pisis ru tonene, pughudi ee moghon. Nene ‘yaam.’

Pilip ipamuul aliņa ighaze: “Unum tala, ve taum ughita pa matam!” Tovenen timundig ve tila.

⁴⁷ Yesu ighita Natanael iņarua inim, ve isaav ighaze: “Aghita. Ngeu to inim ne, ye Israel tau. Ngar kaarom eta ineep ila lolo maau.” *Mbo 32:2; Ro 2:28, 9:6+*

⁴⁸ Tovenen Natanael ighason Yesu ighaze: “Yom uwatag ghou vena?”

Yesu ipamuul ghasoniņ tani ighaze: “Pilip isavia ghou payom sone, ve you naghita ghom unepneep izi ai fik paroņania.”

⁴⁹ Natanael ilooņ saveeņ tonene, ve ighaze: “Rabi, yom Maaron Natu. Yom moghon to kinik to Israel.” *Mt 2:2, 16:16, 27:42; Yo 12:13*

⁵⁰ Yesu ipamuul aliņa ighaze: “Natanael, vena? Saveeņ tiou to naghaze naghita ghom uneeep izi ai fik paroņania, tauto igham ghom ughur inim tiou ne? Ulooņ. Muri, yom pale ughita mbep tintina pida to tilib pa mbep tonene.”

⁵¹ Ve Yesu isaav padi muul ighaze: “You nasaav payam: Onoon kat, muri yam pale aghita sambam ikaak, ve aņela to Maaron tiipip taghon Tamtoģhon Natu tizizi ve tizaza.”* *Mbnp 28:12*

* **1:51:** Sawa to Yakop ighau pa togha Esau, vibiiņ eez ivot pani, ve ighita mbep inimale ndeet to iyoon izi taan, ve izala pa sambam. Ve aņela to Maaron tiip taghon ndeet tonowen tizizi ve tizaza. (Ughita Mbnp 28:12.) Mbep tonenen ipatooņ ghiit pa Yesu. Pasa, ye pale ilup Maaron to sambam ve iit tamtoģhon to taan, inimale ndeet tonenen. Ve ye pale inim pughu pa lupuuņ toni, inimale Yakop inim pughu to yes Israela.

2

Yesu itoor ya inim vaen izi ndug Kana

¹ Mboŋ ru inim ila, ve ite inim tol pani, ghoru vaiuun̄ to ŋgeu eez ivot izi ndug Kana to ineep izi taan suruvu to Galilaia. Yesu tina ila tonowe pa ighita vaiuun̄ tonowen.

² Ve tipoi Yesu toman taghoniina toni pa tila pa vaiuun̄ tonenen paam.

³ Marewaan̄ to vaiuun̄ tonenen ivot, ve tighanghan ve tighunghun ila le vaen isob. Tovenen Yesu tina isaav pani ighaze: “Ughita. Vaen todi isob wa.”

⁴ Yesu ipamuul aliŋa ighaze: “Tinaŋ, yom usaav payou pasa? Nene mbeb to ituru maau. Pasa, sawa to napatoon̄ taug navot ghazon̄a, nene sone.”

⁵ Ghoru tina isaav pa yes mbesoon̄a ighaze: “Aloon̄! Ighaze ye isaav payam pa agham mbeb eta, yam ataghon aliŋa moghon.”

⁶ Ruum to ghanghaniin̄ ivot pani, tighur uur tintina liim ve eez to tigharaat di pa yaam ne tineep pataghaan̄ wa. Leso titib ya ila, ve timen nimadi ma aghedi ve mbeb pida, le tingalaan̄ itaghon tutuun̄ to yes Yuda. Uur eŋaen̄a lolodi, nene irau titib ya 20 ma 30 galon ila. *Mk 7:3+*

⁷ Yesu isaav pa yes mbesoon̄a tonenen ighaze: “Yo, atib ya ila uur tonene le tisob tivon.” Tovenen tiloon̄ aliŋa, ve tipavonin uur tonowen le tivon kat.

⁸ Ghoru ye isaav padi muul ighaze “Atib rita, ve aghami ila to ŋgeu to ŋgin aniin̄ to vaiuun̄ tonene, ve itoova.” Tovenen titaghon aliŋa, ve tighami ila to ŋgeu tonenen.

⁹ Sawa to itoova, ya tonowen inim vaen wa. Ye ikankaan pa vaen tonenen ilaagh vena to inim. (Eemoghon mbesoonja to titib ya tonenen, yes ti-watag.) Tovenen ngeu tonenen ipoi ngeu to ivai paghu inim,

¹⁰ ve isaav pani tovene: “Ighaze ghanghaniin tovene ivot, nene ival tisob moghon moghon tipamuun vaen popoia ila pa tamtoghon ve tighun muun. Ve ighaze isoon di maau, nene pale tirei vaen to poia kat maau ne ila padi. Eemoghon yom ugham tovene maau. Unguruut vaen poia inepneep, le ngaramus ughami ivot.”

¹¹ Mbeb tonenen ivot izi ndug Kana to Galilaia. Nene mbeb gharatoonja to Yesu ighami muun, leso ipatoon tau pa tamtoghon ve tighilaala tighaze ye iza tiina pa tapiri ve poia toni. Taghoniinja toni tighita mbeb tonenen ve tighur ila toni.*

¹² Ghanghaniin to vaiuun tonenen isob, ghorro Yesu yesja tina, nditazi, ve taghoniinja toni tizila pa ndug Kapernaum, ve tineep ris izi tonowe.

Yesu izurun ndiran to raukoliin tighau pa Rumai Tiina

(Mt 21:12-13; Mk 11:15-17; Lu 19:45-46)

¹³ Sawa to Pasova, lupuun tiina to yes Yuda matadi ingal muul pa sawa to Maaron igham mulin nditimbudi ve tipul Isip, nene inim igharau. Tovenen Yesu izala pa Yerusalem.

* **2:11:** Uur toman ya to yes Yuda timenmen aghedi ve nimadi pani, nene iza to ataam mungina to tutuun to yes Yuda titaghoni, leso tingalaan ila Maaron mata. Mbeb gharatoonja to Yesu ighami ne, ipatoonja ighaze ye igham sawa paghu ivot. Sawa paghu tonenen, nene sawa poia to Mesia igham tamtoghon to Maaron tineep pooi toman tinidi iza.

14 Ye iloonj ila sirsiir to Rumai Tiina lolo, ve ighita tamtoghon tiraurokol pa makau, sipsip, ve man mbaluuz izi tonowe. Ve ighita ndiran to paraboliinj yaam paam, mboledi izi ve tighamgham uraat todi.

15 Tovenen igharaat ravraav tuktuku pida inim toon, ve inaan ndiran to raukoliinj tonowen toman sipsip ve makau todi, tisob tighau tivot pa Rumai Tiina. Ve ipakud watinj to ndiran to paraboliinj yaam paam, le yaam todi imalinj izi taan.

16 Ve isaav pa yes to tiraurokol pa man mbaluuz ne ighaze: “Ayou mbbeb tiam tonene, ve aghau avot ala! Agham Tamanj Rumai toni inim ndug to raukoliinj malep!”

17 Tovenen taghoniinja toni matadi injal Maaron alinja waaro eez to timbooda. Isaav tovene:

‘Ngar tiou iyaryaan naghaze le nagharaat mulin rumai tiom. Eemoghon inim pughu pa nambaad patajani tiina inimale yab ighan ghou.’

Mbo 69:9

Yesu inim Rumai tau to Maaron

18 Daba to yes Yuda tighita ngar to Yesu ighami, ve tisaav pani tighaze: “Pale upatoonj sa inim ghilaloonj payei, leso niwatag nighaze Maaron ineep toman ghom pa uraat to aazne ughami ne?” *Mt 12:38, 16:1*

19 Yesu ipamuul alinjadi tovene: “Ighaze yam areu rumai tonene izi, you pale napayoonda muul pa mbonj tol moghon.” *Mk 14:58; Mbanj 6:14*

20 Tovenen daba to yes Yuda tighaze: “Wai, yom sei? Rumai Tiina tonene, tigham uraat pa reinji irau ndaman tamoot ru liim ve eez (46) wa! Ve

yom ughaze yom irau upayoonda muul pa mbon tol moghon?”

²¹ Eemoghon rumai to Yesu isavia, nene ye tau anoja. Pasa, ye to inim Rumai tau to Maaron.†

²² Tovenen muri, sawa to ye imundig pa mateen, taghoniina toni matadi ingal muul pa aliña to ye isavia ne, ve tighur ila saveen tonenen. Ve tighur ila Maaron aliña to timbooda pataghaan ne paam. *Lu 24:8,27*

Ival tiina tighaze tighur ila to Yesu. Eemoghon tighur ila kat maau

²³ Lupuun tiina to Pasova tonenen, Yesu in-eep izi Yerusalem, ve igham mbeg gharatoonadi naol to tipatoonja tighaze Maaron ineeep tomani pa uraat toni. Tovenen tamtoghon katindi tighita di, ve tighur ila toni.

²⁴ Eemoghon Yesu ighur ila todi maau. Pasa, ye iwatag katin tamtoghon tisob lolodi ve ngar todi.

²⁵ Ye le pughu eta to ighason pa ngar to tamtoghon tighamghami ne maau. Pasa, ye tau iwatag sa ngar to ineeep ila ival tisob lolodi. *Mbo 139:1+; Mk 2:8; Yo 6:64; Syg 2:23*

3

Yesu isavsav toman Nikodemus

¹ Ngeu tutuunja eez ineeep, iza Nikodemus. Ye ineeep ila lupuun tiina to yes daba to tingin yes Yuda. *Yo 7:50, 19:39*

† **2:21:** Muun, yes Yuda tilala Rumai Tiina to Yerusalem, leso tineep tigharau Maaron ve yesja tilup di tinim ee moghon. Eemoghon aazne, Yesu igham Rumai Tiina ina. Pasa, ye inim ataam pait, leso tagharau Maaron, ve itinja Maaron talup ghiit tanim ee moghon.

² Mbonj eez, ye ila ivot to Yesu, ve isaav pani ighaze: “Patoŋaan, yei niwatag: Maaron imbaan ghom unum pa upatoot tamtoghon pa saveenj toni. Pasa, yom ughamgham mbbeb gharatoonjadi naol to ipatoonj ghom ighaze Maaron ineep toman ghom pa uraat tiom. Tamtoghon to ighaze Maaron ineep tomani maau, nene irau igham mbbeb gharaatoonjadi inimale yom ne maau.” *Yo 9:16, 10:37+; Mbanj 2:22*

³ Yesu ipamuul aliŋa ighaze: “Onoon kat, you nasaav payom tovene: Ighaze tapiri to ndug sambam igham tamtoghon eta inim paghu maau, ye irau ighilaal pooz to Maaron ve ighita anonja ne maau.” *Mbo 51:10; Yo 1:12+; 1Kor 2:14; 2Kor 5:17; 1Pe 1:23*

⁴ Tovenen Nikodemus ighasoni ighaze: “Wai, ighaze tamtoghon eta inim olman wa, pale irau inim paghu muul vena? Pale iloonj ila tina apo, ve ipoopa muul inim pae ru?”

⁵ Yesu ipamuul aliŋa ighaze: “You nasaav payom: Onoon kat, ighaze tamtoghon eta inim paghu ila ya ve uraat to Maaron Avuvu maau, ye irau itaghon pooz to Maaron, ve iloonj ila ndug toni ne maau.* *Ez 36:25+; Yo 7:37+; Tit 3:5+*

* **3:5:** Ngara pida tighaze saveenj tonene pughu, nene vene: Tamtoghon irau tigham ya, ve Maaron Avuvu igham lolodi ve ngar todi inim paghu, ghoru yes irau titaghon pooz to Maaron ve tiloonj tila ndug toni. Ve ngara pida tighaze saveenj tonene isavia ngar to ghamuunj ya maau. Tighaze saveenj tonene, pughu tovene: Maaron irau itoor ngar to tamtoghon ve igham di tingalaanj ila ye mata inim ngeu to iririu pooi ila ya, ve Avuvu Patabuanj igham lolodi ve ngar todi inim paghu, ghoru yes irau titaghon pooz toni ve tiloonj tila ndug toni.

⁶ Ndiran to titaghon n̄gar to taan, tighamgham tovene pasa, nditamandi ve nditinandi to tipoop di ne, yes to taan. Eemoghon tamtoghon to Maaron Avuvu itoor di tinim papaghudi, yes titaghon n̄gar to Maaron Avuvu. *Mbo 51:5; Yo 1:13; 1Kor 15:50*

⁷ Saveeṅ to you nasavia payom naghaze: ‘Tapiri to ndug sambam irau igham gham anim paghu,’ nene ruṅam iza ve ugham n̄gar naol pani malep.

⁸ Ugham n̄gar pa yaghur. Yom irau ughita maau, ve uṅgini maau. Ilaagh vena inim, ma ilaagh vena ila, nene yom uwatagi maau. Ilaagh itaghon tau ataam toni, ve ulonṅoon avolutu moghon. Uraat to Maaron Avuvu ighamghami ila tamtoghon lolodi leso igham di tinim paghu, nene n̄gara raraate moghon.”

⁹ Nikodemus iloon saveeṅ tonene, ve ighason Yesu muul ighaze: “Wai, mbeb to yom usavia ne, pale ivot vena?”

¹⁰ Yesu ipamuul aliṅa ighaze: “Wai, yes Israela tighita ghom tighaze yom izam tiina pa uraat to patoṅaṅ tamtoghon pa Maaron aliṅa. Pughu vena to yom ughazoon pa mbeb tonene maau?

¹¹ You nasaav payom. Onoon kat, mbeb to yei nighita pa matamai ve niwatag katini, tauto nisavia ve nipariaṅ saveeṅa. Leso tamtoghon tighur ila. Eemoghon yam Yuda aghur ila saveeṅ tiei maau. *Yo 1:11, 12:49*

¹² You nasavsav payam pa uraat to Maaron ighamghami izi taan, eemoghon yam aghur ila maau. Tovenen ighaze nasavia mbeb to ndug sambam payam, pale awatagi ve aghur ila wa? Maau.

¹³ Tamtoghon eta to taan izala ndug sambam ve ighita mbeb tonowe leso ivotia pa tamtoghon ne maau. Tamtoghon Natu to ineep sambam ve izi inim ne, ye moghon to irau isavia mbeb tonenen. *Yo 3:31+; 1Kor 15:47; Ep 4:9+*

¹⁴⁻¹⁵ “Muun, sawa to yes Israela tilaghlaagh izi ndug balim, Mose igharaat moot anunu, isaroni ila ai, ve ipayoonda iza iyoon.†

Ngar raraate moghon pale ivot pa Tamtoghon Natu. Pale tighuri ila ai, ve tipayoonda iza iyoon itaghon Maaron ngar toni. Leso sei masin to ighaze tighur ila toni, tigham nepoon poia ila to Maaron, ve tineep tovene le alok. *Nam 21:4+; Yo 3:36, 6:47, 20:31*

¹⁶ “Pasa, Maaron ighur lolo kat pa tamtoghon to taan. Tauto ipul Natu ee moghon izi inim taan ve imaat padi. Leso tamtoghon tisob to tighur ila toni, tilaledi sob, ve tigham nepoon poia ila to Maaron, ve tineep tovene le alok. *Yo 10:28; Ro 5:8, 8:32; 1Yo 4:9+*

¹⁷ Onoon kat, Maaron imbaan Natu izi inim taan pa ingabiiz tamtoghon ve ighur atia padi ne maau. Ye imbaanja izi inim pa igham mulin di. *Lu 19:10; Yo 12:47; 1Tim 1:15*

¹⁸ Tamtoghon to ighaze ighur ila to Maaron Natu, nene Maaron irau ingabiiza ve ighur atia pani ne maau. Ve ighaze tamtoghon eta ighur ila toni maau, nene ye inimale tamtoghon to tingabiiza

† **3:14-15:** Sawa to yes Israela tinepneep izi ndug balim, tizoor Maaron aliŋa le tipas Maaron ate. Tovenen ye imbaan moot sam-samia tila tighan tamtoghon todi katindi le timatmaat. Eemoghon yes to matadi ila pa moot anunu to Mose igharaata ne, timaat maau. Maaron ipul sosor todi. Saveenja ineep ila Namba 21:4+.

tighaze ye isosor wa, ve isanja moghon pa igham atia toni. Pasa, ye ighur ila to Maaron Natu ee moghon tonenen maau. *Mk 16:16; Yo 5:24; Ro 8:1*

¹⁹ “Pughu to Maaron ighur atia pa tamtoghon, nene vene: Ghazonja toni izi inim taan wa. Eemoghon tamtoghon lolodi pani maau, ve tizuruni. Ve lolodi pa ngar to ndoroom moghon. Pasa, ngar isob to tighamgham di, nene samsamiadi moghon. *Yo 1:4+, 8:12*

²⁰ Tamtoghon tisob to tighamgham ngar samia, tighurghur koi pa ghazonja to Maaron, ve tineep sagan pani. Pasa, timatughez tighaze: Ghazonja toni pale ipatoonj sosor todi ivot ghazonja.

²¹ Eemoghon yes to titaghon saveenj onoon ngara, tinjarua ghazonja to Maaron. Leso ghazonja toni ipatoonj di pa ngar popoia to tighamgham di ne, ve tiwatag tighaze ngar todi tonowen, Maaron ineep toman di ve ipalot di, tauto tigham di.” *1Yo 1:7+*

Yoan ipariaanj tamtoghon pa tighur ila Yesu saveenj toni

²² Muri ghoru, Yesu toman taghoniina toni tipul Yerusalem, ve tila tineep sawa pida izi taan suruvu to Yudea, ve tirurughuuz tamtoghon izi tonowe.

²³ Yoan paam, irurughuuz tamtoghon izi ndug Aenon to ineep igharau ndug Salim. Pasa, ndug tonowen, le ya katindi. Tovenen tamtoghon tilala toni, ve ye irughuuz di tonowe.

²⁴ Sawa tonenen, Erod ighur Yoan iloonj ila ruum to yabyabuunj sone. *Mk 6:14+*

²⁵ Sawa eez, taghoniina pida to Yoan yesna Yuda eez, tiwazoran di pa ataam sine to pale titaghoni pa ririwaan lesu tingalaan ila Maaron mata.‡

²⁶ Tovenen tila to Yoan, ve tisaav pani tighaze: “Patonaan, ughita. Ngeu to muun yamru anepneep izi ya Yordan panja ila ilib pa ndag iza, ve yom upariaan tamtoghon pa tighur ila toni, tauto aazne ival tisob tilala toni, ve irughuuz di we.” *Yo 1:29,35*

²⁷ Yoan ipamuul alinadi ighaze: “Nene poia. Agham ngar naol malep. Tamtoghon eta irau igham uraat tovene sorok maau. Maaron to sambam ipaloti, tauto ye irau igham tovene. *1Kor 3:5+; Yems 1:17*

²⁸ Muun, itina tanepneep, ve yam taumim aloon ghou nasaav naghaze: ‘You Mesia maau. Maaron imbaan ghou namuun nanim pa nagharaat ataam pani moghon.’ ” *Yo 1:20,23*

²⁹ Ghoru Yoan isavia saveen palelaan tonene iza to ye tau ve Yesu: “Ighaze vaiuun eta ivot, ve tamoot inim pa igham liva, ve ita ite to imuun pa uraat to vaiuun ne iloon alina, nene ighami lolo poia kat. Onoon, ye irau igham liva tonenen maau. Pasa, liva tonenen, ye to ita ite. Eemoghon ye pale lolo poia kat. Pasa, uraat toni ighur anona wa. You tovene paam. Lolog poia le poia kat pasa, uraat tiou ighur anona wa. *Mt 9:15*

³⁰ Ye iza pale inim tiina. Ve you izag, ghoru izi ve naneep ila ye samba.”

‡ **3:25:** Yes Yuda ledi tutuun naol pa ririwaan. Ngar todi tovene: Ighaze titaghon katin ataam to tutuun tisob tonowen, nene pale iuul di pa tingalaan ila Maaron mata.

Ngeu to ineeq sambam ve izi inim, ye ilib kat

³¹ Tamtoghon to taan, ye isavia mbeb to taan moghon. Pasa, ye ivot izi taan. Ve ye to ineeq sambam ve izi inim, ye ilib pa tamtoghon tisob. *Yo 8:23; Ro 9:5; 1Kor 15:47*

³² Mbeb to ngeu to sambam tonenen ighita ve iloonja, tauto ivotia. Eemoghon tamtoghon tighur ila saveej toni maau. *Yo 1:10+, 3:11, 12:37+*

³³ Ve ighaze tamtoghon eta iloon saveej toni ve ighur ila, nene ipatoonja ighaze ye ighur ila ighaze Maaron saveej toni, nene onoon. *Ro 3:4*

³⁴ Ngeu to Maaron imbaanja izi inim, ye ivovotia Maaron tau aliija. Pasa, Avuvu to Maaron ireii pani ne, ye irei alulu pani maau. Ipul suvuni ila pani. *Is 42:1; Mbanj 10:38*

³⁵ Tama Maaron lolo ineeq to Natu kat, ve ipul mbeb tisob tila ye nima wa. *Mt 11:27, 28:18; Hib 2:8*

³⁶ Tovenen tamtoghon to ighaze ighur ila to Maaron Natu, nene igham nepoon poia ila to Maaron wa. Ve ye pale ineeq tovene le alok. Eemoghon yes to tizoor Maaron Natu aliija, nene irau tigham nepoon tonenen maau. Maau kat. Mbalmbali to Maaron pale izaza todi itaghoni taghoni gha ila. *Yo 5:24, 6:47; Ro 1:17; 1Yo 5:12*

4

Yesu isavsaav toman Samaria tidi eez

¹⁻³ Sawa tonenen, ndiran tutuunja tiloon tighaze Yesu iyoo tamtoghon katindi tinim taghoniija toni, ve irughuuz di le tilib pa Yoan taghoniija toni. Eemoghon Yesu tau irughuuz tamtoghon maau. Taghoniija toni moghon to tighamgham

uraat tonenen. Yesu iwatag ighaze ndiran tutuunja tiloonj uraat toni varu wa. Tovenen ipul taan suruvu to Yudea, ve ighaze imuul ila pa Galilaia.

⁴ Ataam to ye itaghoni, nene imbut taan suruvu to Samaria, ve ila ivot izi Galilaia.

⁵ Tovenen ye ilaagh ila le ivot ndug eez to Samaria, iza Sikar. Ndug tonowen ineep igharau taan to muunj Yakop igham pa natu Yosep. *Mbnp 33:19, 48:22*

⁶ Ya taij eez to muunj Yakop itaii ne, ineep ndug dige. Yesu ilaagh mala le laghoonj isoonj matini. Tovenen ila mbole izi ya taij dige, ve ate izi. Sawa tonenen, ndag iza bobodaan wa.

⁷⁻⁸ Yesu ate izi inepneep, ve taghoniinja toni tila paanu pa gholiinj adi aniinj. Mala maau ve Samaria tidi eez inim ighaze itib ya. Yesu ighita, ve isaav pani ighaze: “Liva, irau ugham ag ya rita inim naghun?”

⁹ Tovenen liva tonowen isaav pani ighaze: “Wai, yom Yuda taamdi, ve you Samaria tidi. Pughu vena to ughason ghou pa am ya?” Ye isavia saveen tonene pasa, yes Yuda ve yes Samaria tiwalupun di pa nepoonj maau.* *Lu 9:52+; Mbanj 10:28*

¹⁰ Yesu ipamuul alinja ighaze: “You naghason ghom pa ag ya. Ve inimale yom ughilaal ghou kat, ve uwatag mbep poia to Maaron ighaze igham

* **4:9:** Yes Samaria titaghon sunjuunj to yes Yuda ngara pida toman taudi sunjuunj todi ngara pida, ve tamtoghon to ndug ndug tineep ila lolodi. Tovenen yes Yuda tighita yes Samaria tighaze yes Yuda kat maau, ve titaghon katin Maaron tutuunj toni maau. Pughu tonene to yes to Yuda kat tighaze tineep sagan padi. Pasa, matadi ingal tighaze yes Samaria pale tigham di tisami ila Maaron mata.

payom, tone ughason ghou pa naghama am ya to pale igham ghom uneep matam iyaryaar le alok. Ya tonene pale ireer irau sawa isob.”

¹¹ Tovenen liva tonenen isaav pani muul ighaze: “Olman, yom lem ya apatu eta maau. Ve saambu tonene, ya ineep sila kat. Ya reera to usavia ne, pale ughami sine?†

¹² Yom uwatag: Timbuud Yakop itai ya tonene payei alok wa. Ve ye tau toman ndinatu, ve makau ve sipsip toni tighunghun ya tonene. Vena, yom ughaze ulib pa Yakop, tauto ughaze ugham ag ya ite paam ne?”

¹³ Yesu ipamuul aliŋa ighaze: “Tamtoghon tisob to tighun ya tonene, nene pale murun di muul.

¹⁴ Eemoghon ighaze tamtoghon eta ighun ya to you naghaze naghama pani, ye irau muruni muul maau. Pasa, ya to you naghama pani, nene pale pisikia iza le ivon ila lolo. Tovenen tamtoghon tonenen pale igham nepoon poia ila to Maaron itaghoŋi taghoŋi gha ila.” *Is 44:3, 55:1; Yo 7:37+; Syg 21:6*

¹⁵ Liva tonenen iloon saveen tonene, ve isaav pa Yesu muul ighaze: “Wai olman, ugham ya tonenen payou lak! Leso muri murun ghou muul sob, ve nala nanim pa tibuun ya to sualen muul sob.”

¹⁶ Ghoru Yesu isaav pani ighaze: “Yo, ula ugham azuwam, ve yamru amuul anim.”

¹⁷ Liva tonenen ipamuul aliŋa ighaze: “You leg azuwag maau.”

† **4:11:** Liva tonene igham poian Yesu saveen toni pughu maau. Ye ighaze pa Yesu isavia ya kat to irereer. Eemoghon Yesu isavia nepoon poia to tamtoghon pale tighami ila toni, ve Avuvu Patabuanj.

Yesu ipamuul aliņa ighaze: “Aliņam to yom ughaze lem azuwam maau, nene denĵia.

¹⁸ Eemoghon yom uvai nditamoot liim wa. Ve ngeu to aazne yom uneeĵ tomani, ye azuwam tau maau. Tovenen aliņam, nene onoon.”

¹⁹ Liva tonenen ilooĵ saveeĵ tonene, ve nĵar toni pakia. Tovenen isaav pa Yesu ighaze: “Olman, ĵhara naghilaal ĵhom. Yom avaat propet eez to Maaron.

Lu 7:16; Yo 6:14

²⁰ Nes, you leg ĵhasoniĵ eez payom. To muuĵ ve inim, yei Samaria nditimumai tiluplup di pa suņuuĵ izala lolooz tonowen. Ve aazne, paam, nitaghon nĵar tonenen. Eemoghon yam Yuda aghaze tamtoghon irau tisuuĵ pa Maaron izi ndug Yerusalem moghon. Laak, ndug sine to poia pa suņuuĵ?”

Lo 12:5+; Mbo 122:1+

²¹ Yesu ipamuul aliņa ighaze: “Olman tidi, ughur ila saveeĵ tiou tonene. Mala maau pale agham nĵar pa ndug eta to suņuuĵ inimale lolooz tonowen, ma Yerusalem muul maau. Ndug sine to ighaze aneeĵ pani ve asuuĵ, nene poia moghon.‡

²² Yam tamtoghon to Samaria awatag katin Maaron to asuuĵuuĵ pani ne maau. Ve yei Yuda, ĵghoro niwatagi. Pasa, yei ninim ataam pa Maaron igham mulin tamtoghon.

Ro 3:1+, 9:4+

²³ Ve ulooĵ. Mala maau pale sawa paghu ivot. Aazne, inim igharau wa. Sawa tonenen ighaze ivot, tamtoghon pale tigham suņuuĵ tau pa Tamaan Maaron. Yes pale tisuuĵ pani toman lolodi

‡ **4:21:** Yesu saveeĵ toni pughu tovene: Maaron igham nĵar pa ndug to suņuuĵ muul maau. Ye igham nĵar tiina pa tamtoghon lolodi. Ighaze tisuuĵ pani toman lolodi itaghon saveeĵ toni, nene pale ye lolo poia pa suņuuĵ todi.

itaghon saveeñ onoon ve pooz to Maaron Avuvu. Tamaan Maaron izuaria tau pa youñ le tamtoghon to pale tisuñ pani itaghon ataam tovene. *Pil 3:3*
 24 Maaron, ye Avuvu. Tovenen tamtoghon to tighaze tisuñ pani, yes irau tisuñ pani toman lolodi itaghon saveeñ onoon ve pooz to Maaron Avuvu.”

25 Yesu isavia saveeñ tonene le isob, ghero liva tonenen isaav pani ighaze: “You nawatag: Mesia pale inim. Ve sawa to inim ivot, ye pale ipagha-zoñan ghei pa mbeb to naol.” (Saveeñ ‘Mesia,’ yes Grika tiwaata ila alinadi tighaze: ‘Krisi.’)

26 Tovenen Yesu isaav ghazoña pani ighaze: “Mesia to usavia ne, nene you taug tonene, you to nasavsaav toman ghom ne.”

27 Yesu isavsaav pani, ve taghoniña toni timuul tinim tivot. Tighita Yesu yesuru liva tonenen tisavsaav, le tigham ngar naol. Eemoghon eta ighasoni pa pughu vena to ye isavsaav toman liva tonenen maau.

28 Ghero liva tonenen ipul ya apatu toni izi, ve imuul ila pa paanu, ve ipaes pa tamtoghon ighaze:

29 “Ou, yam anim tala aghita ngeu eez to inepneep we. Ngar naol to you naghامgham di ne, ye ivotia di payou le tisob. Ye avaat Mesia tou?”

30 Tauto ival tiina tipul paanu, ve tikeet tila tighaze tighita Yesu.

31 Sawa to liva tonenen ipul Yesu ve imuul ila pa paanu, taghoniña toni tisaav pa Yesu tighaze: “Patoñaan, ugham am aniiñ eta ughan.”

32 Eemoghon ye isaav padi ighaze: “Aniiñ tiou to ghaniñ inepneep. Eemoghon yam awatagi maau.”

³³ Tovenen taghoniinja toni tiwasavon di tighaze: “Vena, tamtoghon eta igham a aniiñ wa?”

³⁴ Yesu isaav padi muul ighaze: “Aghita. You irau nataghon Ngeu to imbaañ ghou nanim ne lolo, ve napasob uraat toni le isob kat. Aniiñ tiou tau tonenen. *Yo 6:38, 17:4*

³⁵ Yam asavsaav aghaze: ‘Kaiyo paañ isob, ghero sawa to taitaiñ ivot.’ Eemoghon you nasaav payam: Nenen ila matini. Matamim ila pa uum. Aniiñ tisob timatu, ve sawa to taitaiñ, tauto ivot wa. *Mt 9:37; Lu 10:2*

³⁶ Tovenen aazne, yes to taitaiñ tisañan muul maau. Tingoog aniiñ anoja, ve tilup di ila ndouñ ndouñ, ve tighamgham ledi atia. Tauto yesña yes to vazogiñ aniiñ, lolodi poia ve tinidi iza. Pasa, uraat todi ighur anoja wa. Anoja tovene: Tigheghereb tamtoghon tila to Maaron, lesu ti-neep matadi iyaryaar le alok. *Mk 4:14+*

³⁷ Ngar tonenen denja pa saveeñ to moghon moghon tasesavia ne: ‘Ngeu eez ivazog, ve ite ilup anoja.’

³⁸ You nambaañ gham ala pa lupuuñ aniiñ anoja to taumim avazogi maau. Ndiran pida tigham uraata le tighun wadedeñadi pani. Uraat todi anoja, tauto aazne yam ala aghami.”

Tamtoghon katindi to Samaria tighur ila to Yesu

³⁹ Yes Samaria katindi to tinepneep izi ndug tonowen tilooñ saveeñ to liva tonenen, ve tighur ila to Yesu. Pasa, ye ivotia ngar to Yesu igham pani ne, ve isaav padi ighaze: “Ngar tisob to you naghhamgham di, tauto ye ivotia di payou le tisob.”

⁴⁰ Tovenen yes Samaria tonowen tila tivot to Yesu, ve tɪnguruuta tighaze ineep toman di ris. Tovenen ye ineep mboŋ ru tonowe.

⁴¹ Tauto tamtoghon katindi to ndug tonowen tighur ila toni. Pasa, tilooŋ saveeŋ ila ye tau avo.

⁴² Ve tisaav pa liva tonowen tighaze: “Papazogi yei nilooŋ saveeŋ tiom moghon, ve nighur ila to ŋgeu tonene. Ve aazne, taumai nilooŋ saveeŋ ila ye tau avo. Tauto niwatag nighaze onoon kat, ŋgeu tonene, ye Volaan̄a to pale igham mulin ival tiina to taan.” *Lu 2:11; 1Yo 4:14*

Yesu imuul ila pa taan suruvu to Galilaia

⁴³ Yesu yes̄a yes Samaria tineep mboŋ ru isob, ghoru imundig muul ve ila pa Galilaia.

⁴⁴ (Ye tau isaav pataghaan̄ wa ighaze: “Propet eta irau le iza izi tau ndug toni maau.”) *Mk 6:4*

⁴⁵ Ye ila ivot Galilaia, ve yes Galilaia tighami toman lolodi poia. Pasa, sawa to lupuuŋ tiina to Pasova, yes paam tila Yerusalem, ve tighita uraat naol to ye igham di tonowe.

Yesu igharaat kinik uraata toni natu le tini poia

⁴⁶⁻⁴⁷ Tovenen Yesu ila ivot muul izi ndug Kana to ineep izi Galilaia ne. Muuŋ, ye ineep tonowe, ve itoor ya inim vaen. Yesu inepneep tonowe, ve uraata eez to kinik to ineep izi ndug Kapernaum, iloŋ Yesu varu tighaze ye ipul Yudea ve inim ivot Galilaia wa. Uraata tonowen natu, moroghoon̄ tiina ighami ve ighengheen. Tovenen ye ipul Kapernaum, ve ila ighaze ighita Yesu. Ila ivot toni, ve itan̄ rorani ighaze izila Kapernaum ve igharaat natu. Pasa, moroghoon̄ tiina ighami le igharau ighaze imaat.

⁴⁸ Yesu isaav pani ighaze: “Wai, yam aghaze le aghita mbeb gharatoonadi toman uraat tintina to ipatoon ghou ighaze Maaron ineep toman ghou pa uraat tiou, ghoru aghur ila. Ve ighaze maau, nene irau aghur ila maau.” *Yo 2:18; 1Kor 1:22*

⁴⁹ Uraata tonenen ipamuul aliņa ighaze: “Tiina, rikia unum ve tazila. Pa vene, natug imaat.”

⁵⁰ Yesu isaav pani ighaze: “Ula! Natum irau imaat maau. Ye pale tini poia.” Tovenen uraata tonenen ighur ila Yesu aliņa ve ila.

⁵¹ Ilaagh muul izila, ve mbesoonņa toni pida tinim tivot toni izi ataam luvuņa, ve tipaes pani tighaze: “Olman, natum tini poia wa!”

⁵² Tovenen ye ighason di pa sawa sine kat to natu mata pakia.

Yes tipaes pani tighaze: “Noor, ndag iza bobodaan ve itap ris, ghoru tini iluum ve mata pakia.”

⁵³ Tovenen pain kainanņen tama mata iņgal: Sawa tonenen kat to Yesu isaav pani ighaze: “Ula. Natum irau imaat maau. Ye pale tini poia.” Tovenen yesņa tamtoghon toni to tineep tomani ila ruum toni, tisob tighur ila to Yesu.

⁵⁴ Nene mbeb gharatoonņa inim ru to Yesu ighami inim ghilaloonņa pa tamtoghon, leso tighilaala tighaze Maaron ineep tomani pa uraat toni. Sawa to ye ipul taan suruvu to Yudea ve imuul ila Galilaia, igham mbeb gharatoonņa tonene.

5

Yesu igharaat iņgeu narape eez izi ya naliu Betesda

¹ Muri ghoru, yes Yuda sawa todi eez ivot pa tilup di ve tigham sunjuun tiina pa Maaron. Tovenen Yesu izala pa Yerusalem.

² Ya naliu eez ineep igharau didiin tiina to iluvut Yerusalem. Tiwaat iza ila Hibru alinjadi tighaze Betesda.*

Ya tonowen ineep igharau ataam avo to tiwaata tighaze ‘Ataam to Sipsip.’ Ve tirei mbeez liim tiyoon tiluvutin ya aze.

³⁻⁴ Moghon moghon moroghoonja katindi tighengheen ila mbeez tonowen lolodi. Pida matadi pisi, pida aghedi isami, ve pida aghedi imaat wa. Irau tilaagh maau. [Tinepneep tonowe ve tisanjan le ighaze ya itarir, nene rikia moghon tila tiyatov di tizila. Pasa, sawa enaenja, anela to Maaron izi inim, ve igham ya tonenen itarir. Ve sei to ighaze iyatova izila muun, nene pale moroghoon toni isob, ve tini poia.]

⁵ Ngeu eez ineepneep ya tonenen aze. Ye moroghoon ikisi irau ndaman tamoot ee saangul liim ve tol (38) wa.

⁶ Yesu ighita ngeu tonenen ighengheen, ve iwatag ighaze ye imoroon sawa mala wa. Tovenen ighasoni ighaze: “Vena? Lolom pa tinim poia?”

⁷ Narape tonenen ipamuul aliija ighaze: “Ngeu tiou, ighaze ya itarir, you leg itag ite eta to iuul ghou ve ighur ghou nazila ya maau. Ve sawa naol to taug natoova pa nazila, tamtoghon pida timuun payou ve tizila.”

⁸ Yesu isaav pani ighaze: “Umundig uyoon, uput moogh tiom, ve ulaagh.”

* **5:2:** Baibol pida tiwaat ya naliu tonene iza tighaze Bet-zata, ma Betsaida.

⁹ Rikia moghon ve ngeu tonenen tini poia. Tovenen imundig, iput moogh toni, imbaada, ve ilaagh ila. Eemoghon sawa tonenen, nene umbom patabuanj to Maaron. *Is 35:4-6; Yo 9:14*

¹⁰ Tovenen daba to yes Yuda tighita ngeu tonenen, ve tiyaana tighaze: “Ai, aazne, nene umbom patabuanj to Maaron! Umbaad moogh tiom ve ulaagh pasa? Ngar to ughami ne, tutuunj ingalsek pani.”

¹¹ Ngeu tonenen ipamuul alinjadi ighaze: “You taug maau. Ngeu to igharaat ghou ve tinig poia, tauto isaav payou ighaze: ‘Uput moogh tiom, ughami, ve ula.’”

¹² Tovenen tighasoni muul tighaze: “Sei isaav payom?”

¹³ Eemoghon ngeu tonenen ikankaan pa sei to igharaata ve tini poia. Pasa, sawa tonenen, ival tiina tinepneep tonowe. Tauto Yesu ipasi ila lolodi, ve ighau ila wa.

¹⁴ Muri ghoru, Yesu ila indeen ngeu tonenen izi Rumai Tiina dige, ve isaav pani ighaze: “Ughita. Aazne, tinim poia wa. You nasaav payom: Ugham sosor muul malep. Ighaze unoknok ghamuunj sosor, nene pale patanjani tiina kat igham ghom le ilib pa patanjani to papazogi igham ghom.” *Yo 8:11; 2Pe 2:20+*

¹⁵ Yesu isavsaav pani le isob, ghoru ngeu tonenen ipuli, ve ila ipaes pa daba to yes Yuda ighaze: “Ngeu to igharaat ghou, nene Yesu.”

¹⁶ Tovenen daba to yes Yuda tiyou avodi pa Yesu, ve tikaal ataam pa tinjal mata. Pasa, ye ighamgham uraat tovene ila umbom patabuanj to Maaron.

¹⁷ Eemoghon Yesu ipamuul alinadi ighaze: “To muun ve inim, Tamañ ighamgham uraat toni irau sawa isob. Tauto you paam naghamgham uraat tovene.” *Yo 9:4, 14:10*

¹⁸ Saveen toni tonene ireu daba tonenen lolodi. Tovenen ngar todi iyaryaan kat tighaze le tirabi imaat. Pasa, tighita tighaze ye imamalaan pa tutuun to umbom patabuan. Ve ngaramus igham sosor ite izala pogho. Pasa, iwaat Maaron ighaze ye tama. Tovenen tighita tighaze ye ipakur tau ighaze ye raraate inim Maaron. *Yo 10:30,33, 19:7*

Yesu itaghon Tama Maaron ngar toni pa uraat to ye ighamghami

¹⁹ Tovenen Yesu isaav pa daba to yes Yuda ighaze: “You nasaav payam. Onoon kat, Maaron Natu irau igham mbeb eta itaghon tau ngar toni ne maau. Maau kat. Ye ighita Tama igham sa ngar, nene ye itaghoñi moghon. Tovenen sa ngar to Tama ighamghami, nene Natu ighami paam. *Yo 8:28+, 14:10*

²⁰ Tama lolo pa Natu kat. Tovenen uraat naol to ye ighamgham di ne, ye ipatoon di pa Natu. Ve muri, ye pale ipatoon uraat tintina pida to tilib pa uraat to ngaramus ivot ne pa Natu. Tovenen yam pale aghita di, le runjamim iza padi ve avomim ikaak. *Yo 3:35*

²¹ Tama Maaron, ye ipamundigin yes mateenja ve timundig matadi iyaryaar muul. Natu tovene paam. Ighaze lolo pa tamtoghon eta, ye pale ighami ineep poia. *Yo 11:25; Ro 4:17; 1Kor 15:45; Ep 2:5*

²² Uraat to gabizoon tamtoghon, tovene paam. Tama Maaron ingabiiz tamtoghon eta ve ighur atia

pani maau. Uraat tonenen, ye ipuli isob ila Natu nima. *Mt 25:31; Mbañ 10:42, 17:31*

²³ Leso ival tisob tighita Natu tighaze ye le iza, ve titandag pani tinimale titandag pa Tama Maaron. Ve ighaze tamtoghon eta itandag pa Maaron Natu maau, nene itandag pa Tama Maaron maau paam. Pasa, ye to imbaañ Natu izi inim taan. *Lu 10:16; Pil 2:10+; 1Yo 2:23*

²⁴ “You nasaav payam: Onoon kat, ighaze tamtoghon eta iloon saveeñ tiou ve itaghoni, ve ighur ila to Tamañ to imbaañ ghou nanim, nene ye igham nepoon poia ila to Maaron wa. Ve ye pale ineep tovene itaghoni taghoni gha ila. Tamtoghon tovene, you irau nangabiiza ve naghur atia pani ne maau. Pasa, ye ipul ataam to mateeñ wa, ve aazne itaghon ataam to ineep mata iyaryaar le alok. *Yo 3:16, 6:40, 8:51; 1Yo 5:13*

²⁵ You nasaav payam: Onoon kat, mala maau pale sawa paghu ivot. Aazne, inim igharau wa. Sawa tonenen ighaze ivot, yes to titaghon ataam to mateeñ ne, pale tiloon Maaron Natu aliña. Ve ival tisob to ighaze tiloon aliña ve titaghoni, nene pale tigham nepoon poia ila to Maaron. *Ga 2:20; Ep 2:1,5; Kol 2:13*

²⁶ Maaron tau inim pughu pa tau nepoon toni. Ve ye ighur tapiri tonenen ila to Natu. Tauto Natu paam inim pughu pa tau nepoon toni. *Yo 1:4*

²⁷ Ve Tama ighur uraat to gabizoon tamtoghon ve ghuruuñ atia padi ila Natu nima paam. Pasa, ye

Tamtoghon Natu.†

Hib 4:15-16

²⁸ Yam runjamim iza pa saveeñ tonene malep. Muri, sawa eta pale ivot, ghoró mateeña tisob to tighéen naal lolo, pale tilooñ Maaron Natu aliña, *1Kor 15:52; 1Tes 4:16*

²⁹ ve timundig, tipul naal todi, ve tivot. Yes to muuñ tighamgham ñgar popoia, pale timundig ve tineep matadi iyaryaar le alok. Eemoghon yes to muuñ tighamgham ñgar samia, pale timundig ve tigham atia to sosor todi. *Mt 25:46; Mbanj 24:15; Ro 2:7+; Syg 20:12*

³⁰ “You irau naghám mbeb eta itaghon taug lolog ve ñgar tiou ne maau. Saveeñ to nalonñlooña ila to Tamañ Maaron, tauto ighamgham pooz payou pa gabizooñ tiou. Tovenen ighaze nañgabiiz tamtoğhon, nene pale gabizooñ tiou denja moghon. Pasa, you nataghon taug lolog maau. Nataghon Tamañ to imbaañ ghou nanim ne lolo.” *Yo 6:38, 8:16; Syg 19:11*

Mbeb pida to tipariaañ ghiit pa taghur ila to Yesu

† **5:27:** Sawa naol, Yesu iwaat tau ighaze ‘Tamtoghon Natu.’ Saveeñ waaro tonene, pughu tol. Sawa pida, nene ataam ite to ye isavia tau. Ve sawa pida, Yesu iwaat tau ighaze ‘Tamtoghon Natu’ pasa, ye tamtoğhon raraate inimale iit. Ve sawa pida, saveeñ tonene pughu tovene: Yesu, ye Mesia to Maaron ighuri pa uraat to ghamuunj pooz itaghon saveeñ to Daniel 7:13-14. Saveeñ to Yesu tonene, ñgar ru tineep ila: Eez, nene vene: Ighaze Yesu inñgabiiz iit tamtoğhon, gabizooñ toni pale denja. Pasa, ye tamtoğhon raraate inimale iit, ve iwatağ katin patañani ve tovaañ naol to taan. Ve ñgar ite, nene vene: Yesu irau inñgabiiz tamtoğhon, pasa ye Mesia to Maaron ighuri pa uraat to ghamuunj pooz.

³¹ Yesu isaav muul tovene: “Ighaze you taug napariaan saveen tiou, nene irau maau. Saveen tovene, yam irau aghur ila aghaze nene onoon ne maau.

³² Eemoghon Ngeu ite to ipariaan saveen tiou. [Nene Tamañ Maaron.] Ve you nawatag: Saveen to ye isasavia payou, nene onoon moghon. *Mt 3:17; Yo 8:18*

³³ “Ve ngeu ite paam ipariaan saveen tiou. Sawa to yam ambaan tamtoghon tiam pida tila to Yoan ngeu rughuzaan, ye ivotia saveen onoon padi, ve ipariaan di pa tighur inim tiou. *Yo 1:29,35*

³⁴ You naghur matag pa tamtoghon eta pa ipalot saveen tiou ne maau. Eemoghon nasavia saveen tonene to nauul gham, leso aghur inim tiou, ve Maaron igham mulin gham.

³⁵ Yoan, ye inim yaryaroon, to ighan ve igham ndug ighazoon pa tamtoghon. Ve sawa rismoghon to ye ineep toman gham, yam tinimim iza ve lolomim poia pa ghazoon, toni.

³⁶ “Eemoghon you leg mbeb ite paam to ipariaan saveen tiou ve ilib pa saveen to Yoan. Nene uraat naol to Tamañ ighur di tinim nimag leso naghham di ve napasob di. Uraat naol to naghhamgham di, nene tipatoon ghou tighaze: Tamañ Maaron imbaan ghou to nanim. *Yo 10:25, 14:11*

³⁷ “Tovenen Tamañ Maaron to imbaan ghou nanim, ye ipariaan saveen tiou wa. Eemoghon muun ve inim, yam aloon aliña rita maau, ve aghita nagho pa eta sone.

³⁸ Ve saveen toni paam ineep tunja ila lolomim maau. Pasa, Tamañ Maaron imbaan ghou nazi

nanim taan, eemoghon yam aghur inim tiou maau.

³⁹ Yam anumeer aghaze Maaron saveenj toni pale ipatoonj gham pa ataam to aneep matamim iyaryaar le alok. Tovenen sawa naol awatwaat saveenj toni, ve azuaria gham aghaze le awatag katin pughu. Ve mos waaro to naol ne tipariaan saveenj tiou. *Lu 24:44; Mbanj 13:27; Ro 1:2*

⁴⁰ You naghaze yam anim tiou, leso agham nepoonj poia ila to Maaron. Eemoghon yam lolomim pa ngar tovene maau.

⁴¹ “Ighaze tamtoghon tipait izag, ma tipait ghou maau, nene matag ila padi maau. Pasa, you nazuaria ghou pa paitoonj to tamtoghon maau. *Ga 1:10; 1Tes 2:6*

⁴² Eemoghon yam, you nawatag gham wa. Yam aghur lolomim pa Maaron rita maau.

⁴³ Pasa, you naghama Tamanj Maaron nagho to nanim. Eemoghon yam agham ghou maau, ve azurun ghou. Ve ighaze ngeu eta itaghon tau ngar toni ve inim, ghoru yam rikia moghon aghami toman lolomim poia, ve aghur ila saveenj toni.

⁴⁴ Pale irau aghur ila to Maaron vena? Maau. Pasa, yam azuaria gham aghaze le nditamim tipait gham, ghoru poia. Eemoghon paitoonj tau to inim pa Maaron, yam azuaria gham pani maau. *Mt 23:5+; Yo 12:43; Ro 2:29*

⁴⁵ Vena, yam aghaze you pale napayoon gham pa savsaveenj ila Tamanj Maaron nagho? Maau. Mose, ngeu to yam anumeera aghaze tutuunj toni pale igham gham aneep pooi, nene ye to pale ipayoon gham pa savsaveenj.

⁴⁶ Inimale yam aghur ila saveenj toni, tone aghur

inim tiou paam. Pasa, saveeᅇ waaro naol to ye imbood di, nene tiza tiou. *Mbnp 3:15, 22:18, 49:10; Lo 18:15+*
⁴⁷ Eemoghon yam aghur ila saveeᅇ to ye imbooda ne maau. Tauto pale aghur ila saveeᅇ tiou vena?"
Lu 16:31

6

Yesu ipan tamtoghon ndiᅇndiᅇ ndiᅇndiᅇ liim (5000)

(Mt 14:13-21; Mk 6:30-44; Lu 9:10-17)

¹ Muri ghoru, Yesu toman taghoniᅇᅇa toni tigham waanᅇ ve tivool tila pa ya naliu Galilaia paᅇa ite. Ya tonowen, iza ite Tiberias.

² Tila tilooᅇ tonowe, ve ival tiina kat titaghoni ve yesᅇa tila. Pasa, tighita mbeg gharatooᅇadi naol to ye ighamgham di pa yes moroghoonᅇa.

³ Yesu yesᅇa taghoniᅇᅇa toni tizala ndug mbuᅇa eez, ve mboledi izi ve tinepneep.

⁴ Sawa tonenen, sawa to yes Yuda tilup di pa sunᅇuᅇᅇ tiina to Pasova, nene inim igharau wa.*

⁵ Yesu mbole izi ve inepneep, ve mata ila le ighita ival tiina tonowen tikeet tiᅇarua tila. Tovenen ighason Pilip ighaze: "Pale taghol aniᅇᅇ sine, ve tapan ival tiina tonene?"

⁶ Saveeᅇ tonene, ye isavia pa itoov Pilip. Eemoghon ye tau iwataᅇ sa ᅇgar to ye ighaze ighami.

* **6:4:** Pasova ivotvot pa ndaman to naol ne. Yoan imbood saveeᅇ pa Pasova tol. ᅇgat inim ru pani, nene isavia Pasova eez. ᅇgat tonene isavia Pasova ite to inim ru pani. Ve Yesu imaat pa Pasova to inim tol pani.

⁷ Pilip ipamuul aliņa ighaze: “Wai, ival ne ris? Ighaze taghol adi aniņ rita pa titatan atedi pani, nene yaam denari 200 iraua paam maau.”

⁸ Ghoru taghoniņa toni ite, iza Andreas (ye Simon Petrus tazi) isaav pa Yesu ighaze:

⁹ “Ai, ughita pain tonene. Ye a mberet bali liim, ve iigh geegeu ru. Eemoghon tamtoghon tonene, ival le ival kat. Aniņ ņgiira tovene pale irau di vena?”

¹⁰⁻¹¹ Ndug to tineep pani, le kikiliņ popoia. Tovenen Yesu isaav pa taghoniņa toni ighaze: “Ala asaav pa ival tiina tonowen mboledi izi.” Ival tiina mboledi izi, ghoru Yesu igham mberet tonowen, ipait Maaron pani, ve ireii padi. Ghoru igham ņgar raraate moghon pa iigh. Tovenen ival tiina tighan le isooņ di. Ival tiina tonenen, nditamoot todi moghon irau ndiņndiņ liim (5000) ma venen.

¹²⁻¹³ Tamtoghon tisob tighan le apodi isuņ, ghoru Yesu isaav pa taghoniņa toni ighaze: “Yam ala aņgoog avodi alulu to izi we. Takaria aniņ malep.” Tovenen tila tiņgoog aniņ pida pida tonowen, ve tinonog di tila nakaral saangul ve ru le tivon.

¹⁴ Ival tiina tighita mbep gharatoonņa to Yesu ighami inim ghilalooņ padi, le tisaav tighaze: “Onoon kat, propet tiina to tisavia tighaze Maaron pale imbaaņa izi inim taan, tau tonene!”† *Lo 18:15-22; Yo 1:21*

† **6:14:** Yes Yuda to tineep pa sawa to Yesu, matadi iņgal tighaze Maaron pale imbaaņ propet tiina eez padi, itaghon saveeņ to Lo 18:15-19. Pida tighaze ņgeu tonowen pale Mesia paam. Ve pida tighaze ye pale igham uraat to propet moghon.

¹⁵ Tovenen timundig tighaze tikisi ve tighuri inim kinik padi pataghaan. Eemoghon Yesu iwatag ngar todi wa. Tovenen ipul di tizi, ve ighau izala pa lolooz, leso enjeni ineep tonowe. *Mk 6:46*

*Yesu ilaagh izala ya pogho
(Mt 14:22-33; Mk 6:45-52)*

¹⁶ Taghoniina to Yesu tinepneep le rabrab izi, ghoru tizila pa naari,

¹⁷ ve tiza waan, leso tiraav tivool tila pa ndug Kapernaum to ineep ya naliu paña ite. Sawa tonenen, Yesu ila ivot todi sone. Ve mbon izi wa.

¹⁸ Tivot gha tila ve mala maau, yaghur tiina imundig le ipei dibom tintina.

¹⁹ Tapiridi pa ngoraan le tila tivot bodbodaan to ya naliu. Ghoru matadi imuul, le tighita Yesu ilaghaagh ila ya pogho inarua di inim le igharau di. Tighita le matughezaan tiina igham di.

²⁰ Eemoghon Yesu isaav padi ighaze: “Am-atughez malep! You nanepneep.”

²¹ Ghoru lolodi poia, ve tighami iza waan. Rikia moghon ve tila tiloon naari to tighaze tila pani.

Ival tisañan Yesu

²²⁻²³ Ival tiina to tineep izi ya naliu paña ite, tisañan Yesu mbon le ndugizau. Ghoru tigham ngar naol pani. Pasa, noor tighita waan ee moghon to taghoniina toni tighami ve tila. Waan ite paam maau. Eemoghon Yesu ila toman di maau. Taghoniina toni moghon to tivot tila. Ival tiina tonowen tinepneep tonowe, ve waan geegeu pida to ndug Tiberias tiloon tigharau ndug to noor moghon Tiina toit ineep pani, ve ipait Maaron pa aniin, ve igham pa ival tiina ve tighan.

24 Ival tiina to tisaşan Yesu, tighita Yesu toman taghoniina toni naghodi maau, tovenen tiza waan geegeu tonowen, ve yesna waan tamtoghonadi tiraav tivooll tila pa Kapernaum. Leso tikaal Yesu tonowe.

Yesu, ye aniiñ to igham ghiit taneep mataad iyaryaar

25 Ival tiina tonenen tila tiloon ya naliu paña ite, ve tindeen Yesu tonowe. Tovenen tighasoni tighaze: “Mos Tau, unum sualen neez?”

26 Yesu ipamuul aliñadi ighaze: “You nasaav payam. Onoon kat, yam agham ngar pa mbeb gharatoonadi tintina to naghani di tinim ghilaloon payam, ve akaal ghou anim ne maau. Yam ataghon ghou anim pasa, aghan katin aniiñ le apomim isun!

27 Aloon, aniiñ to isami rikrikia, yam arab tau-mim pani malep. Yam irau azuaria gham pa aniiñ to pale igham gham aneep matamim iyaryaar le alok. Aniiñ tonowen, Tamtoghon Natu irau igham payam. Pasa, Tama Maaron igham mbeb gharatoona inim ghilaloon pani, tauto ipatoona ighaze ye iza pa ghamuun uraat tovene.” *Is 55:2; Mt 4:4*

28 Tovenen yes tighasoni: “Ighaze venen, pale nigham sa, lesa nigham uraat to Maaron lolo pani?”

29 Yesu ipamuul aliñadi ighaze: “Uraat to Maaron ighaze yam aghami, nene vene: Yam irau aghur ila to ngeu to ye imbaaña inim.” *1Yo 3:23*

30-31 Tovenen tighasoni muul: “Venen, pale ugham sa mbeb ivot inim ghilaloon payei, lesa nighita ve nighur ila nighaze Maaron ineep toman

ghom pa uraat tiom? Ughita. Yei nighur ila saveen to Mose pasa, muun sawa to nditimumai tilaghaagh izi ndug balim, ye igham aniiñ manna padi, ve tighanhan. Saveenja timbooda pataghaan wa. Ighaze:

‘Ye igham aniiñ to sambam izi padi ve tighan.’” *Igham 16:4,15*

³² Yesu ipamuul aliñadi ighaze: “You nasaav payam kat. Yam aghaze Mose igham aniiñ to sambam izi pa nditimumim ve tighan? Maau. Pasa, aniiñ tau to ipul sambam ve izi inim, tauto aazne Tamañ Maaron igham payam.

³³ Aniiñ to Maaron igham payam, nene ngeu to ipul sambam ve izi inim, leso igham nepoon poia pa tamtoghon to taan.” *Yo 3:13,31; 1Yo 5:11*

³⁴ Yes tiloon saveen tonene, ve tisaav pani muul tighaze: “Wai tiina, ighaze venen, ghoru ugham aniiñ tonowen payei irau sawa isob!”

³⁵ Yesu isaav padi muul ighaze: “Aniiñ to igham tamtoghon tineep matadi iyaryaar, nene you taug. Tamtoghon to ighaze inim tiou, nene pale pitoola muul maau. Ve ighaze ngeu eta ighur inim tiou, nene pale muruni muul maau. *Is 55:1-2*

³⁶ You nasaav payam wa. Onoon, yam aghita ghou toman uraat tiou. Eemoghon aghur inim tiou maau.

³⁷ Ve tamtoghon to Tamañ Maaron ighur di pa tinim leg, yes tisob pale tinim tiou. Ve ighaze tamtoghon eta inim tiou, nene you irau nazuruni maau. Maau le maau kat. *Mt 11:28*

³⁸ “You naneep sambam ve nazi nanim taan pa naghama mbeb eta itaghon taug lolog ne maau.

You nazi nanim pa nataghon Tamañ to imbaañ ghou nanim ne lolo.

³⁹ Ve ye lolo ighaze yes to ye ighur di tinim leg, irau napul eta ilale maau. Ye ighaze sawa to Mboñ Muri, you napamundigin di pa mateeñ. *Yo 10:28+; Ro 8:29+,38+; Pil 1:6; 1Pe 1:5*

⁴⁰ Onoon kat, Tamañ Maaron lolo tovene: Tamtoghon tisob to tighilaal Natu ve tighur ila toni, ye ighaze tigham nepoon poia ila toni, ve tineep tovene itaghoni taghoni gha ila. Tovenen Mboñ Muri, you pale napamundigin di pa mateeñ ve timundig matadi iyaryaar.” *Yo 3:16, 11:25+*

⁴¹ Yes Yuda tiloon saveeñ tonene, le irau lolodi maau ve tiyou avodi pani. Pasa, Yesu isaav padi ighaze: “Aniin tau to ipul sambam ve izi inim, nene you taug.”

⁴² Ve tivelegi tighaze: “Ngeu tonene, ye Yosep natu Yesu. Iit tawatag tama ve tina. Pughu vena to aazne isaav ighaze ye ipul sambam ve izi inim?” *Mt 13:54+; Yo 7:27+*

⁴³ Tovenen Yesu ipamuul alinadi ighaze: “Yam lolomim ñukia ve ayou avomim pasa?”

⁴⁴ Tamtoghon eta irau inim tiou sorok ne maau. Tamañ to imbaañ ghou nanim ne, irau ipazaagh tamtoghon lolodi ve ighereb ñgar todi inarua ghou, ghoru tinim tiou. Tamtoghon tovene, sawa to Mboñ Muri, you pale napamundigini pa mateeñ ve ineep mata iyaryaar. *Yer 31:3; Yo 12:32; Mbañ 13:48; 1Kor 2:14*

⁴⁵ “Saveeñ waaro eez ineep ila rau to yes propeta. Isaav ighaze:

‘Maaron pale ipatoot tamtoghon tisob ve ipag-hazonan ñgar todi.’ *Is 54:13; Yer 31:34; Hib*

8:10; 1Yo 2:27

Tamtoghon tisob to tilonloonj Tamañ aliña ve tighamgham ñgar ila toni, nene pale tinim tiou.

⁴⁶ Tamtoghon eta to taan ighita Tamañ Maaron pa eta sone. Ye to ineep to Maaron ve inim, ye moghon to ighita. *Igham 33:20; Yo 1:18*

⁴⁷ “You nasaav payam: Onoon kat, ighaze tamtoghon eta ighur inim tiou, nene ye igham nepoonj poia ila to Maaron wa. Ve ye pale ineep tovene itagthoni tagthoni gha ila. *Yo 3:36; 1Yo 5:13*

⁴⁸ Pasa, you taug aniiñ to igham tamtoghon tineep matadi iyaryaar le alok.

⁴⁹ Onoon muunj nditibumim tighanghan aniiñ manna izi ndug balim. Eemoghon tisob timatmaat.

⁵⁰ Ve aniiñ to you nasavia ne, nene ipul sambam ve izi inim. Leso yes to tighani, timaat gha tilaledi sob, ve tineep matadi iyaryaar le alok.

⁵¹ Aniiñ to ipul sambam ve izi inim taan, ve igham tamtoghon tineep matadi iyaryaar, nene you taug. Ighaze tamtoghon eta ighan aniiñ tonene, ye pale ineep mata iyaryaar le alok. Aniiñ to nasasavia, nene you mindag. Pasa, you pale napul taug namaat pa tamtoghon to taan, lesa tigham nepoonj poia ila to Maaron.” *Hib 10:5,10*

⁵² Yes Yuda tiloonj saveenj tonene, le ireu lolodi kat. Tovenen tiwazoran di tighaze: “Wai, ñgeu tonene ighaze igham minda pait ve taghani? Pale mbeb tonene ivot vena?”

⁵³ Tovenen Yesu isaav padi muul ighaze: “You nasaav payam: Onoon kat, ighaze aghan Tamtoghon Natu minda maau, ve aghun siñ toni

maau, yam irau agham nepoon poia ila to Maaron maau.‡ *Mt 26:26+*

⁵⁴ Ve tamtoghon to tighan mindag ve tighun sin tiou, nene tigham nepoon poia ila to Maaron wa. Ve yes pale tineep tovene le alok. Tovenen sawa to Mbon Muri, you pale napamundigin di pa mateen ve tineep matadi iyaryaar.

⁵⁵ Pasa, mindag, nene aniiñ tau. Ve sin tiou, nene ya tau to ghunuun.

⁵⁶ Ighaze tamtoghon eta ighan mindag ve ighun sin tiou, nene pale yeru nilup ghei ninim ee moghon, ve ye ineep inim tiou, ve you naneep ila toni irau sawa isob.

⁵⁷ “Taman to imbaan ghou nanim ne, ye nepoon mata yaryaara pughu, ve you naneep ila toni. Ve tamtoghon to ighaze ighanghan inim tiou, ve ighamgham tapiri inim tiou, tovene paam. Ye pale igham nepoon poia inim tiou.

⁵⁸ Aniiñ to ineep sambam ve izi, ve you nasasavia payam ne, nene aniiñ mata ite pa aniiñ manna to muun nditimumim tighani izi ndug balim. Pasa, yes to tighan manna tonowen, tisob timatmaat. Eemoghon tamtoghon to ighaze ighan aniiñ to you nasavia, nene pale ineep mata iyaryaar le alok.”

⁵⁹ Yesu ineep izi ndug Kapernaum, ve ipatoot di pa Maaron aliña iloon ila rumai todi, ve isavia

‡ **6:53:** Ndiran ngara pida tighaze saveen to Yesu tonene injarua ngar to ghaniin pasa. Ve ndiran ngara pida tighaze saveen tonene, pughu tovene: Iit irau tagham Yesu inim leed, ve taghur ila taghaze patañani to ye imbaada ve mateen toni, nene ireu sosor toit. Ighaze tagham tovene, ye pale ipalot ghiit inimale aniiñ, ve tagham nepoon poia ila toni.

saveeᅇ tonene padi.

Tapul Yesu malep. Pasa, saveeᅇ to igham ghiit taneep mataad iyaryaar; ineep toni

⁶⁰⁻⁶¹ Tamtoghon katindi to titaghon Yesu, tiloon saveeᅇ toni tonenen, le irau lolodi maau. Tovenen tiyou avodi pani tighaze: “Wai, saveeᅇ tonene pataᅇani kat! Sei pale iloonᅇa ve ighur ila?”

Eemoghon Yesu iwataᅇ yes tiyou avodi pa aliᅇa to ye isavia. Tovenen isaav padi ighaze: “Vena, yam arere ghou pa saveeᅇ tiou tonene, tauto ag-haze apul ghou ne?”

⁶² Ighaze venen, ve muri yam aghita Tamtoghon Natu imuul izala pa ndug to muuᅇ ye ineep pani, nene pale agham ᅇgar vena? *Mk 16:19; Mbanᅇ 1:9+; Ep 4:8*

⁶³ Maaron Avuvu moghon irau igham nepoonᅇ poia to anunuud ivot. Mbeb eta to tamtoghon to taan tighami ila taudi tapiridi ve ᅇgar todi, irau iuul di pa tigham nepoonᅇ tonenen maau. Saveeᅇ to you nasavia payam, tauto inim ataam pa agham Maaron Avuvu toman nepoonᅇ poia. *2Kor 3:6; 1Pe 1:23*

⁶⁴ Eemoghon tamtoghon pida to tineep ila lolomim, tighur ila maau.” Yesu isavia saveeᅇ tonene pasa, sawa to ye ipamundigin uraat toni ve inim, ye iwataᅇ yes to tighur ila toni maau. Ve ᅇgeu to muri ighuri ila koia nimadi ne paam, Yesu iwataᅇgi.

⁶⁵ Yesu iseeᅇ saveeᅇ toni muul ighaze: “Pughu tonene, to you nasaav payam pataghaaᅇ naghaze: ‘Tamtoghon eta irau inim tiou sorok ne maau.

Tamaŋ Maaron irau iuuli ve ighereb ŋgar toni iŋarua ghou, ghoru inim tiou.’ ” *Yo 6:44*

⁶⁶ Yesu isavia saveeŋ tonene le isob, ghoru tamtoghon katindi to titaghoni, yes tipuli, ve tighau tila. Muri, tilaagh tomani muul maau.

⁶⁷ Tovenen Yesu ighason taghoniina toni saangul ve ru ighaze: “Vena, yam paam aghaze apul ghou ve aghau?”

⁶⁸ Simon Petrus ipamuul aliŋa ighaze: “Tiina, ighaze nipul ghom ve nighau, pale nila to sei? Pasa, saveeŋ to pale igham ghei nineep matamai iyaryaar le alok, nene ineep tiom.

⁶⁹ Yei nighilaal ghom wa, ve nighur ilat tiom nighaze yom ŋgeu patabuan to Maaron imbaan ghom unum.” *Mt 16:16; Yo 11:27*

⁷⁰ Tovenen Yesu ipamuul aliŋadi ighaze: “Yam saangul ve ru tonene, you taug nisia gham anim leg. Eemoghon tamtoghon tiam eez, ye inim Ŋgeu Samia le wa.”

⁷¹ Saveeŋ tonene, Yesu isavia iŋarua Yudas to Simon Iskariot natu. Onoon, taghoniina toni saangul ve ru, Yudas, ye todi eez. Eemoghon muri, ye ighur Yesu ila koia nimadi. *Mt 26:14+*

7

Yesu nditazi tighur ila toni maau

¹ Muri pa nenen, Yesu lolo pa ilaagh izi Yudea muul maau. Pasa, ye iwatag: Daba to yes Yuda to tineep nowe ne, tikalkaal ataam pa tirabi imaat. Tovenen ilaghlaghlagh izi Galilaia moghon.

² Sawa tonenen, lupuun tiina ite to yes Yuda inim igharau. Lupuun tonenen, to matadi iŋgal pa

sawa to nditimbudi tilaghlaagh izi ndug balim ve tinepneep ila dur moghon. *Wkp 23:34+*

³ Tovenen Yesu nditazi tisaav pani tighaze: “Upul ndug tonene, ve ula pa Yudea. Leso ndiran tiom pida to tinepneep tonowe paam tighita uraat to yom ughamgham di ne.

⁴ Ighaze ngeu eta ighaze varu ilaan irau ndug, nene irau igham uraat toni inim ngozaan maau. Tovenen ighaze yom ugham uraat tovene, yom irau upatoon naghom pa ival tiina.”

⁵ Onoon, Yesu nditazi kat. Eemoghon yes tighur ila toni sone. Tauto tisaav pani tovene. *Mbo 69:8; Mk 3:21*

⁶ Tovenen Yesu isaav padi ighaze: “Sawa sine to aghaze ala, yam irau ala. Ve sawa tiou to nala, nene sone.

⁷ Tamtoghon to taan ledi pughu eta to tighur koi payam maau. Eemoghon you, ghoru tighurghur koi payou. Pasa, ngar samsamia naol to tighamgham di ne, you navotia di tighazoon. *Yo 3:19+, 15:18+*

⁸ Tovenen yam moghon azala pa lupuun tiina tonowen. You irau nalat maau. Pale naneep. Pasa, sawa tiou to nazala, nene sone.”

⁹ Yesu isaav padi tovene, ve ineep izi Galilaia.

Yesu izala pa Yerusalem, ve ighita lupuun tiina

*to Dur**

¹⁰ Tovenen Yesu nditazi tizala pa lupuun tiina tonenen. Muri ghoru, ye paam ana imundig ve itaghon di izala. Eemoghon ilaagh ghazoonja maau. Ilaagh inim yongaaj, ve ila ivot.

¹¹ Daba to yes Yuda to tineep pa lupuun tiina tonowen, tikaal Yesu, ve tiwaghasonin di tighaze: “Ngeu tonowen ineep sine?”

¹² Ve ival tiina tiwazoran di pani paam. Pida tighaze: “Ye ngeu poia.” Ve pida tighaze: “Maau, ye iwatombanon ival tiina le tiyel pa ataam to Maaron.”

¹³ Eemoghon saveen to tisasavia pa Yesu, nene tisavia ivot ighazoon maau. Pasa, timatughez pa daba to yes Yuda.

¹⁴ Tinim bodbodaaj to lupuun tiina tonenen, ghoru Yesu inim peria, ve malmali izala pa Rumai Tiina, ve ipatoot tamtoghon pa Maaron aliija.

¹⁵ Daba to yes Yuda tiloon saveen toni le runadi iza. Ve tisaav tighaze: “Wai, ngeu tonene igham ngar ila to patonjaan eta maau. Pughu vena to ye le ngar tiina tovene?” *Mt 13:54*

¹⁶ Yesu isaav padi ighaze: “Sawa to napa-toot gham pa Maaron aliija, saveen to navovotia

* **7:9:** Lupuun tiina to Dur ivotvot pa Septemba ma Oktoba. Sawa tonenen, nene sawa to tiyou oliv ve vaen anoja. Sawa to lupuun tonowen, yes Yuda ival tizala pa Yerusalem pa sunjuun, ve tigharaat dur ejaenja le irau di, ve tineep iloon ila irau wik eez. Lupuun to Dur ngara tovene: Yes Yuda lolodi poia pa oliv ve vaen anoja to tiyou di, ve tipait Maaron pani. Ve matadi ingal sawa to nditimbudu tilaghaagh izi ndug balim to le ya maau, ve Maaron igham ya ivot ila yaam tiina eez ve ireer, leso tighun.

payam, nene taug saveen tiou maau. Nene saveen to Ngeu to imbaan ghou nanim. *Yo 14:24*

¹⁷ Ighaze tamtoohon eta ighaze itaghon Maaron lolo, ye pale ighilaal: Saveen to you napatoot gham pani, nene inim pa Maaron, ma nasavia itaghon taug ngar tiou?

¹⁸ Ighaze tamtoohon eta isasavia saveen itaghon tau ngar toni, nene taghilaal taghaze ye ighamgham pa tau iza moghon. Eemoghon ighaze tamtoohon eta izuarua tau pa pakuruun Ngeu to imbaan inim ne iza, nene ye avo onoon, ve ngar toni denja moghon. Kaarom eta ineep ila lolo maau.

¹⁹ Muun, Mose igham tutuun pa nditimumim. Eemoghon tiam eta itaghon kat maau. Pughu vena to aazne azuarua gham aghaze arab ghou namaat?" *Mban 7:38,53; Ro 2:17+*

²⁰ Ival tiina tiloon saveen toni tonene, ve tisaav pani tighaze: "Wai, sei ighaze irab ghom umaat? Avuvu samia eta avaat izeev ghom. Tauto ngar tiom iwaghamgham." *Mk 3:22*

²¹ Yesu ipamuul alinadi ighaze: "You naghram mbeb gharatoon ee moghon, ve yam asob runjamim iza pani ve agham ngar naol. *Yo 5:2+*

²²⁻²³ Aghita. Muun, Mose ighur tutuun payam pa ngar to ziroon ndipain. Eemoghon ye ipamundigin ngar tonowen maau. Nditimumim Abaram, Isak, ve Yakop, tauto tipamundigini. Muri ghoru, Mose isavia ngar tonenen tutuun payam. Yam aghaze ataghon tutuun toni tonenen, tauto azir ndinatumim. Eemoghon sawa pida, yam agham uraat tonenen ila umbom patabuan to Maaron. Pa

vene, amalaan pa tutuun to Mose.†
 Laak, ighaze yam taumim aghamgham tovene,
 pughu vena to atemim yabyab payou? You nanim
 pa ghamuun uraat to ulaan. Tauto nagharaat
 narape eez tini isob poia ila sawa to umbom
 patabuan. *Mbnp 17:9+; Wkp 12:3*

²⁴ Yam angabiiz mbeb to potla moghon malep.
 Aneep ve angabiiz poian lolo toni paam. Leso
 gabizoon tiam denja.”

*Tamtoghon tiwazoran di pa Yesu: Ye Mesia, ma
 maau?*

²⁵ Tamtoghon pida to Yerusalem tiloon Yesu
 saveen toni ve tisaav tighaze: “Vena, ngeu to daba
 toit tizuaria di pa tirabi imaat, tau tonene? *Yo
 5:18*

²⁶ Aghita. Aazne, ye isavsaav ila ival tiina matadi.
 Eemoghon daba toit tisavia saveen eta pani maau.
 Neneenadi moghon. Vena, yes avaat tiwatagi tig-
 haze ye Mesia?

²⁷ Eemoghon ngeu tonene, iit tawatag ndug to ye
 inim pani. Ve sawa to Mesia tau inim, tamtoghon
 eta pale iwatag ndug to ye inim pani ne maau.”

²⁸ Yesu ipatoot tamtoghon pa Maaron aliņa izi
 Rumai Tiina nagho, ve isaav aliņa tiina ighaze:
 “Vena, yam agham ngar aghaze awatag ghou, ve
 awatag ndug to nanim pani ne? Aloon. You
 nataghon taug lolog ve nanim maau. Taman
 Maaron imbaan ghou to nanim. Ye avo onoon,

† **7:22-23:** Yuda tidi tipoop ndinatudi nditamoot ve mbon inim
 liim ve tol pani, ghoru uraat to ziroon ndinatudi tonenen ivot.
 Tovenen ighaze tipoop di pa Fraide, nene Sarere to wik muri, yes
 pale tizir di. Eemoghon Sarere, nene umbom patabuan to Maaron.

ve itataghon saveen mbuaan toni. Yam awatagi maau.

²⁹ Eemoghon you, ghoru nawatagi. Pasa, naneep toni, ve ye imbaan ghou nanim.” *Mt 11:27; Yo 10:15*

³⁰ Yes tiloon saveen toni tonene, ve tighaze tikisi pataghaan. Eemoghon eta kokor iza pani maau. Pasa, sawa toni ivot sone.

³¹ Tamtoghon katindi to tineep ila ival tiina lolodi ve tilonloon saveen toni, tighur ila toni, ve tisaav tighaze: “Mesia to tasasanani ne, ighaze inim, pale irau ilib pa ngeu tonene pa ghamuun mbeg gharatoonadi? Maau. Ye tau tonene.”

Yes daba tighaze tikis Yesu

³² Ndiran tutuunja tiloon ival tiina tikamuun pa Yesu tighaze ye Mesia. Tovenen yesja yes daba to watoonrau timbaan uraata pida to Rumai Tiina tila pa kisiinji.

³³ Yesu isaav padi ighaze: “You pale itinja taneep ris, ghoru napul gham, ve namuul nala to Ngeu to imbaan ghou nanim.” *Yo 12:35*

³⁴ Muri, yam pale azuaria gham pa kaloon ghou. Eemoghon irau andeen ghou maau. Pasa, ndug to you pale nala pani, yam irau ala pani maau.” *Yo 8:21, 13:33+*

³⁵ Tovenen daba to yes Yuda tiwaghasonin di tighaze: “Ngeu tonene pale ila sine ve taghita muul maau? Ma ye ighaze ila to nditaad pida to tila tineep ila yes Grika lolodi we, lesu ipatoot yes Grika paam pa Maaron alinja?

³⁶ Saveen toni tonene, pughu vena? Pasa, ye isaav pait ighaze: ‘Yam pale azuaria gham pa kaloon ghou. Eemoghon irau andeen ghou maau.

Ve ndug to you nala pani, nene yam irau ala pani maau.’”

Yesu irau igham ya to nepoon mataad yaryaara pait

³⁷ Sawa to lupuun tonenen ighaze isob, nene sawa tiina kat to tilup di pa sunuun. Sawa tonenen, Yesu imundig, ve isaav aliņa tiina tovene: “Ighaze tamtoghon eta muruni, ghoru inim tiou. You pale naghama ya pa ighun. *Is 55:1; Yo 4:10,14; Syg 22:17*

³⁸ Pasa, Maaron aliņa to timbooda, isaav ighaze: Tamtoghon tovene, ya to nepoon mata yaryaara pale ivon ila lolo, ve ireer ivot.” *Is 12:3, 44:3, 58:11; Ezek 47:1+*

³⁹ Saveen tonene, Yesu isavia inarua Maaron Avuvu. Muri, ye igham Avuvu tonowen pa tamtoghon tisob to tighur ila toni. Eemoghon sawa to ye isavia saveen tonene, ival tiina tigham Avuvu Patabuan sone. Pasa, sawa to Yesu ipatoon iza tiina ivot ighazon, nene ivot sone. *Yoel 2:28; Yo 14:16+; Mban 2:4*

Tamtoghon tigham ngar naol pa Yesu

⁴⁰ Ival tiina tiloon Yesu aliņa tonene, ve tamtoghon pida timundig ve tisaav tighaze: “Onoon kat, propet tiina to tasasanani ne, tau tonene!” *Lo 18:15+; Yo 6:14*

⁴¹ Ve pida tighaze: “Maau. Ngeu tonene, ye Mesia.” Ve pida tizoor di tighaze: “Aghita. Mesia irau ivot izi taan suruvu to Galilaia? Maau.

⁴² Pasa, Maaron aliņa to timbooda, isaav ighaze Mesia pale ivot ila sin to David, ve tipooa izi David ndug toni Betelem.” *Mbo 132:11; Mika 5:2; Mt 2:5+*

⁴³ Tovenen ival tiina tonowen tigham n̄gar naol naol pa Yesu le tivalag taudi.

⁴⁴ Pida tighaze tikisi pataghaan̄. Eemoghon tamtoghon eta kokor iza pani maau.

Daba to yes Yuda tighur ila to Yesu maau

⁴⁵ Tovenen yes uraata to timbaan̄ di tila pa kisiin̄ Yesu ne, timuul tila sorok to yes daba to watoon̄rau ve ndiran tutuun̄a. Daba tonowen tighita di, ve tighason di tighaze: “Pughu vena to akis n̄geu tonowen ve aghami anim maau?”

⁴⁶ Yes uraata tonowen tisaav padi tighaze: “Wai, to muun̄ ve inim, tamtoghon eta isavsaav inimale n̄geu tonowen maau.” *Mt 7:28+*

⁴⁷ Tovenen ndiran tutuun̄a tonowen tiyaan di tighaze: “Wai, kaarom toni ighamun n̄gar tiam paam?”

⁴⁸ Aghita. Daba toit ma ndiran tutuun̄a, todi eta ighur ila to n̄geu tonowen? Maau. *Yo 12:42; 1Kor 1:26, 2:8*

⁴⁹ Nowe ival tiina to tikankaan pa tutuun̄ to Mose, tauto tighur ila toni. Ve tamban̄ di paam. Muri, mbalmbali to Maaron pale iza todi.”

⁵⁰ Yes daba tonowen, tamtoghon todi eez to yesna tinepneep ne, iza Nikodemus. Ye n̄geu to muun̄ ila to Yesu ve yesuru tisavsaav. Ye isaav padi ighaze: *Yo 3:1+, 19:39*

⁵¹ “Ou, tutuun̄ toit isaav vena? Irau tasaav sorok taghaze tamtoghon eta igham sosor? Maau. Iit irau taloon̄ saveen̄ toni, ve tan̄gabiiz poian n̄gar to ye ighamghami, ghoru taghur atia pani.” *Lo 1:16+*

⁵² Yes tipamuul aliņa tighaze: “Wai, ighaze venen, yom paam avaat Galilaia taamdi? Utiir poian Maaron saveeņ toni, ve ugham ngar pani pooli. Propet eta irau ivot izi taan suruvu to Galilaia maau.”

⁵³ Ghorō yes tisob tighau mbiriis tila pa ruum todi todi.

8

Yesu lolo isamin liva eez to ighur maat

¹ Yesu ipul Yerusalem, ve izala pa lolooz Oliv, ve ineeep tonowe pa mboņ.

² Mboņmaagh kat, ve ye imuul ila, ve ilooņ ila sirsiiir to Rumai Tiina. Ve ival tiina tinim tiluvuti. Tovenen ye mbole izi, ve ipatoot di pa Maaron aliņa.

³⁻⁴ Ye isavsaav padi, ve yes nğara to tutuun toman ndiran tutuņa pida tigham liva eez, ve tila tivot toni. Liva tonowen ighur maat, ve tamtoğhon pida tighita. Tauto tikisi, ve tighami tila to Yesu. Ghorō tipayoonda ila ival tiina matadi, ve tisaav pa Yesu tighaze: “Patoņaan, ughita liva tonene. Ye ighur maat, ve tamtoğhon pida tighita.

⁵ Mose ighur tutuņ ariņa pait ighaze liva tovene, iit irau tarabi pa yaam le imaat. Ve yom usaav vena?” *Wkp 20:10; Lo 22:22+*

⁶ Yes tisavia saveeņ tonene pa titoova. Ighaze ye isavia saveeņ eta isosor, ghorō inim le pughu pa ti-payoonda pa savsavēņ. Eemoghon Yesu ipamuul aliņadi rikia maau. Izi imbutur, ve imbodbood ila taan pa nima u.

⁷ Yes tinoknok ghasoniiņi. Tovenen mata iza, ve isaav padi tovene: “Tiam eta, ighaze le sosor

eta maau, ghoru igham yaam ve irab liva tonene muun.” *Mt 7:1+; Ro 2:1,22*

⁸ Ghoru mata izi muul, ve imbodbood pa nima u ila taan.

⁹ Yes tiloon saveen toni, ve enaena tipaspas ve tiwaghaughau. Ndolman timuun, ve yes papaghudi titaghon di, ve tisob tighau tila. Tovenen liva tonenen enjeni moghon iyondyood ila Yesu nagh.

¹⁰ Yesu imundig iyoon, ve ighasoni ighaze: “Liva, yes to tigham ghom unum ne, tila vena? Eta ineep pa ighur atia payom maau?”

¹¹ Liva tonenen ipamuul aliņa ighaze: “Tiina, eta ineep sualen muul maau. Tisob tighau tila wa.”

Yesu isaav pani muul: “Ighaze venen, you paam irau naghur atia payom maau. Ula. Eemoghon matam ingal. Muri, ugham sosor muul malep.” *Yo 3:17, 5:14*

Yesu inim ghazona to taan

¹² Yesu isaav ila pa ival tiina muul ighaze: “You taug to ghazona to taan. Ighaze tamtoghon eta itaghon ghou, ye pale ilaagh ila ndoroom lolo muul maau. Ghazona to Maaron pale ineep toni, ve igham nepoon poia inim tiou.” *Mbo 27:1; Is 49:6; Lu 2:32; Yo 1:4+; 2Kor 4:6*

Yesu ipariaan tamtoghon pa tighur ila saveen toni

¹³ Ndiran tutuuna tiloon saveen tonene, ve tisaav pani tighaze: “Ughita. Aazne, yom usavia taum, ve upariaan taum saveen tiom leso tamtoghon tighur ilat tiom. Eemoghon lem mbeb eta to ipariaan saveen tiom leso nighur ila ne maau. Saveen tovene, pale nighur ila vena?”

14 Yesu ipamuul aliñadi ighaze: “Onoon, you nasavia taug ve napariaañ taug saveeñ tiou, lesa tamtoghon tighur inim tiou. Ve saveeñ tiou, nene onoon. Yam irau aghur ila. Pasa, ndug to nanim pani ve muri pale namuul nala pani, you nawatagi. Eemoghon yam awatag ndug tonowen maau. *Yo 5:31+, 7:28+, 9:29*

15 Gabizoon tiam, nene itaghon ñgar to tamtoghon. Eemoghon you nanñabiiz tamtoghon nanimale yam maau.

16 Ve ighaze nanñabiiz tamtoghon eta, nene pale gabizoon tiou denja. Pasa, engengou nanñabiiz tamtoghon eta maau. Tamañ to imbaañ ghou nanim, yeru nilup ghei pa uraat tonenen.

17 Saveeñ waaro eez to ineep ila tutuun tiam paam isaav tovene: ‘Ighaze tamtoghon ru tipariaañ saveeñ eta, ve tisavia saveeñ raraate, nene irau taghur ila taghaze saveeñ tonenen, nene onoon.’ *Lo 19:15; Mt 18:16*

18 Aazne, you taug napariaañ saveeñ tiou. Eemoghon Tamañ to imbaañ ghou nanim, ye paam ipariaañ saveeñ tiou. Tovenen yam irau aghur ila.” *1Yo 5:9*

19 Tauto tighasoni tighaze: “Tamam ineep sine?”

Yesu ipamuul aliñadi ighaze: “Yam awatag ghou maau. Tauto awatag Tamañ maau. Ve inimale awatag ghou, tone awatag Tamañ paam.” *Yo 14:7; 1Yo 2:23*

20 Yesu ipatoot tamtoghon pa Maaron aliña izi ndug to tipipiyaav yaam pa uraat to Rumai Tiina, ve isavia saveeñ tonene. Eemoghon tamtoghon eta ikisi maau. Pasa, sawa toni ivot sone.

Ighaze taghur ila to Yesu maau, nene pale tamaat toman sosor toit ve talaleed

²¹ Yesu isaav padi muul ighaze: “You pale napul gham ve nala, ve yam akaal ghou. Eemoghon irau aghita ghou maau. Pasa, ndug to you pale nala pani, nene yam irau ala pani maau. Tovenen yam pale amatmaat toman sosor tiam ve alalemim.” *Yo 7:34, 13:33*

²² Daba to yes Yuda tiloon saveen tonene, ve tiwaghasonin di tighaze: “Wai, ye isaav ighaze ndug to ye pale ila pani, nene iit irau tala pani maau. Saveen toni tonene, pughu vena? Ma ye ighaze ila irab tau imaat?”

²³ Yesu isaav padi muul ighaze: “Aloon. Yam to sila. Ve you to sala. Yam to taan, tauto ataghon ngar to taan. Ve you to taan maau. *Yo 3:31*

²⁴ Pughu tonene to nasaav payam naghaze yam pale amatmaat toman sosor tiam ve alalemim. Pasa, yam irau aghur ila aghaze Ngeu to iza YOU NANEPNEEP, nene you taug tonene.*

Ve ighaze aghur inim tiou maau, yam pale amatmaat toman sosor tiam, ve alalemim.” *Igham 3:14; Yo 3:18*

²⁵ Yes tiloon saveen tonene, ve tighasoni muul tighaze: “Yom sei? Usavia taum kat.”

Yesu ipamuul alinjadi ighaze: “Sawa to napa-mundigin uraat tiou ve inim, you navovotia taug payam.

* **8:24:** Uwaat Maaron Igham Mulin Yes Israela (= Kisim Bek o Eksodus) 3:14. Maaron iza Yoova (o Yahweh), pughu tovene ‘You nanepneep.’ Tovenen saveen waaro tonene, pughu tovene: Iit irau taghur ila to Yesu taghaze ye Maaron.

²⁶ You naghita ngar tiam naol isosor. Tovenen leg saveeņ naol to nasavia payam, ve you irau naghur atia payam. Eemoghon you irau naghham tovene maau. Pasa, Ngeu to imbaaņ ghou nanim, ye avo onoon. Ve saveeņ to naloņlooņa ila toni, tauto navovotia pa yam tamtoghon to taan.”

²⁷ Saveeņ tonene, ye isavia injarua Tama Maaron. Eemoghon yes tighilaal saveeņ toni pughu maau.

²⁸ Tovenen Yesu iseeņ saveeņ toni muul ighaze: “Sawa to yam apayoon Tamtoghon Natu iza,† nene pale ngar tiam ivot, ve aghilaal aghaze: You to izag Nanepneep. Ve awatag aghaze you naghham mbeb eta itaghon taug ngar tiou maau. Saveeņ to naloņņa ila to Tamaņ, tauto navovotia pa tamtoghon. *Yo 5:30, 12:32, 14:24*

²⁹ Ngeu to imbaaņ ghou nanim, ye irau ipul ghou maau. Ye inepneep toman ghou. Pasa sawa isob, you nataghon ngar to ye lolo pani.”

³⁰ Yesu isavia saveeņ tonene, ve tamtoghon katindi to tiloņlooņa, tighur ila toni.

Saveeņ onoon irau ipas ghiit tavot pa samia tapiri

³¹ Ghoru Yesu isaav pa Yuda pida to tighur ila toni ne tovene: “Ighaze akis saveeņ tiou tunja ve ataghoni, nene pale anim taghoniinja tiou kat.

³² Ve yam pale awatag katin saveeņ onoon, ve saveeņ tonowen ipas gham avot pa samia tapiri. Leso anim mbesoņa sorok muul sob.” *Ro 6:18, 8:2; Ga 5:1*

† **8:28:** Saveeņ waaro tonene, Yesu isavia sawa to tirabi ila ai pambaroņ ve tipayoonda imonau. Sawa tonenen ve ila, Yesu iza tiina pale ineeņ ghazoņņa.

³³ Yes tipamuul aliņa tighaze: “Wai, yei tonene Abaram papaghu toni. Yei ninim mbesoonja sorok pa tamtoghon eta pa eta sone. Pughu vena to yom usaav ughaze yei pale ninim mbesoonja sorok muul maau?” *Lu 3:8+*

³⁴ Yesu ipamuul ghasoniinj todi ighaze: “Onoon kat, you nasaav payam. Tamtoghon tisob to tinoknok ghamuuj ņgar samia, nene tinim mbesoonja sorok pa ņgar samia. Pasa, ņgar tonowen to ighamgham pooz padi. *Ro 6:16+; 2Pe 2:19*

³⁵ Mbesoonja eta irau ineep toman ruum tama itaghoni taghoni gha ila ne maau. Natu moghon to ineep tomani irau sawa isob. *Mbnp 21:10; Ga 4:30*

³⁶ Tovenen ighaze Maaron Natu ipas gham avot pa samia tapiri, ye pale ipas gham kat. Leso samia injin gham muul sob. *Hib 2:14+; 1Yo 3:6,9*

³⁷ Onoon, yam papaghu to Abaram. Eemoghon saveeņ tiou le ina eta to ineep ila lolomim maau. Tauto aazne, azuaria gham aghaze le arab ghou namaat.

³⁸ Mbeb to yeru Tamanj nineep ve naghita, tauto nasavia payam. Ve yam tovene paam. ņgar to yam alonloonja ila to tamamim, tauto aghamghami.”

Sa ndiran to Abaram papaghu toni kat?

³⁹ Yes tipamuul aliņa tighaze: “Yei timbumai to Abaram.”

Tovenen Yesu isaav padi ighaze: “Inimale yam Abaram papaghu toni kat, tone ataghon ņgar to muuj ye ighamghami. *Ro 2:28; Ga 3:7,29*

⁴⁰ Eemoghon maau. Aghita. Aazne, you navotia saveeņ onoon to naloonja ila to Tamanj Maaron ne payam. Eemoghon ņgar tiam iyaryaanj aghaze le

arab ghou namaat. Abaram, ye igham n̄gar tovene maau.

⁴¹ Nene yam ataghon tamamim n̄gar toni.”

Yes tipamuul aliņa tighaze: “Yei Abaram paghu toni kat. Ve Tamamai ee moghon kat, to Maaron. Nditinamai tipoop ghei sorok maau.”

⁴² Yesu ipamuul aliņadi ighaze: “Inimale yam Maaron ndinatu kat, tone lolomim payou. Pasa, you naneep toni to nanim. You nataghon taug lolog ve nanim maau. Ye imbaan̄ ghou, tauto nanim.

Yo 16:27+; 1Yo 5:1

⁴³ Pughu vena to aghazoon̄ pa saveen̄ tiou sone? Yam avaat apoon lolomim wa. Tauto irau aloon̄ saveen̄ tiou maau.

Ro 8:7; 1Kor 2:14

⁴⁴ Aloon̄ wa! Yam tamamim to Sadan! Tauto aghaze le ataghon katin n̄gar to ye lolo pani. Sawa to muun̄ kat ve inim, ye n̄geu to rabuun̄ tamtoghon timatmaat. Ve ye itaghon saveen̄ onoon maau. Pasa, saveen̄ onoon eta inep toni maau. Ye kaarom taamdi. Sawa isob, isasavia saveen̄ kaarom to inepneep ila lolo. Ve ye to inim pughu pa saveen̄ kaarom to naol ne.

Mbnp 3:1+; 1Yo 3:8

⁴⁵ Saveen̄ isob to you nasasavia payam, nene onoon moghon. Eemoghon yam lolomim pa saveen̄ onoon maau, tauto aghur ila saveen̄ tiou maau.

⁴⁶ Ma vena? Ighaze tiam eta ighita ghou naghamsosor eta, ghorovotia lak! Ve ighaze leg sosor eta maau, ve nasasavia saveen̄ onoon moghon payam, pughu vena to aghur ila saveen̄ tiou maau?

Hib 4:15; 1Pe 2:22; 1Yo 3:5

⁴⁷ Sei to ighaze inim Maaron le, nene ilon̄loon̄ Maaron aliņa ve itaghoni. Eemoghon yam tam-

toghon to Maaron maau. Tauto aloonj aliŋa maau.”
Yo 10:26+, 18:37; 1Yo 4:6

Sawa to Abaram ivot sone, Yesu ineep wa

⁴⁸ Yesu isavia saveenj tonene, ve yes Yuda tisaav pani tighaze: “Wai, saveenj tauto nisavia ila wa. Yom ukankan pa Maaron unumale yes Samaria. Yom, avuvu samia izeev ghom!” *Mk 3:21+; Yo 7:20, 10:20*

⁴⁹ Yesu ipamuul aliŋadi ighaze: “You, avuvu samia eta izeev ghou maau. You nazuaria ghou pa paitoonj Tamarj Maaron iza. Eemoghon yam aveleg ghou.

⁵⁰ You naghama pa taug izag maau. Eemoghon Ngeu eez izuaria tau ighaze ighama izag inim tiina, nene Tamarj Maaron. Ve uraat to gabizoonj mbeb ve ghuruunj atia, nene ineep ila ye tau nima. *Yo 5:41, 7:18*

⁵¹ Onoon kat, you nasaav payam: Ighaze tamtooghon eta mata kisin saveenj tiou ve itaghoni, ye irau imaata ve ilale ne maau. Maau kat.” *Yo 5:24, 11:26*

⁵² Yes tiloonj saveenj tonene, ve tisaav pani tighaze: “Aa, ngaramus niwatag katin ghom. Yom tonene, avuvu samia izeev ghom! Pasa, Abaram toman propeta tisob timataar tila wa. Eemoghon yom usaav tovene: Ighaze tamtooghon eta mata kisin saveenj tiom ve itaghoni, ye irau imaata ve ilale ne maau.

⁵³ Timbumai Abaram, ye imaata wa. Ve yes propeta paam timataar wa. Yom sa ngeu? Yom ughaze ulib pa Abaram? Usavia taum kat!”

⁵⁴ Yesu isaav padi: “Ighaze napait taug izag, nene pale saveenj tiou ighur maau. Paitoonj

tovene, nene mbeb sorok. Eemoghon Tamañ to yam awatwaata aghaze Maaron tiam, ye tau to ipait ghou ve igham izag inim tiina.

⁵⁵ Yam awatagi rita maau. Eemoghon you, ghoronawatagi. Tauto nalonloon aliña, ve nataghoñi. Ighaze nasaav naghaze nawatagi maau, nene pale naghama kaarom nanimale yam.

⁵⁶ Muun, timbumim Abaram ighita sawa tiou to navot izi taan. Ye iwatag mbeb to pale ivot pa sawa tonene, tauto tini iza ve lolo poia kat.” ‡ *Hib 11:13*

⁵⁷ Tovenen yes Yuda tonenen tipamuul Yesu aliña tighaze: “Wai, ndaman tiom tamoot ru saangul (50) sone. Ve yom upakur taum ughaze ughita Abaram!”

⁵⁸ Yesu isaav padi muul ighaze: “Onoon kat, you nasaav payam: Abaram ivot sone, ve You Nanepneep.” *Igham 3:14; Yo 1:1; Kol 1:17; Syg 1:8*

⁵⁹ Saveen toni tonene ireu yes Yuda tonenen lolodi. Tovenen tikor yaam tighaze tirabi pataghaan. Eemoghon ye inguaaz tau, ve ipul Rumai Tiina, ve ivot ila pumuri.

9

Yesu igharaat ñgeu eez to mata pisi

¹ Yesu ilaagh ila le ighita ñgeu eez to mata pisi. Ye, tina ipooa tovene.

² Taghoñiña toni tighita ñgeu tonowen, ve tighason Yesu tighaze: “Patoñaan, pughu vena to ñgeu tonene tina ipooa mata pisi? Ye tau sosor toni, ma tama yesuru tina sosor todi?” *Lu 13:2+*

‡ **8:56:** Ngara pida tighaze Maaron ivotia mbeb to muri Mesia pale ighami pa Abaram ila vibiñ.

³ Yesu ipamuul ghasoniinṅ todi ighaze: “Nṅeu tonene igham sosor maau, ve tama yesuru tina paam tigham sosor maau. Pataṅani tonene ivot pani, leso Maaron iuuli ve ipatoonṅ tapiri ve uraat toni ivot ighazonṅ. *Yo 11:4*

⁴ Aazne, nene sawa to ndag ve taneep ila ghazonṅa. Tovenen iit irau tagham uraat to Taman Maaron to imbaanṅ ghou nanim. Pasa, sawa to ndoroom, nene inim igharau wa. Sawa tonenen ighaze ivot, nene irau tamtoghon eta igham uraat muul maau.

⁵ Sawa to nanepneep izi taan, you taug to nanim ghazonṅa pa tamtoghon to taan.” *Yo 1:4+, 5:17, 8:12, 12:35*

⁶ Yesu isavia saveeṅ tonene le isob, ghero ikor taan ris ila nima ve inazub ila, ve itoora ve ikumi ila nṅeu tonenen mata. *Mk 7:33*

⁷ Ghero isaav pani ighaze: “Ula ya naliu Siloam, ve umen matam.” (Ya tonowen iza, pughu tovene: ‘Mbanṅoonṅ.’) Tovenen nṅeu tonenen itaghon Yesu aliṅa, ve ila imen mata. Sawa to ipul ya tonowen ve imuul inim, mata poia ve ighita ndug.

⁸ Ndita pida to ruum todi igharau, ve tamtoghon to muunṅ tighita nṅeu tonenen isunṅsunṅ tamtoghon pa le mbeb, yes tighita nṅeu tonenen, le ruṅadi iza pani tighaze: “Wai, nṅeu mata pisi to muunṅ inepneep ve isunṅsunṅ tamtoghon pa le mbeb, tau tonene?”

⁹ Pida tighaze: “Vee! Ye tau tonene.” Ve pida tighaze: “Maau. Nene avaat nṅeu ite paam to yesuru naghodi raraate.”

Ve nṅeu tonenen inok saveeṅ ighaze: “Maau. You taug tonene!”

10 Tovenen tighasoni tighaze: “Wai, vena to matam poia ve ughita ndug?”

11 Ye ipamuul aliñadi ighaze: “Ngeu to iza Yesu, ye itoor taan toman ñazuba ve ikumi ila matag, ghoru isaav payou ighaze “Ula ya naliu Siloam, ve umen matam.” Tovenen nataghon aliña ve nala namen matag, ve rikia moghon matag poia ve naghita ndug.”

12 Tovenen tighasoni muul tighaze: “Ngeu tonowen, tau sine?”

Ye isaav padi ighaze: “Ii, you nakankaan pani.”

Ndiran tutuunja tipalooñ ñgeu to Yesu igharaat mata

13 Ghoru tigham ñgeu tonenen ve tila to ndiran tutuunja pida.

14 Pasa, sawa to Yesu igharaat mata, nene umbom patabuanj.

15 Tovenen ndiran tutuunja tonowen anadi tighason ñgeu tonenen tighaze: “Sa ivot payom, to matam poia ne?”

Ye isaav padi ighaze: “Ngeu to iza Yesu, ye itoor taan toman ñazuba, ve ikumi ila matag, ghoru nala nameni. Tauto aazne, matag poia ve naghita ndug.”

16 Ndiran tutuunja tonenen tilooñ saveenj toni tonene, ve tamtoghon todi pida tisaav tighaze: “Iit tawatag: Ngeu tonowen, Maaron imbaanja inim maau. Pasa, ye itaghon tutuunj to umbom patabuanj maau.”

Ve pida tighaze: “Maau. Ye ighamgham mbeb gharatooñadi katindi to tipatooñja tighaze Maaron ineep tomani pa uraat toni. Ighaze ye tamtoghon

samia, nene irau igham mbeb tovene maau.”
Tauto tivalag taudi.

¹⁷ Tovenen tighason ngeu to Yesu igharaat mata ne muul tighaze: “Laak, yom to ye igharaat matam, ugham ngar pani vena?”

Ye ipamuul alinjadi ighaze: “Ye avaat propet eez to Maaron.”

¹⁸ Onoon, ngeu tonenen, tina ipooa mata pisi, ve Yesu igharaat mata. Eemoghon ndiran tutuunja tonenen tighur ila maau. Tovenen tipoi tama yesuru tina tinim paam,

¹⁹ ve tighason di tighaze: “Laak, natumim to yamru aghaze apooa mata pisi ne, tau tonene? Pughu vena to aazne mata poia ve ighita ndug?”

²⁰ Tama ve tina tipamuul alinjadi tighaze: “Ngeu tonene, yeru niwatagi. Nene natumai. Ve niwatag nighaze nipoopa mata pisi.

²¹ Eemoghon ataam to aazne mata poia, ve sei to igharaat mata, nene nikankaan pani. Ye pain maau. Ye olman. Aghasoni, ghoru tau ipaes payam.”

²² Yesuru tisaav tovene pasa, timatughez pa daba to yes Yuda. Pasa, yes timbua saveen wa: Ighaze tamtoghon eta isaav tovene: ye ighur ila to Yesu ighaze ye Mesia, nene pale tizuruni pa lupuunj todi, ve ila ineep pumuri. [Irau ilup toman di pa sunuunj ma uraat todi pida muul maau.]

Mbanj 26:9+

²³ Tauto tama ve tina tisaav padi tighaze: “Ye pain maau. Ye olman. Taumim aghasoni.”

²⁴ Tovenen tipoi ngeu tonenen imuul inim, ve tisaav ariana pani tighaze: “Yom irau upait Maaron iza, ve usavia saveen onoon payei ila ye mata.

Yei niwatag: Yesu tonowen, ye ngeu to ghamuun sosor!”

²⁵ Ngeu tonenen ipamuul alinadi ighaze: “Ye ngeu to ghamuun sosor, ma ngeu poia, nene you nawatagi maau. Ve mbeb ee moghon to you nawatagi, nene vene: Muun, matag pisi. Ve aazne, matag poia ve naghita ndug.”

²⁶ Tovenen tighasoni muul tighaze: “Ye igham vena payom? Igharaat matam vena?”

²⁷ Ye ipamuul alinadi ighaze: “Saveen, tauto nasavia payam wa. Eemoghon yam aloon ghou maau. Pughu vena to anoknok ghasoniin ghou pa mbeb tonene? Yam paam aghaze le anim taghoniina toni?”

²⁸ Tiloon alina tonene, le igham di atedi yabyab kat. Tovenen tipiyaav saveen velegiin pani tighaze: “Yom to ngeu tonowen taghoniina toni. Eemoghon yei, ghero nitaghon ngar to Mose.

²⁹ Pasa, yei niwatag: Mose ivotia saveen to iloon ila Maaron tau avo. Eemoghon ngeu tonowen, yei nikankaan pani toman uraat toni. Ineep sine to inim?”

³⁰ Ngeu to muun mata pisi, ipamuul alinadi ighaze: “Wai, naloon saveen tiam le runag iza pani! Ngeu tonowen igharaat matag, ve yam aghaze akankaan pani: Ineep sine to inim?”

³¹ Iit tawatag: Yes to tighamgham sosor, Maaron iloon di maau. Ye ilonloon yes to matadi ingalngali, ve titaghon alina. *Mbo 66:18; Yems 5:16+*

³² Sawa to Maaron ighur sambam ve taan tivot, ve inim imuul aazne, iit taloon ngeu eta varu pa gharatoon tamtoohon to tina ipopa mata pisi ne maau. Aazne moghon, ghero mbeb tovene ivot.

³³ Ighaze Maaron imbaan ngeu tonowen maau, ye irau igham mbeb gharatoona eta tovene maau.” *Mbo 146:8; Is 29:18, 35:5*

³⁴ Saveen toni tonene ireu lolodi kat. Tovenen tipiyaav saveen pani tighaze: “Ai, yom tonene, sawa to tinam ipoop ghom ve inim aazne, unep-neep iloon ila ngar samia lolo. Ve yom ughaze up-atoot ghei pa Maaron aliŋa?” Tisaav pani tovene, ghoru tizuruni ighau.

Ndiran to tighur ila to Krisi maau, yes tinimale tamtoghon to matadi pisi

³⁵ Yesu iloon ngeu tonenen varu tighaze yes Yuda tizuruni ighau. Tovenen ila indeenŋa, ve ighasoni ighaze: “Vena? Yom ughur ila to Tamtoghon Natu, ma maau?”

³⁶ Ngeu tonenen ipamuul aliŋa ighaze: “Tiina, Tamtoghon Natu tonowen, sei kat? Usavia payou, leso naghur ila toni.”

³⁷ Yesu isaav pani ighaze: “Yom ughita wa. Taug to ituru tasavsaav ne.” *Yo 4:26*

³⁸ Ngeu tonenen isaav pa Yesu ighaze: “Tiina, you naghur ilat tiom.” Ghoru iput aghe pani ve ipakuri.

³⁹ Yesu isaav muul ighaze: “You nazi nanim taan pa navalag tamtoghon. Yes to tighilaal tighaze matadi pisi ve tikankaan pa Maaron ngar toni, nene pale matadi pakia ve tighazoon pani. Ve yes to tinumeer sorok tighaze matadi poia ve tighazoon pa Maaron ngar toni, nene pale matadi ipis, ve ndoroom ikau di le tisami kat.” *Mt 13:11+; Yo 3:19*

⁴⁰ Yesu isavsaav, ve ndiran tutuunŋa pida to tiyondyood tigharai, tiloonŋa. Tovenen tighasoni

tighaze: “Vena, yom ughaze yei tonene matamai pisi?”

⁴¹ Yesu ipamuul aliñadi: “Ighaze matamim pisi ve akankaan pa Maaron ñgar toni, nene pale lemim sosor maau. Eemoghon yam aghaze matamim pakia ve aghazonñ pa Maaron ñgar toni. Tauto aazne, anepneep toman sosor tiam sone.”
Yo 15:22+

10

Yesu iñgin ataam to sirsiir

¹ Yesu isaav muul ighaze: “Onoon kat, you nasaav payam: Tamtoghon to ighaze iloonñ ila sirsiir to sipsip, ye irau itaghon ataam, ve iloonñ ila. Ve ighaze tamtoghon eta itaghon ataam maau, ve imalaanñ pa sirsiir ve iloonñ ila, nene ye yubyub ve ñgeu to ighaze iwaghamun sipsip.

² Eemoghon ñgeu to itaghon ataam to sirsiir, ve iloonñ ila, nene ye ñginiinñ tau to sipsip.

³ Tovenen ñginiinñ to ataam to sirsiir pale ikaak ataam pani, ve ye iloonñ ila. Yes sipsip toni tighilaal aliña. Tovenen ye ipoipoi enjaenja izadi, ve ighereb di tivot tila.

⁴ Ighaze iyou di tisob tivot tila pumuri, ye pale imuunñ padi, ve tikeet taghoni, ve yesña tilaagh tila. Pasa, tighilaal aliña.

⁵ Eemoghon ighaze ñgeu ite paam ipoi di, nene irau titaghoni maau. Pale tighau pani. Pasa, tighilaal aliña maau.”

⁶ Yesu isavia saveenñ palelaanñ tonene padi, eemoghon yes to tilonñloonñ saveenñ toni, tighilaal pughu maau.

⁷ Tovenen ye isaav padi muul ighaze: “Onoon kat, you nasaav payam. Ataam to sirsiiir to sipsip tivotvot ve tilonloonj pani, nene you taug.

⁸ Tamtoghon tisob to timuunj payou ve tinim, yes yubyubnja, ve ndiran to tiwaghamun sipsip.*
Eemoghon sipsip tiloonj alinjadi maau.

⁹ You taug to ataam to sirsiiir. Tovenen ighaze tamtoghon eta injarua ghou inim, ve iloonj ila sirsiiir lolo, nene pale you naghham mulini ve ineep pooli. Ve ye pale ivotvot ve ilonloonj, leso igham a aninj popoia.

Yo 14:6; Ep 2:18; Hib 10:19

¹⁰ Ngeu yubyub, ye inim pa iwaghamun sipsip moghon. Ye iyubyub di, ireureu di, ve irabrab di timatmaat. Eemoghon you nanim pa naghham sipsip tiou tineep poia le poia kat.

Yesu, ye nginiinj poia to sipsip

¹¹ “You taug to nginiinja poia to sipsip. Pasa, nginiinja poia, ye ipul tau kat pa sipsip toni. *Mbo 23:1; Ezek 34:8+; Yo 15:13; Hib 13;20; Syg 7:17*

¹²⁻¹³ Eemoghon ngeu to injin sipsip to tamtoghon ite, ye nginiinj tau to sipsip maau. Ighamgham uraat pa le atia moghon. Tovenen ye pale ighur lolo pa sipsip kat maau. Pasa, ye sipsip tama maau. Ighaze ighita ngavuun sagsag eta inim, nene pale ipul sipsip tineep, ve ighau. Tovenen ngavuun sagsag pale ighan di, ve ireu di timbiriis.

¹⁴⁻¹⁵ “You taug to nginiinj poia to sipsip. You nawatag sipsip tiou, ve yes tiwatag ghou, inimale you nawatag Tamanj Maaron, ve ye iwatag ghou.

* **10:8:** Tamtoghon to Yesu isavia di, nene daba samsamiadi pida to yes Yuda to tinjin poian sipsip to Maaron maau, ve matadi ingal taudi moghon. Ughita Ezek. 34:1-23.

Ve you pale napul taug namaat pa sipsip tiou. Leso naghām mulin di ve tineep pooli. *Mt 11:27; 2Tim 2:19; 1Pe 2:25; 1Yo 3:16*

¹⁶ Eemoghon you leg sipsip pida paam.†

Yes to sirsiir tonene maau. You leg uraat to nayou di tinim titaghon ghou paam. Yes pale tiloon alinag, ve yesna sipsip tiou pida tilup di tinim lupuun ee moghon, ve ledi nginiin ee moghon. *Yo 11:51+; Mban 10:34; Ep 2:11+*

¹⁷ “Taman Maaron lolo payou kat. Pasa, you pale napul taug namaat. Leso namundig pa maateen ve naneep matag iyaryaar muul. *Pil 2:8+*

¹⁸ Tamtoghon eta to taan irau irab ghou namaat sorok ne maau. Nayokia taug, ghoro tirab ghou namaat. Pasa, you tapirig irau nayokia taug namaat, ve tapirig irau namundig matag iyaryaar muul, itaghon saveen to Taman isavia payou.”

¹⁹ Yes Yuda tiloon saveen toni tonene, le tivalag di muul.

²⁰ Tauto todi katindi tighaze: “Ngeu tonene, taloon saveen toni pasa? Ye avuvu samia izeeva, tauto ngar toni iwaghamgham.” *Yo 8:48,52*

²¹ Eemoghon tamtoghon pida tisaav tighaze: “Ngeu to ighaze avuvu samia izeeva, nene irau isavia saveen tovene maau. Ve aghita. Avuvu samia eta irau igharaat tamtoghon mata pisi ve ighita ndug? Maau.” *Yo 9:32+*

Yes Yuda tighur koi pa Yesu, ve tighaze tirabi pa yaam

† **10:16:** Sipsip pida paam to Yesu isavia di, nene tamtoghon to ndug ndug to muri pale tighur ila toni.

²² Tinepneep le sawa to lupuun tiina ite to yes Yuda ivot. Nene lupuun to matadi ingal sawa to tigharaat mulin Rumai Tiina, ve tighuri inim Maaron le. Sawa to lupuun tonowen, nene sawa to ndug yaun̄a.‡

²³ Yesu ilaghlaagh ila ruum to nepoon to Solomon ireii ila Rumai Tiina dige ne lolo,

²⁴ ve daba pida to yes Yuda tila tiluvuti, ve tisaav pani tighaze: “Yei nikaria sananiin ghom wa. Pale n̄ez o uvotia taum? Ighaze onoon yom Mesia, ghoru usaav ghazoon̄a payei!”

²⁵⁻²⁶ Yesu ipamuul aliñadi ighaze: “You nasaav payam wa. Eemoghon yam aghur ila saveen tiou maau. Uraat naol to naghamgham di ila Taman iza, nene tipariaan saveen tiou. Eemoghon yam sipsip tiou maau, tauto aghur inim tiou maau. *Yo 5:36, 8:47, 14:11; 1Yo 4:6*

²⁷ Sipsip tiou, nene yes to tilonloon aliñag. You nawatag di tisob, ve yes titaghon ghou.

²⁸ You nagham ledi nepoon poia to isen̄seen̄ga

‡ **10:22:** Lupuun tonene, iza ‘Hanuka.’ Ivotvot pa Desemba, igharau sawa to Krismas. Yes Yuda titun kandol ve lam katindi, ve tilup di pa sun̄uun irau mbon̄ liim ve tol. Sawa tonenen, tineep toman tinidi iza. Lupuun tonene, pughu tovene. Muun, kinik samia eez to yes Grika in̄gin taan to Yudea, iza Antiokus Epipanes. Ye izuarua tau ighaze le igham yes Yuda tisob tipul ghurla todi, ve titaghon yes Grika n̄gar todi. Tovenen ighur patan̄ani naol padi, ve igham n̄gar pida pa iwaghamun Rumai Tiina paam. Eemoghon yes Yuda tiparab ariana le tilib pani. Muri ghoru, tigharaat mulin Rumai Tiina. Sawa tonenen, yes timbool pa n̄goreen̄ to oliv. Rismoghon to inepneep. Eemoghon Maaron igham mbeb gharatoon̄a, ve n̄goreen̄ todi rismoghon tonowen igham lam todi ighan irau mbon̄ liim ve tol. Tovenen lupuun tonene, iza ite nene: ‘Lupuun to ghazoon̄a.’

taghoni gha ila. Tovenen yes irau timaat ve tilaledi ne maau. Pale tineep le alok. Ve tamtoghon eta irau isad di ila nimag maau. *Yo 6:39; Ro 8:38+; 2Tes 3:3*

²⁹ Pasa, Tamañ to ighur di tinim leg ne, tapiri ilib pa mbeb tisob. Tovenen tamtoghon eta irau isad di ila ye nima ne maau.

³⁰ You ve Tamañ, yeru ee moghon.” *Yo 1:1, 17:11,21+*

³¹ Yes Yuda tiloon saveen toni tonene, ve timundig tigham yaam, ve tighaze tirabi imaat pataghaan. *Yo 8:59*

³² Tovenen Yesu ighason di ighaze: “You naghama uraat popoia naol ila matamim itaghon ngar to Tamañ. Sa uraat isosor, to aghaze arab ghou pa yaam?”

³³ Yes tipamuul aliña tighaze: “Yei nighaze nirab ghom umaat pa uraat popoia to ugham di ne maau. Nighaze nirab ghom umaat pasa, yom tamtoghon sorok to taan. Eemoghon upakur taum ughaze yamru Maaron raratemim. Tovenen yom uveleg Maaron ve uwaghamun iza.” *Wkp 24:16; Mt 26:65; Yo 5:18*

³⁴⁻³⁵ Yesu isaav padi muul ighaze: “Yam awatag maau? Saveen waaro eez to ineep ila tutuun tiam isaav tovene: Maaron isaav pa daba pida ighaze: ‘You nasaav payam: yam ndimaronña.’ Daba tonowen, yes tamtoghon to taan. Eemoghon Maaron aliña to inarua di, nene iwaat di ighaze yes ndimaronña. Ve iit tawatag: Maaron aliña to timbooda wa, nene irau toraanji maau. Ineep tovene. *Mbo 82:6; Mt 5:18*

³⁶ Eemoghon you, Taman Maaron ighur ghou pa naghām uraat patabuan tonene, ve imbaan ghou nazi nanim taan. Tovenen ighaze nawaat taug naghaze you Maaron Natu, pughu vena to aghaze you naveleg Maaron ve nawaghamun iza?

³⁷ Ighaze you naghām Taman uraat toni maau, yam aghur inim tiou malep.

³⁸ Eemoghon ighaze naghāmghām uraat toni, yam irau aghur inim tiou. Tovenen ighaze saveen tiou ighām gham aghur ila maau, aghita uraat to naghāmghām di ne, ve aghur ila. Leso ngar tiam ivot, ve aghilaal aghaze: You naneep ila to Taman, ve Taman ineep inim tiou.” *Yo 14:10+, 17:21*

³⁹ Yes Yuda tiloon saveen toni tonene, ve titoova pa tikisi muul. Eemoghon ye ighau padi ila.

⁴⁰ Ilaagh ila imbut ya Yordan, ve ila ivot muul ndug to muun Yoan ineep pani ve irurughuuz tamtoghon. Yesu inepneep tonowe,

⁴¹ ve ival tiina tila tivot toni, ve tiwasavon di tighaze: “Yoan ighām mbeb gharatoonja eta maau. Eemoghon saveen isob to ye isavia pa ngeu tonene, nene onoon moghon.”

⁴² Tovenen tamtoghon katindi to tinepneep tonowe, tighur ila toni.

11

Mateen to Lasarus

¹⁻² Ngeu eez to ineep izi ndug Betania, moroghoon tiina ighami. Iza Lasarus. Ndilivu ru tinepneep izi ndug tonowen paam. Eez iza Marta, ve ite iza Maria. Maria tonene, tauto muun ilin

ngoreen vuzi poia iza ila Yesu aghe, ve imusi pa daba raua. *Lu 10:38+*

³ Sawa to Lasarus imoroon, ndilivu ru tonowen timbaan ila pa Yesu tighaze: “Tiina, livumai Lasarus to yom ineep toni kat, ye imoroon le isami kat.”

⁴ Yesu iloon paesiin tonene, ve isaav ighaze: “Moroghoon tonowen ivot pa igham Lasarus imaat ne maau. Pale inim ataam pa Maaron ipatoon tapiri ve poia toni. Leso tamtoghon tipait iza ve tipait Natu iza paam.” *Yo 9:3*

⁵ Yesu lolo pa Marta yesuru taziliva Maria ve livudi Lasarus kat.

⁶ Eemoghon sawa to iloon tighaze Lasarus imoroon, ye rikia imundig ipul ndug to inepneep pani ne maau. Inepneep tonowe le mbon ru paam.

⁷ Ghoru isaav pa taghoniina toni ighaze: “Yo, tamundig ve tamuul tala pa Yudea.”

⁸ Taghoniina toni tiloon saveen tonene, ve tisaav pani tighaze: “Wai, Patojaan, ngaramus yes Yuda to ndug tonowen tighaze tirab ghom pa yaam ve umaat. Pughu vena to aazne ughaze umuul ula tonowe?” *Yo 8:59, 10:31*

⁹ Yesu isaav padi ighaze: “Vena, tamtoghon eta irau ipasul sawa to ndag ila inim tuku? Maau. Ghagharaar ila le rabrab izi, nene ndag dodoli to tagham uraat.*

* **11:9:** Yesu saveen toni, pughu tovene: Ye imatughez pa koia to tighaze tirabi imaat ne maau. Pasa, ye iwatag: Sawa to Maaron ighuri pani pa igham uraat izi taan, tamtoghon eta irau ipasula maau. Tovenen koia irau tigham mbeb eta pani rikia maau. Ye pale ineep, ve ipasob uraat toni le isob kat. Ve sawa to ndoroom ighaze ivot, ghoru koia tirabi imaat.

Ighaze tamtoghon eta ilaagh pa ndag, nene irau itut aghe ve itap ne maau. Pasa, ye ighita ghazoonja to taan. Yo

9:4+

¹⁰ Eemoghon ighaze tamtoghon eta ilaagh ila ndo-room lolo, nene pale itut aghe ve itap. Pasa, ghazoonja ineep toni maau.” Yo 12:35

¹¹ Yesu isaav tovene, ve iseen aliņa ighaze: “Itaad Lasarus igheen wa. Tovenen you irau nala, lesa navaaņa imundig muul.”

¹² Taghoniņa toni tisaav pani tighaze: “Tiina, ighaze Lasarus igheen pooi, ye avaat mata pakia wa.”

¹³ Yesu iwatag: Lasarus imaat wa. Eemoghon isavia saveen palelaan, tauto taghoniņa toni tikankaan pa saveen toni pughu, ve tighaze pa Lasarus igheen moghon.

¹⁴⁻¹⁵ Tovenen Yesu isaav ghazoonja padi ighaze: “Lazarus ineep maau. Imaat wa. Onoon, you naneep tomani maau, ve imaat. Eemoghon lolog poia. Pasa, mbeb to pale ivot, nene pale iuul gham, ve ipariaan ghurla tiam. Yo, amundig ve tala taghita.”

¹⁶ Tomas, to iza ite Didimus, ye isaav pa ndita ighaze: “Tambaņa. Amundig ve itiņa tala. Leso iit tasob tamaat raraate toman tiina toit.”

Yesu inim pughu pa mundigiin to yes mateenja, ve nepoon to taneep mataad iyaryaar

¹⁷ Yesu toman taghoniņa toni tilaagh tila tigharau ndug Betania, ve tiloon tighaze Lasarus paatu ineep ila naal lolo irau mbon paan wa.

¹⁸ Ndug Betania, nene ineep igharau ndug tiina Yerusalem, irau kilomita tol ma venen.

¹⁹ Tovenen yes Yuda katindi tinim tineep toman Marta ve Maria pa moñiñ todi leso tirab atedi.

²⁰ Sawa to Marta iloon tighaze Yesu inim igharau ndug Betania, ye imundig ila ighaze ighita. Eemoghon Maria, ye ineep izi ruum.

²¹ Marta ila ivot to Yesu, ve isaav pani ighaze: “O Tiina, inimale yom uneep sualen, tone livug imaat maau.

²² Eemoghon you nawatag: Aazne, sa mbeb to ighaze yom ughason Maaron pani, ye pale iloon ghom ve igham payom.”

²³ Yesu isaav pani ighaze: “Livum pale imundig muul.”

²⁴ Marta ipamuul aliña ighaze: “You nawatag. Sawa to Mbon Muri, Maaron ighaze ipamundigin yes mateeña, nene pale livug imundig paam.” *Dan 12:2; Yo 5:28+*

²⁵ Yesu isaav pani muul ighaze: “Uloon. You taug to nanim pughu pa mundigiñ to yes mateeña ve nepoon to tamtoghon tineep matadi iyaryaar. Ighaze tamtoghon eta ighur inim tiou ve imaat, nene mateeñ irau ikisi maau. Ye pale imundig muul, ve ineep mata iyaryaar le alok. *Yo 1:4+; 1Kor 15:51+; 1Tes 4:16+*

²⁶ Tamtoghon tisob to tighur inim tiou ve tigham nepoon poia ila to Maaron, yes irau timaat ve tilaledi ne maau. Pale tineep matadi iyaryaar le alok. Yom ughur ila saveeñ tiou tonene, ma maau?”

²⁷ Marta ipamuul aliña ighaze: “Vee. Tiina, you naghur ila kat naghaze yom Mesia. Yom Maaron Natu. Ye imbaañ ghom tauto uzi unum taan.” *Mt 16:16; Yo 6:69*

Yesu itañ pa Lasarus

²⁸ Marta yesuru Yesu tisavsaav le isob, ghero Marta imuul ila ruum, ve ikamuun pa taziliva Maria ighaze: “Ulooj. Patonjaan toit inim ivot wa. Ve ye ighaze yom ula ughita.”

²⁹ Maria ilooj saveej tonene, ve rikia moghon imundig ila ighaze ighita Yesu.

³⁰ Sawa tonenen, Yesu inim peria paanu sone. Inepneep izi paanu dige to papazogi Marta ila ivot toni ne.

³¹ Yuda pida yesja Maria tinepneep ila ruum lolo pa tirab ate. Tighita Maria imundig, ipul ruum ve ila, ve tighaze pa ye ila pa naal to Lasarus, leso itañ pani. Tovenen titaghoni tila.

³² Maria ila ivot to Yesu, ve iput aghe izi Yesu aghe pughu, ve isaav pani ighaze: “O Tiina, ini-male yom unepneep sualen, tone livug irau imaat maau.”

³³ Yesu ighita Maria yesja Yuda pida to tinim tomani titañtañ, le lolo ipatañan kat.

³⁴ Ye ighason di ighaze: “Yam aghur Lasarus paatu izi sine?”

Yes tipamuul aliña tighaze: “Tiina, unum tala ve ughita.”

³⁵ Ghero Yesu itañ.

³⁶ Tovenen Yuda pida to yesja tiyondyood, ti-saav tighaze: “Aghita. Ye avaat lolo pa Lasarus kat.”

³⁷ Eemoghon tamtothon todi pida tiwasavon di tighaze: “Ngeu tonene igharaat ngeu eez to mata pisi. Pughu vena to iuul Lasarus maau? Inimale iuuli, tone Lasarus irau imaat maau.”

Yesu ipamundigin Lasarus pa mateej

³⁸ Yesu lolo ipatanan kat pa mateen to Lasarus. Tovenen ilaagh narua yaam saambu to Lasarus paatu ineep pani. Saambu tonowen, tigharaata inim naal, ve tigham yaam tiina eez, ve tipoon avo wa.

³⁹ Yesu ila ivot naal avo, ve isaav padi ighaze: “Apatambulin yaam ighau pa naal avo.”

Mateen tonowen livu Marta isaav pa Yesu ighaze: “Wai Tiina, ugham vene malep. Yei nighuri igheen tonowe mbonji paan wa. Takaaka, pale vuzi.”

⁴⁰ Yesu isaav pani ighaze: “Marta, matam injal saveen tiou, ma maau? You nasaav payom wa. Ighaze ughur ila, nene pale ughita Maaron ipatoon tapiri ve poia toni ivot ighazoon.”

⁴¹ Tovenen tipatambulin yaam tiina ighau pa naal avo, ve Yesu mata izala pa sambam, ve isaav ighaze: “O Tamañ, you lolog poia payom pasa, sunuun tiou, yom uloonja wa.

⁴² You nawatag: Sawa isob, yom ulonloon sunuun tiou. Eemoghon you naghham ngar pa ival tiina to yeiña niyondyood ne, naghaze le yes tighur ila tighaze: Yom taum umbaan ghou to nanim. Tauto nasavia saveen tonene.”

⁴³ Ye isavia saveen tonene le isob, ghoru imboob aliña tiina ighaze: “Lasarus, uvot unum!” *Lu 7:14; Yo 5:25*

⁴⁴ Rikia moghon Lasarus imundig, ve ivot. Eemoghon uli pida pida to tikaukai pani, tinepneep ila tini sone. Tovenen ye ivot ila pumuri, ghoru Yesu isaav padi ighaze: “Apool uli pida pida tonowen tighau pa nagho, nima, ve aghe. Leso ilaagh pooli.”

Daba to yes Yuda tikaal ataam pa tirab Yesu imaat

(Mt 26:1-5; Mk 14:1-2; Lu 22:1-2)

⁴⁵ Yes Yuda to tinim tineep toman Maria, tighita mbeg gharatoonja to Yesu ighami, le katindi tighur ıla toni.

⁴⁶ Eemoghon tamtoghon todi pida tila to ndiran tutuunja, ve tipaesia mbeg tonenen varu padi.

⁴⁷ Tovenen daba to watoonrau ve ndiran tutuunja tila tilup di toman pooza pida to yes Yuda, ve tiwasavon di tighaze: “Ngeu tonowen ighamgham mbeg gharatoonjadi katindi to tipatoonja tighaze Maaron ineep tomani pa uraat toni. Pale tagham vena?”

⁴⁸ Ighaze tapuli ve ighamgham tovene, nene pale tamtoghon tisob tighur ıla toni ve titaghooni. Ghoru yes Roma tinim, ve tireu mbirisan Rumai Tiina toit, ve tiwarewon ghiit paam, le irau tauud tanjin ndug toit muul maau.”

⁴⁹ Tilup di ve tinepneep, ve tamtoghon todi eez, iza Kaiapas, ye daba to watoonrau pa ndaman tonenen, imundig ve isaav padi ighaze: “Yam tonene, lemim ngar maau!”

⁵⁰ Agham vena to awaghamgham tovene? Yam aghilaaal maau? Poia pa ngeu ee moghon igham ival tiina inadi, ve imaat padi. Pa vene, iit Yuda tasob tamatmaat.”

⁵¹ Saveej tonene, Kaiapas isavia sorok itaghoon tau ngar toni maau. Maaron igham pooz pani, tauto isavia. Pasa, ndaman tonenen, Kaiapas, ye daba to watoonrau. Tauto ivotia Maaron aliija padi, ve ighaze Yesu pale igham yes Yuda inadi ve imaat padi.

⁵² Eemoghon Yesu imaat pa yes Yuda moghon maau. Ye imaat pa Maaron ndinatu tisob to tineep irau ndug ndug. Leso ilup di tinim lupuuŋ ee moghon. *Yo 10:16, 17:20+; 1Yo 2:2*

⁵³ Tovenen sawa tonenen ve ila, daba to yes Yuda tikalkaal ataam pa tirab Yesu imaat.

⁵⁴ Tauto ye ilaagh ghazooŋa ila yes Yuda matadi muul maau. Ye ipul di, ve ila pa ndug Epraim to ineep ndug balim dige, ve yesŋa taghoniina toni tinepneep izi tonowe.

⁵⁵ Tinepneep le sawa to lupuuŋ tiina to yes Yuda to tiwaata tighaze Pasova, nene inim igharau. Tovenen ival tiina to ndug ndug tizazala pa Yerusalem. Tighaze tigharaat taudi ve tiŋgalaan ila Maaron mata le isob, ghoru lupuuŋ tiina tonowen ivot.

⁵⁶ Tamtoghon tinepneep ila sirsiir to Rumai Tina lolo, ve matadi inesnes pa Yesu, ve tiwasavon di tighaze: “Ou, agham ŋgar vena? Ngeu tonowen pale inim pa lupuuŋ tiina tonene, ma maau?”

⁵⁷ Sawa tonenen, yes daba to watoonrau toman ndiran tutuuŋa tisaav ariana pa ival tiina tovene: Ighaze tamtoghon eta iwatag ndug to Yesu ineep pani, ye irau rikia moghon ve ipaes padi. Leso tila tikisi.

12

*Maria ilin ŋgoreeŋ vuzi poia izala Yesu aghe
(Mt 26:6-13; Mk 14:3-9)*

¹ Mboŋi liim ve eez ineepneep sone, ghoru uraat to Pasova ivot. Sawa tonenen, Yesu ila ivot Lazarus ndug toni Betania. Lasarus, ye ngeu to imaat ve Yesu ipamundigini pa mateeŋ. *Yo 11:1+*

² Yesu toman taghoniina toni tinepneep tonowe, ve ndita pida to ndug tonowen tigham ghanghaniin pani. Marta igham uraat pa gharatoonj adi aniiñ, ve Lasarus ineep toman di pa ghanghaniin tonenen paam.

³ Tovenen yes tighanghan, ve Maria igham ngoreen to vuzi poia ve atia tiina kat inim, ve ilinji izala Yesu aghe. Ghoru imusi pa daba raua. Ngoreen tonowen vuzi ivot le ikau ruum lolo.*

⁴ Yudas Iskariot, ye taghoniina to Yesu to muri ighuri ila koia nimadi. Ye ighita mbep tonenen, ve isaav ighaze:

⁵ “Wai, liva ne, iwaghamun ngoreen tonene sorok pasa! Inimale tagholia, tone tagham yaam tiina pani, irau 300 denari ma venen. Leso tagham pa yes mbolaana.”

⁶ Saveen tonene, ye mata ingal yes mbolaana, ve isavia maau. Isaav sorok. Pasa, ye ngeu yubyub. Ye ingin lugluug todi, ve sawa pida nima serek-serekia pa yaam todi pida.

⁷ Yudas isaav tovene, ve Yesu isaav pani ighaze: “Uyou avom pani pasa? Upuli. Ye ikis ngoreen tonene pa gharatoonj ghou pa sawa to namaat ve titavia ghou.

⁸ Yes mbolaana pale yamna anepneep irau sawa isob. Ve you irau itina tanepneep moghon maau.”

Yes daba to watoonrau timbua saveen tighaze tirab Lasarus imaat paam

⁹ Ival tiina tiloonj tighaze Yesu inepneep izi ndug Betania, ve tikeet tila tighaze tighita. Ve tighaze

* **12:3:** Maria ilin ngoreen tiina irau kilogram alulu. Tigharaat ngoreen tonowen pa mbep eez to atia tiina kat, iza nard.

tighita Lasarus paam. Pasa, tiloonj varu tighaze ye imaat ve Yesu ipamundigini pa mateenj.

¹⁰ Tovenen yes daba to watoonjrau tilup di, ve timbua saveenj tighaze tirab Lasarus imaat paam.

¹¹ Pasa, Yuda katindi to tiloonj Lasarus varu, tipul daba todi tonowen, ve tighur ila to Yesu. *Yo 11:45*

Yesu izala pa Yerusalem

(Mt 21:1-11; Mk 11:1-11; Lu 19:28-40)

¹² Mboñ ndugizau, ghoru ival tiina to tila tineep izi Yerusalem pa lupuunj tiina to Pasova, tiloonj Yesu varu tighaze ye ighaze izala pa Yerusalem.

¹³ Tovenen tigham mbeb inimale napatolo raua, ve tivot tila tighaze tighita. Sawa to tighita, tipamundigin bobaan, ve tipait iza tighaze:

“Hosana!†

Tapakur Maaron toit!

Poia to Maaron pale iza to ngeu tonene. Pasa, ye inim pa Ngeu Tiina iza, ve ye kinik to iit Israela!” *Mbo 118:25+*

¹⁴ Yesu igham esele paghu eez ve mbole izala, ve ilaghova itaghon Maaron aliña waaro eez to timbooda. Isaav tovene:

¹⁵ “Yam tamtoghon to ndug Zion,‡
amatughez malep.

Aghita kinik tiam to ilat!

Ye ineep izala esele paghu eez, ve ilat.” *Is 62:11; Sek 9:9*

† **12:13:** ‘Hosana,’ nene saveenj waaro eez to yes Israela. Pughu tovene: ‘ugham mulini’ o ‘uul.’ Ighaze tipakur ngeu eta to iza tiina, nene titem pa saveenj tonene tighaze: “Hosana, hosana!”

‡ **12:15:** Zion (o Sion, o Zaion), nene Yerusalem iza ite. Zion, nene ndug mbuña eez to Yerusalem to tirei Rumai Tiina to Maaron izala.

¹⁶ Sawa to mbef tonenen ivot, taghoniina to Yesu tighilaal pughu maau. Eemoghon muri, sawa to ye imaat ve imundig muul, ve iza tiina ivot ighazoon, ghoru matadi ingal mbef tonenen, ve tighilaal tighaze saveen waaro tonenen, timbooda iza to Yesu.

¹⁷⁻¹⁸ Pughu to ival tiina tikeet tila tighita Yesu, nene vene: Sawa to ye ipoi Lasarus, ve imundig pa mateen ve ilaagh ivot pa naal, ival tiina tineep ve tighita mbef gharatoonja tonenen. Tovenen muri, tila ve tipaesia mbef tonenen varu pa tamtoghon ve tipariaan Yesu saveen toni tighaze mbef tonenen ipatoonja ighaze Maaron ineep tomani pa uraat toni.

¹⁹ Ndiran tutuunja pida tighita ival tiina tonowen yesja Yesu tilaghlaagh ve tipapait iza, tauto tiwasavon di tighaze: “Aghita! Iit taraua maau. Tamtoghon to taan tisob tila titaghoni wa!”

Grika pida tighaze tighita Yesu

²⁰ Yes to tizala Yerusalem ve tighaze tisun pa Maaron ila lupuun tiina to Pasova, Grika pida tineep ila lolodi paam. §

²¹ Yes tila to Pilip, ye ngeu to ndug Betsaida to ineep Galilaia, ve tisaav pani tighaze: “Olman, yei nighaze le nighita Yesu.”

²² Tovenen Pilip ila ipaesia alinadi pa Andreas, ghoru yesuru tila tipaes pa Yesu.

§ **12:20:** Grika to saveen waaro tonene isavia di, yes tighur ila to Maaron, ve titaghon tutuun pida to yes Yuda, ve tiluplup toman di pa sunuun. Eemoghon tizir di maau. Tovenen yes tinim Yuda kat maau.

²³ Yesu isaav padi ighaze: “Sawa to Tamtoghon Natu ipatoonj iza tiina toman tapiri ve poia toni ivot ighazonj, tauto ivot wa. *Yo 1:14, 13:31+, 17:1*

²⁴ Onoon kat, you nasaav payam: Ighaze wit uve izila taan lolo maau, nene irau wit paghu eta ivot maau. Nene pale uuv tonenen moghon ineep. Eemoghon ighaze uuv tonenen izila taan lolo, ve uli imbuuz ve ilale, nene pale matasupu toni iza, ve ighur anonja katindi.* *1Kor 15:36*

²⁵ Ighaze tamtoghon eta lolo pa ghamuuj nepoonj poia to taan moghon, nene pale tau ilale. Ve ighaze tamtoghon eta ighur muri pa taan nepoonja, ye pale igham nepoonj poia ila to Maaron itaghoni taghoni gha ila. *Mt 10:39, 16:25*

²⁶ Ighaze tamtoghon eta imbees payou, ye irau itaghon ghou. Tamtoghon tovene, pale ineep toman ghou izi ndug to you pale nala naneep pani. Ve tamtoghon to ighaze imbesmbees payou, nene pale Tamañ ipakuri.” *Yo 14:3, 17:24; 1Tes 4:17*

Yesu isavia mateej toni

²⁷ Yesu isaav muul ighaze: “Aazne, lolog ipatanjan kat ve nagham ngar naol. Pasa, sawa

* **12:24:** Yoan imbood saveej tovene: “Wit uve irau itap, ve izila taan lolo ve imaat, ghoru matasupu toni ivot, ve ighur anonja katindi. Ighaze maau, nene pale uuv tonenen moghon ineep.” Eemoghon iit tawatag: Sawa to tavazog wit uve izila taan lolo, uve dodoli imaat maau. Uli moghon to imbuuz ve ilale. Ve anonja, tauto wit matasupu ivot pani. Yesu ighita ighaze mateej toni, nene inimale wit uli to imbuuz ve ilale, ve wit paghu ivot. Pasa, ye pale imaat ve tighuri ila taan lolo. Eemoghon mateej toni pale inim ataam pa Maaron igham mbeb paghu ivot. Ve iit Kristen tovene paam. Iit irau tarei tauud pa Krisi ve uraat toni, ghoru ghurla toit ighur anonja popoia ivot.

tiou to mateen inim igharau wa. Pale nasaav vena? Pale nasaav naghaze: “Taman, upasalin ghou pa patanani tiina to ighaze ivot payou ne? Maau, irau nasaav tovene maau. Pasa, pughu tonene to you nazi nanim taan. *Mt 26:39+*

²⁸ O Taman, mbeb to pale ivot payou ne, you naghaze inim ataam pa upatoon tapirim ve poia tiom ivot ighazon pa tamtoghon. Leso tipait izam.”

Yesu isavia saveen tonene, ghoru saveen sambam ve izi inim ighaze: “You napatoon tapirig toman poia tiou pa tamtoghon wa. Ve you pale napatoon pa muul. Leso tighilaal ghou tighaze you izag tiina.” *Mt 3:17*

²⁹ Ival tiina to yesa Yesu tinepneep ne, tiloon saveen tonene, ve pida tighaze pa lalaav avolutu. Ve pida tighaze: “Maau. Anjela eta avaat isavsaav pani.”

³⁰ Eemoghon Yesu isaav pa ighaze: “Saveen to itan izi inim, nene pa iuul ghou maau. Nene pa iuul gham. *Yo 11:42*

³¹ Aazne, taza pa sawa to Maaron ipatoon sosor to tamtoghon to taan ivot ighazon, ve ighur atia pa, ve indiir daba to ingin taan ne ighau. *Yo 16:11; Kol 2:15; Syg 12:9, 20:2+*

³² Aazne, you naneep izi taan. Eemoghon muri, sawa to tiit ghou naza, nene pale nayou tamtoghon tisob tinim tiou.” *Yo 3:14, 8:28; Ro 5:18*

³³ Yesu isavia saveen tonene pa ivotia ataam to pale imaati pani.

³⁴ Ival tiina tiloon saveen toni tonene, ve tipamuul aliya tighaze: “Maaron aliya to timbooda, saveen waaro eez isaav tovene: Mesia pale ineep

mata iyaryaar le alok. Ighaze venen, pughu vena to yom ughaze Tamtoghon Natu pale tiiti iza? Tamtoghon Natu to yom usavia, nene sei?” *Mbo 89:36+, 110:4; Is 9:6+; Dan 7:14*

³⁵ Yesu isaav padi muul ighaze: “Aazne, ghazoonja to Maaron ineep toman gham. Eemoghon mala maau pale ipul gham. Tovenen sawa to ghazoonja toni inepneep toman gham, alaghlaagh ila ghazoonja tonowen lolo. Leso ndoroom ipoon gham sob. Tamtoghon to ighaze ilaghlaagh ila ndoroom lolo, nene pale ikankaan pa ndug sine to pale ila pani. *Yo 8:12, 11:9+; Ep 5:8; 1Yo 1:7*

³⁶ Tovenen sawa to ghazoonja to Maaron inepneep toman gham, aghur ila toni pataghaan. Leso anim tamtoghon to ghazoonja.”

Yesu isavia saveen tonene le isob, ghoror ipul di, ve ila iyoon padi.

Yuda katindi tighur ila to Yesu maau

³⁷ Onoon, Yesu igham mbeb gharatoonjadi naol ila yes Yuda matadi, lesa ipatoon tau padi, ve tighilaala tighaze Maaron ineep tomani pa uraat toni. Eemoghon tighur ila toni maau. *Yo 1:11*

³⁸ Ngar to tighami, nene itaghon saveen to muun propet Isaia imbooda. Isaav tovene:

“O Maaron, yei nivotia alinam padi, ve sei ighur ila?

Ve sawa to upatoon tapirim ivot ighazoon padi, sei to ighilaala? Maau.” *Is 53:1; Ro 10:16*

³⁹ Yes irau tighur ila to Yesu maau. Ve Isaia ipaghazonan ghiit pa pughu. Pasa, saveen waaro ite to ye imbooda, isaav ighaze:

⁴⁰ “Maaron tau igham ngar todi iyaryaan kat ve ipoon matadi.

Tauto matadi irau tighita mbbeb to Maaron ighami ne maau, ve ledi ghilaloonj ila lolodi maau. Ve lolodi imuul payou maau, ve tiyok pa nagharaat mulin di maau.” *Is 6:9+; Mt 13:15*

⁴¹ Isaia isavia saveeñ tonene pasa, muuñ ye ighita Yesu tapiri ve poia toni toman uraat tiina to muri pale ighami ne ila tandagiin. Tauto ighilal Yesu ighaze ye iza tiina. *Is 6:9+, 52:13-53:12*

⁴² Onoon, pooza katindi to yes Yuda tighur ila to Yesu. Eemoghon tivotia ghurla todi ivot ighazoonj maau. Pasa, timatughez tighaze ndiran tutuunja pale tizurun di pa lupuunj todi, ve irau yesña tilup di pa sunuunj muul maau.

⁴³ Ndiran tonowen, lolodi pa pakuruunj to tamtoghon ilib pa pakuruunj to inim pa Maaron. *Yo 5:44; Ga 1:10*

Yesu ipasob saveeñ toni pa ival tiina

⁴⁴ Muri ghoru, Yesu isaav aliña tiina ighaze: “Tamtoghon to ighaze ighur inim tiou, nene ighur inim tiou moghon maau. Ye ighur ila to Tamañ to imbaañ ghou nanim ne paam. *Mt 10:40*

⁴⁵ Tamtoghon to ighaze ighita ghou, nene ighita Tamañ to imbaañ ghou nanim ne paam.

⁴⁶ You nazi nanim taan pa nanim ghazoonja pa tamtoghon. Leso tamtoghon tisob to tighur inim tiou, tineep ila ndoroom lolo muul sob. *Yo 1:4, 8:12*

⁴⁷ “Ighaze tamtoghon eta iloonj saveeñ tiou, ve itaghoñi maau, nene irau nanğabiiza ve naghur atia pani maau. Pasa, you nazi nanim taan pa

nanjabiiz tamtoghon to taan ve naghur atia padi ne maau. Nanim pa naghams mulin di. *Yo 3:17, 4:42; 1Yo 4:14*

⁴⁸ Ve aloon! Tamtoghon tisob to tizurun ghou, ve lolodi pa tigham saveen tiou maau, sawa to Mbon Muri, Maaron pale ingabiiz di itaghon saveen to you nasavia ne, ve ighur atia padi. *Lo 18:19; Yo 3:18*

⁴⁹ Pasa, you nasavia saveen eta itaghon taug ngar tiou maau. You nataghon Taman to imbaan ghou nanim ne ngar toni. Saveen to ye tau ighuri payou pa nasavia, tauto nasasavia payam.

⁵⁰ Ve you nawatag: Tutuun toni to ye ighuri inim tiou pa navotia, nene inim ataam pa tamtoghon tigham nepoon poia ila toni itaghoni taghoni gha ila. Tovenen saveen to you nasasavia, nene nataghon katin saveen to Taman isavia payou.”

13

Yesu imen taghoniina toni aghedi

¹ Sawa to lupuun tiina to Pasova igharau ighaze ivot. Yesu iwatag: Sawa toni to ipul taan, ve imuul izala pa Tama, nene inim igharau wa. Muun ve inim, ye ighur lolo kat pa tamtoghon toni to tineep izi taan. Ngar tonowen, ye itaghoni ila ila le sawa to mateen toni, ghoros ipatoonja ivot ighazoon kat. *1Yo 3:16*

² Rabrab izi, ve Yesu toman taghoniina toni tilup di pa ghanghaniin. Yudas to Simon Iskariot natu, Ngeu Samia ipazaagh lolo wa, lesos ighur Yesu ila koia nimadi.

³ Yesu iwatag: Tama Maaron ighur mbep tisob tila nima wa. Ve ye ineep toni, to izi inim, ve pale imuul izala toni. *Mt 28:18; Yo 3:35; 1Kor 15:27*

⁴ Tovenen Yesu ipul ghaniin, ve imundig ve iduduum nonogiina toni to monenaaŋ izi, ve igham uli eez to musuun, ve ipoosa ila ngali.

⁵ Ghoru ilin ya izila oon, ve ipamundigin uraat to menuun taghoniina toni aghedi. Sawa to imenmen aghedi, imus di paam pa uli to ipoosa ila ngali ne. *Mt 20:28; Lu 22:27; Pil 2:7+*

⁶ Imenmen aghedi ila ila le ivot to Simon Petrus. Ghoru Simon isaav pani ighaze: “Wai Tiina, yom ughaze umen agheg?”*

⁷ Yesu ipamuul aliina ighaze: “Ngar to you naghami ne, aazne yom ughilaal pughu maau. Eemoghon muri pale ughazoon pani.”

⁸ Petrus izoora ighaze: “Aazne ve muri paam, yom irau umen agheg maau. Maau le maau kat!”

Yesu isaav pani muul: “Ighaze namen aghem maau, yom tamtoghon tiou maau.”

⁹ Simon Petrus isaav pani ighaze: “O Tiina, ighaze venen, ghoru umen agheg moghon malep. Umen nimag ve dabag paam!”

¹⁰ Yesu isaav pani ighaze: “Tamtoghon to ighaze iririu wa, ye le pughu eta to iririu muul maau. Pasa, anona isob injalaan wa. Tovenen ye pale

* **13:6:** Uraat to menuun tamtoghon aghedi, nene uraat to yes mbesoona sorok. Ngar to Yesu ighami, nene ipatoon ghiit pa ngar to tatatan tauud izaad, ve tambees pa tamtoghon ve tauul di. Ve ipatoon ghiit ighaze mateen toni pale ireu sosor to tamtoghon, ve igham di tingalaan ila Maaron mata.

imen aghe moghon. Yam tonene angalaan wa. Eemoghon yam asob maau.”† *Yo 15:3; 1Yo 1:8-9*

¹¹ Yesu isavia saveen tonene pasa, ngeu to ighaze ighuri ila koia nimadi, ye iwatagi wa. Tauto isaav padi ighaze: “Yam asob angalaan maau.”

¹² Yesu imen taghoniina toni aghedi le isob, ghoron indudi pa nonogiina toni muul, ve imuul ila pa ina ve mbole izi, ve ighason di ighaze: “Laak, ngar to ngaramus naghama payam ne, awatag pughu, ma maau?”

¹³ Yam awatwaat ghou aghaze you patoan ve tiina tiam. Saveen tiam tonanan onoon. Ighaze awaat ghou tovene, nene denja. *1Kor 8:6; Pil 2:11; Kol 2:6*

¹⁴ Aghita. You Tiina ve patoan tiam. Eemoghon namen aghemim. Ighaze you naghama tovene, yam paam irau aghama ngar raraate moghon pa taumim. *Lu 22:25+; Ga 5:13; 1Pe 5:5*

¹⁵ You naghama ngar tonene inim patoan payam, lesong aghita ve ataghon ngar raraate inimale you naghama payam. *Pil 2:5; 1Pe 2:21; 1Yo 2:6*

¹⁶ You nasaav payam. Onoon kat, mbesonja eta irau ilib pa tiina toni ne maau. Ve mbanonja eta irau ilib pa ngeu to imbaan ne maau. *Mt 10:24+*

¹⁷ Ngara to naghama ne, yam aghazon pa pughu wa. Ighaze ataghon, nene pale lolomim poia, ve poia to Maaron iza tiam. *Mt 7:24; Yems 1:25*

† **13:10:** Ighaze taghur ila to Krisi, mateen toni ireu sosor toit, ve ighama ghiit tangalaan ila Maaron mata, tanimale ngeu to iririu pooli le anona isob ingalaan. Eemoghon, sawa pida, iit Kristen tatap ve tagham sosor. Ighaze tatap, iit irau tavotia sosor toit pa Krisi, ve taghasoni pa ireua pait. Leso tangalaan ila ye mata muul. Ughita *1Yo 1:8-9*.

18 “Saveeñ tonene, you nasavia iñarua yam asob maau. Yam to nasia gham anim leg, you nawatag katin gham. Tamtoghon tiam eez, ye lolo ineep toman ghou maau. Pasa, Maaron aliña to timbooda, anoña pale ivot. Saveeñ tovene:

‘Itag ite to yeru lupuuñ tiei ee moghon ve niluplup ghei pa ghanghaniin, tauto inim koiag.’ *Mbo 41:9*

19 Aghita. Mbeb tonene ivot sone, ve aazne you navotia payam pataghaañ. Leso sawa to ivot, yam aghur ila aghaze YOU TO IZAG NANEPNEEP.‡ *Igham 3:14; Yo 8:58*

20 Onoon kat you nasaav payam: Yes to you nambaañ di tila pa uraat ne, ighaze tamtoghon eta igham di toman lolo poia, nene igham ghou. Ve ighaze tamtoghon eta igham ghou, nene igham Tamañ to imbaañ ghou nanim ne paam.” *Mt 10:40; Lu 10:16*

*Yesu ivotia ñgar to Yudas pale ighami
(Mt 26:20-25; Mk 14:17-21; Lu 22:21-23)*

21 Yesu isavia saveeñ tonene le isob, ghorololo ipatañan kat, ve isaav ghazooña ighaze: “Onoon kat, you nasaav payam: Tamtoghon tiam eez pale ighur ghou nala koiagnañ nimadi.”

22 Taghoniña toni tiloon saveeñ tonene, ve tiwambatutun di. Pasa, tikankaan: Yesu isavia saveeñ tonene iñarua sei?

‡ **13:19:** Maaron iza Yoova pughu, nene YOU NANEPNEEP. Ughita Maaron Igham Mulin Tamtoghon Toni (o Eksodus) 3:14. Tovenen ñgara katindi tighaze Yesu saveeñ toni pughu, nene vene: “Yam aghur ila aghaze you Yoova.” Ve ñgara pida tighaze saveeñ toni pughu, nene vene: “Yam aghur ila aghaze you Mesia.”

23 Sawa tonenen, taghoniina to Yesu lolo pani kat ne, ineep Yesu dige. *Yo 19:26, 20:2, 21:7*

24 Tovenen Simon Petrus lua katia pani ighaze ighason Yesu pa saveen to ye isavia ne. Inarua sei?

25 Tauto taghoniina tonowen indaleel pa Yesu, ve ighasoni ighaze: “Tiina, yom usaav pa sei?”

26 Yesu ipamuul aliina ighaze: “You pale napazug mberet tonene ila sur, ve naghama pa tamtoghon toit eez. Ngeu tonene to you nasavia.” Ghoru ighama mberet pida, ipazugi ila sur,§ ve ighama pa Yudas to Simon Iskariot natu.

27 Yudas ipaes mberet tonowen, ghoru Sadan izeeva. Tovenen Yesu isaav pani ighaze: “Ngar to yom ughaze ughami, nene ughami rikia moghon.”

28 Yes to tilup di pa ghanghaniin, todi eta ighilaal pughu to Yesu isavia saveen tonene pa Yudas ne maau.

29 Pida tigham ngar tighaze Yesu imbaana pa gholiin mbeb pida pa lupuu tiina tonowen, ma imbaana ila pa rein mbeb pida pa yes mbolaana. Pasa, Yudas ingin lugluug todi.

30 Tovenen Yudas ighama mberet suruvu tonenen, ve rikia moghon imundig, ve ivot ila pumuri. Sawa tonenen, ndoroom izi wa.

Tutuun paghu to Krisi

31-32 Yudas ipul di, ve ivot ila pumuri, ghoru Yesu isaav padi ighaze: “Sawa to Tamtoghon Natu ipatoon iza tiina toman tapiri ve poia toni ivot ighazoon, tauto ivot wa. Ve mbeb to pale ivot pani,

§ 13:26: Sawa to yes Yuda tighan aniin to Pasova, tigharaat sur pa vaen suru, toman vaen anoja, ai fik ve ai det anojadi, ve mbeb papaidi pida. Leso tipazug mberet todi izila.

nene pale ipaghazonan Tama Maaron iza tiina toman tapiri ve poia toni paam. Leso tamtoghon tipait Tama Maaron iza. Ve Tama Maaron tovene paam. Pale ipaghazonan Natu iza tiina toman tapiri ve poia toni. Leso tamtoghon tipait Natu iza. Mala maau pale mbeb tonene ivot. *Yo 12:23, 17:5; 2Kor 4:6*

³³ “Aa ndipain tiou, you pale naneep toman gham ris moghon, ghoru aghita ghou muul maau. Pale napul gham, ve akaal naghog. Tovenen saveen to muun nasavia pa yes Yuda, tauto aazne nasavia payam paam. Saveen tovene: ‘Ndug to you naghaze nala pani, nene yam irau ala pani maau.’

³⁴ Aloon. Aazne, you nasavia tutuun paghu payam tovene: Lolomim pa taumim ve agham poian gham. Lolomim pa taumim kat, inimala you lolog payam kat. *Mk 12:31; Yo 15:12+; 1Pe 1:22; 1Yo 2:3, 3:11*

³⁵ Ighaze lolomim pa taumim kat, nene pale tamtoghon tighilaal gham tighaze yam taghoniina tiou.”

*Yesu isaav ighaze Petrus pale ipesamuni
(Mt 26:31-35; Mk 14:27-31; Lu 22:31-34)*

³⁶ Yesu isavia saveen tonene le isob, ghoru Petrus ighasoni ighaze: “Tiina, ndug sine to yom ughaze ula pani?”

Yesu ipamuul aliina ighaze: “Ndug to you pale nala pani, yom irau utaghon ghou unum to aazne ne maau. Eemoghon muri, yom pale utaghon ghou unum.” *Yo 21:18+; 2Pe 1:14*

³⁷ Tovenen Petrus ighasoni muul ighaze: “Tiina, pughu vena to yom ughaze you irau nataghon

ghom to aazne maau? You irau napul taug namaat payom.”

³⁸ Yesu isaav pani muul ighaze: “Aliŋam to-nanan, pale onoon wa? Yom irau upul taum umaat payou? You nasaav payom: Onoon kat, mboŋ aazne, yom pale upesamun izag pae tol le isob, ghororoo tataareek itaŋ.”

14

Yesu pale ila igharaat ndug to nepooŋ pa tam-toghon toni

¹ Yesu isaav pa taghoniina toni ighaze: “Lolomim ipataŋan ve agham ŋgar naol malep. Aghur ila to Maaron, ve aghur inim tiou paam. *Mbo 42:5; Mt 6:25; Pil 4:6+; 1Pe 5:7*

²⁻³ Tamaŋ ruum toni, le sosoor katindi to nepooŋ. Inimale le sosoor katindi maau, tone irau nasaav payam tovene maau. You pale namuun nala, ve nagharaat lemim inamim to nepooŋ izi tonowe. Ighaze nagharaata le isob, nene pale namuul nanim, ve naghama gham anim tiou. Leso aneep toman ghou izi ndug to you naneep pani. *Yo 17:24; 2 Kor 5:1+; Hib 11:16; 1Tes 4:16+*

⁴ Ataam to ndug to you naghaze nala pani, yam awatagi wa.”

Yesu inim ataam pait pa tala to Tama Maaron

⁵ Tomas ilooŋ saveeŋ tonene, ve isaav pa Yesu ighaze: “Tiina, ndug to yom ughaze ula pani ne, yei nikankaan pani. Pale niwatag ataam to nila pa ndug tonanan vena?”

⁶ Yesu ipamuul aliŋa ighaze: “You taug to ataam. You napatoon katin gham pa Maaron ve

saveeᅇ toni onoon, ve nanim pughu pa nepooᅇ to mataad iyaryaar. Ataam ee moghon to tamtoghon titaghoni ve tila to Tamanᅇ, nene you. Ite paam maau. *Yo 10:9, 11:25; Ep 2:18; Hib 10:19+*

⁷ Ighaze awatag katin ghou, nene pale awatag Tamanᅇ paam. Aazne ve ila, yam awatagi. Pasa, aghita wa.” *Yo 8:19*

⁸ Tovenen Pilip isaav pani ighaze: “Tiina, up-atoonᅇ Tamam payei, ghoru nighazoonᅇ pani ve atemai izi.”

⁹ Yesu isaav pani ighaze: “Wai Pilip, itinaᅇ takaria nepooᅇ wa! Ve yom ughilaal ghou sone? Tamtoghon to ighaze ighita ghou, nene ighita Tamanᅇ. Pughu vena to ughason ghou ighaze napatoonᅇ Tamanᅇ payam?” *Yo 12:45; Kol 1:15; Hib 1:3*

¹⁰ Yom ughur ila sone? You naneep ila to Tamanᅇ, ve ye ineeᅇ inim tiou. Saveeᅇ to you nasavia payam ne, nasavia itaghon taug ᅇgar tiou maau. Tamanᅇ to ineeᅇ inim tiou, tauto ighamgham uraat toni ila nimag. *Yo 7:16+*

¹¹ You naneep ila to Tamanᅇ, ve ye ineeᅇ inim tiou. Saveeᅇ tonene, yam irau aghur ila. Ve ighaze aghur ila maau, ghoru agham ᅇgar pa uraat tintina to you naghamaᅇ di tivota. Leso ipalota gham, ve aghur inim tiou. *Yo 5:36, 10:38*

¹² “Onoon kat, you nasaav payam: Ighaze tamtoghon eta ighur inim tiou, ye pale ighamaᅇ uraat tintina tinimale uraat to you naghamaᅇ di. Ve ye pale ighamaᅇ uraat tintina pida paam le tiliba pa uraat tiou. Pasa, you pale napul taan, ve namuul nala to Tamanᅇ. *Mk 16:16+; Mbanᅇ 2:43, 5:12*

¹³ Sa mbeb to ighaze yamaᅇ aghason Tamanᅇ Maaron pani ila you izaga, nene pale you naghamaᅇ ivota.

Leso napaghazonan Tamañ iza tiina toman tapiri ve poia toni. *Mt 7:7; Yo 15:7; 1Yo 3:22, 5:14*

¹⁴ Tovenen sa mbeb to ighaze yam aghason pani ila you izag, nene pale you naghami.

Yesu pale imbaañ Avuvu Patabuañ izi inim

¹⁵ “Ighaze lolomim payou, nene pale matamim kisin tutuun tiou, ve ataghon di. *Yo 15:10+; 1Yo 2:3+*

¹⁶ Ve you pale naghason Tamañ pa imbaañ Palotiiña ite paam izilat tiam. Leso ineep toman gham irau sawa isob, ve ipalot gham.

¹⁷ Palotiiña tonowen, nene Maaron Avuvu. Ye pale ipaghazonan gham pa saveen onoon to Maaron. Pasa, ye isasavia saveen onoon. Tamtoghon to titaghon taan ngara, yes irau tighami maau. Pasa, tighita maau, ve tiwatagi maau. Eemoghon yam, ghoru awatagi. Pasa, ye inepneep toman gham. Ve muri, ye pale ineep tunja ila lolomim. *Yo 15:26, 16:7,13+; Mbañ 2:4; 1Kor 2:14*

¹⁸ “You irau napul gham aneep sorok animale yes paroonja ne maau. You pale namuul nanim tiam. *Mt 28:20; Mbañ 2:4*

¹⁹ Yes to titaghon taan ngara, mala maau pale tighita ghou muul maau. Eemoghon yam ghoru aghita ghou. Pasa, you pale namundig muul ve naneep matag iyaryaar. Tovenen yam paam pale agham nepoon poia inim tiou, ve aneep matamim iyaryaar.

²⁰ Sawa tonenen, yam pale aghilaal aghaze you naneep ila to Tamañ, ve yam aneep inim tiou, ve you naneep ilat tiam. Iit tasob talup ghiit tanim ee moghon. *Yo 17:21*

21 Tamtoghon to ighaze mata kisin tutuun tiou ve itaghon di, nene ye to lolo ineep. Tamtoghon tovene, nene pale Tamañ lolo ineep toni, ve you paam lolog ineep toni ve napatoon taug pani.” *1Yo 2:5, 5:3*

22 Yesu isaav tovene, ve Yudas ite (ye Yudas Iskariot maau) ighasoni ighaze: “Tiina, vena to yom ughaze upatoon taum pa yei moghon, ve ival tiina to taan maau?”

23 Yesu ipamuul ghasoniin toni tovene: “Ighaze tamtoghon eta lolo payou kat, nene pale mata kisin saveen tiou ve itaghoni. Tamtoghon tovene, Tamañ pale lolo pani kat, ve yeru Tamañ nila toni, ve nighami inim inamai to nepoon. *1Kor 3:16; 2Kor 6:16; Syg 3:20*

24 Eemoghon tamtoghon to ighaze lolo ineep tiou maau, nene pale lolo imaagh pa saveen tiou, ve itaghoni maau. Saveen to yam alonloona, nene taug saveen tiou maau. Nene Tamañ to imbaan ghou nanim ne saveen toni.

25 “Aazne, itiña tanepneep, ve nasavia saveen tonene payam.

26 Eemoghon mala maau pale napul gham, ve Tamañ imbaan lemim Palotiña ite paam izilat pa you izag. Nene Avuvu Patabuan. Ye pale igham naghog, ve ipaghazonan ngar tiam pa mbeb tisob, ve ipei ngar tiam pa saveen isob to you nasavia payam. Leso matamim kisini. *Lu 24:49; Yo 16:13; 1Yo 2:20,27*

27 “You pale napul gham. Tovenen naghaze napul luuma tiou ineep toman gham, leso aneep poia toman lolomim luuma. Nepoon poia to naghaze naghama payam, nene raraate inimale nepoon

poia to tamtoghon to taan tighamghami ne maau. Tovenen lolomim imbumbu malep, ve amatughez malep. *Yo 16:33; Ro 5:1; Pil 4:7; Kol 3:15*

²⁸ Yam aloon ghou naghaze: ‘You pale napul gham, ve nala. Eemoghon muri, you pale namuul nanim tiam.’ Ighaze lolomim payou, nene pale lolomim poia ve tinimim iza. Pasa, Tamanj to ilib payou ne, you naghaze namuul nala toni.

²⁹ Saveen isob tonene, you nasavia payam pataghaan. Leso sawa to anonja toni ivot, matamim ingal alinag, ve aghur inim tiou.

³⁰ Saveen to nasasavia payam ne, irau naseenga ila mala kat maau. Pasa, nginiin to taan tonene inim igharau wa. Ye tapiri irau ghou maau, ve you naneep ila ye samba maau.

³¹ Eemoghon you irau nataghon katin saveen isob to Tamanj isavia payou, ve patarjani ivot payou itaghon ngar toni. Leso tamtoghon to taan tiwatag tighaze you lolog pa Tamanj kat.

Yo, amundig tapul ndug tonene, ve tala.” *Yo 10:18; Pil 2:8; Hib 5:8*

15

Yesu, ye vaen tau

¹ Yesu isaav muul ighaze: “You taug to vaen tau.*
Ve Tamanj, ye nginiin to uum vaen. *Mbo 80:8+; Is 5:1+*

* **15:1:** Muun, Maaron igham yes Israela nditimbudi tila tivot taan to yes Kanaana, ve igham taan tonowen padi, lesu tineep pani, ve tigham ngar popoia tivotvot, inimale ai vaen ighurghur anonja popoia. Eemoghon sawa naol, yes Israela titaghon ngar poia maau. Ve Yesu, ye igham ngar poia ivot itaghon Maaron ngar toni. Tauto iwaat tau ighaze ye vaen tau.

² Yes to tineep tunjia inim tiou, nene tinimale ai vaen boga. Boga tisob to anoñadi tivot pooi maau, nene Taman ipook di tizi. Ve boga tisob to anoñadi tivot pooi, nene ye irab motmotin matadi ve ighagharaat di, lesa tingalaan ve anoñadi katindi tivot. *Ro 11:17+*

³ Yam tonene, saveen to nasavia payam, tauto igharaat gham ve angalaan wa. *Yo 13:10, 17:17; Ep 5:26*

⁴ Yam irau aneep tunjia inim tiou, ve you naneep tunjia ilat tiam. Agham ngar pa vaen boga. Ighaze ineep sagan pa vaen luvuñ, pale boga tonowen ighur anoña? Maau. Ai boga irau ineep tunjia ila ai luvuñ, ghoru anoña. Ve yam tovene paam. Ighaze aneep tunjia inim tiou maau, nene irau ghurla tiam ighur anoña poia eta maau. *Kol 1:22+, 2:7*

⁵ “You taug to ai vaen, ve yam animale vaen boga. Tamtoghon to ighaze ineep tunjia inim tiou, ve you naneep tunjia ila toni, nene pale ghurla toni ighur anoña popoia katindi. Ve ighaze aneep sagan payou, nene irau agham mbeb poia eta ivot maau. *Ga 5:22+; Pil 2:13; Kol 1:10*

⁶ Tamtoghon to ighaze ineep tunjia inim tiou maau, nene ye inim ai booga gorgori to timbuti ve tipiyaava ila. Ai boga tovene, pale muri tindou di, ve tipiyaav di tisob tizala yab ighan di. *Mt 3:10+, 7:19*

⁷ Ighaze aneep tunjia inim tiou, ve saveen tiou ineep tunjia ila lolomim ve ataghoni, yam irau aghason Taman Maaron pa sa mbeb to lolomim pani, ve ye pale igham mbeb tonenen ivot payam. *Yo 14:13; 1Yo 5:14+*

⁸ Ighaze ghurla tiam ighur anoña popoia katindi,

nene pale apaghazonan Tamañ Maaron iza tiina toman tapiri ve poia toni, ve apatoon taumim paam aghaze yam taghoniña tiou. *Mt 5:16; Lu 6:43*

⁹ You lolog ineep tiam kat inimale Tamañ lolo ineep tiou. Matamim kisin ngar tiou tonene, ve aneep iloon ila irau sawa isob.

¹⁰ Ighaze matamim kisin tutuun tiou tisob ve ataghon di, nene pale awatag kat aghaze you lolog payam kat, ve aneep iloon ila ngar tiou tonene irau sawa isob. Inimale you. Matag kisin Tamañ tutuun toni to naol ne, ve nataghon di. Tauto nawatag naghaze ye lolo ineep tiou kat, ve naneep iloon ila ngar toni tonenen irau sawa isob. *1Yo 5:3*

¹¹ “You nasavia saveen tonene payam, lesololomim poia le poia kat inimale you.

¹² Tutuun to nasavia payam, nene vene: Lolomim pa taumim ve agham poian taumim, inimale you lolog payam ve naghham poian gham. *Yo 13:34+; 1Yo 4:7+*

¹³ Ighaze tamtoghon eta imbaad patañani pa ndita, ve ipul tau imaat padi, nene ipatoona ighaze ye lolo ineep todi kat. Ngar tovene ilib pa ataam tisob to lolood pa nditaad. *Ro 5:7+; Ep 5:2; 1Yo 3:16*

¹⁴ Ighaze ataghon tutuun to naghuri payam, yam pale apatoon taumim aghaze you nditag kat to yam. *Mt 12:50; Yo 14:23*

¹⁵ Mbesoon a eta iwatag katin uraat to tiina toni ighamghami ne maau. Eemoghon yam, ghorowawatagi. Pasa, saveen isob to naloona ila to Tamañ, tauto navotia payam ve aloona wa. Tovenen you irau nawaat gham mbesoon muul maau. Pale nawaat gham naghaze nditag kat. *Mbnp*

18:17; Mbanj 20:27; Yems 2:23

¹⁶ Yam taumim lolomim ve anim ataghon ghou maau. You taug to nasia gham anim leg, ve naghur gham pa ala ve agham uraat. Uraat to aghami, nene pale ighur anoŋa, ve anoŋa tonenen ineep itaghoni taghoni gha ila. Ighaze yam agham tovene, ve aghason Tamaŋ pa mbep eta ila you izag, ye pale iloon gham ve igham payam. *Mt 28:19; Yo 14:13; Ep 1:4*

¹⁷ Tovenen you naghur tutuun payam tovene: Lolomim pa taumim ve agham poian taumim.” *Yo 13:34*

Yes to titaghon taan ŋgara, pale tighur koi pa Yesu tamtoghon toni

¹⁸ Yesu isaav padi muul tovene: “Ighaze yes to titaghon taan ŋgara tighur koi payam, matamim iŋgal: Ngar todi tonowen, paghu maau. Yes tighur koi payou muun, tauto tighur koi payam paam. *Mt 10:22; 1Yo 3:13*

¹⁹ Ndiran to titaghon ŋgar to taan, inimale yam ataghon di pa ŋgar todi ve yamŋa raratemim, tone lolodi payam. Eemoghon maau. Pasa, you napas gham avot ila lolodi ve anim leg, ve apul ŋgar to taan wa. Tauto yes tighurghur koi payam. *Lu 6:22; Yo 17:14; 1Yo 4:5*

²⁰ Matamim iŋgal saveeŋ to you nasavia payam: Mbesoonŋa eta irau ilib pa tiina toni ne maau. Tovenen yes to tighur pataŋani payou, nene pale tighur pataŋani payam paam. Ve yes to matadi kisin saveeŋ tiou ve titaghoni, nene pale matadi kisin saveeŋ tiam paam ve titaghoni. *Mt 10:24+; 2Tim 3:12; 1Yo 4:6*

21 Tamañ to imbaañ ghou nanim, tamtoghon to titaghon ngar to taan, tiwatagi rita maau. Tauto yes pale tigham ngar tovene payam. Pasa, yam anim leg ve ataghon ghou. *Mt 5:10+; Yo 16:2+*

22 Inimale you nanim ve navotia saveeñ padi maau, tone ledi sosor ila Maaron mata maau. Eemoghon you nanim ve navotia saveeñ toni padi wa. Tauto, aazne, yes irau tipoon taudi pa sosor todi muul maau. Sosor todi ineep ghazonña wa. *Lu 12:47; Yo 9:41; Ro 1:20; Yems 4:17*

23 Tamtoghon to ighaze ighur koi payou, nene ighur koi pa Tamañ paam.

24 Uraat tintina to naghham di ila matadi, nene ngeu eta igham uraat tovene pa eta sone. Inimale naghham uraat tonene maau, tone ledi sosor ila Maaron mata maau. Eemoghon you naghham uraat tonowen ve tighita wa. Ve tighurghur koi pa yeru Tamañ sone. Tauto ledi sosor ila Maaron mata.

25 Ngar to tigham payou, nene itaghon saveeñ to muuñ timbooda ila tutuuñ todi. Ighaze:

‘Yes tighur koi payou sorok.’ ” *Mbo 35:19, 69:4*

26 Yesu iseeñ saveeñ toni muul ighaze: “Palotiña to pale inim, ye ineep to Tamañ. Ve you pale nambaña izilat tiam. Ye Maaron tau Avuvu to ivot ila toni ve izi inim. Ye isasavia saveeñ onoon moghon. Ve ye pale ipariaañ saveeñ tiou, leso tamtoghon tighur inim tiou. *Lu 24:49; Yo 16:14; Mbañ 2:33*

27 Ve yam paam pale apariaañ saveeñ tiou. Pasa, sawa to napamundigin uraat tiou le imuul aazne, yam anepneep toman ghou. *Lu 24:48; Mbañ 1:8;*

1Yo 1:1+

16

¹ “Saveeñ isob tonene, you nasavia payam pa napalot gham. Leso atap ve apul ghurla tiam sob.

² Aghita. Muri, yes Yuda pale tizurun gham pa rumai todi, ve irau yamña alup gham pa sunjuuñ muul maau. Sawa tonenen, ighaze todi eta irab tiam eta imaas, nene pale igham ñgar ighaze im-bees pool pa Maaron. *Mt 24:9; Mbanj*

26:9+

³ Tamtoghon pale tigham ñgar tonenen payam pasa, tikankaan pa Tamañ Maaron, ve tikankaan payou paam. *Yo 15:21; Ro 10:2; 1Tim 1:13*

⁴ Saveeñ tonene, you nasavia payam pataghaañ. Leso sawa to patañani tonenen ivot payam, matamim ingal alinag tonene, ve ayoon ariaña.

Yesu isavia uraat to Avuvu Patabuañ

“Muuñ, you nasavia saveeñ tonene payam maau. Pasa, taug nanepneep toman gham.

⁵ Ve aazne, naghaze napul gham, ve namuul nala pa Tamañ to imbaañ ghou nanim. Eemoghon tiam eta ighason ghou pa ndug to naghaze nala pani ne maau.

⁶ Onoon, saveeñ to nasavia payam ne, pale igham gham lolomim ipatañan kat.

⁷ Eemoghon you nasaav payam: Onoon kat, ighaze napul gham ve nala, nene pale poia payam. Pasa, ighaze napul gham maau, nene irau Maaron Avuvu izilat tiam maau. Ve ighaze nala, nene pale nambaañ Palotiña tonowen izilat, lesu iuul gham. *Yo 14:16,26, 15:26*

⁸ Sawa to izilat, ye pale igham tamtoghon to taan tighilaal sosor todi ve n̄gar to den̄ja ila Maaron mata, ve tighilaal tighaze muri pale Maaron in̄gabiiz tamtoghon ve ighur atia padi.

⁹ Sosor todi, nene vene: Tighur inim tiou maau. *Yo 15:22*

¹⁰ Ve sawa to namuul nala to Taman̄, ve aghita ghou muul maau, nene pale tamtoghon tighilaal tighaze you naghama n̄gar den̄ja ila Maaron mata.*

Ro 1:4

¹¹ Ve uraat to gabizoon̄ ve ghuruun̄ atia pa tamtoghon, nene pale ivot. Pasa, n̄giniin̄ to yes to titaghon n̄gar to taan, Maaron in̄gabiiza ighaze ye isosor wa. Tovenen ye isasaan̄ moghon pa sawa to Maaron ighur atia pani. *Yo 12:31*

¹² “You leg saveen̄ naol to naghaze nasavia di payam. Eemoghon irau nasavia di to aazne ne maau. Pale ipataan̄ payam.

¹³ Eemoghon Maaron Avuvu, ye ipaghazon̄an saveen̄ onoon to Maaron pughu. Sawa to inim, ye pale igham pooz payam, lesa aghazon̄ kat pa saveen̄ isob to onoon. Pasa, ye irau isavia saveen̄ eta itaghon tau n̄gar toni maau. Sa saveen̄ to iloon̄ja ila to Taman̄, tauto ye pale ivotia. Ve ye pale ipaghazon̄an gham pa mbeb pida to pale tivot muri. *Yo 14:26; 1Yo 2:27*

¹⁴ Sa n̄gar ma saveen̄ to ighami inim tiou, ye pale ivotia payam. Lesa aghazon̄ payou, ve aghilaal ghou aghaze izag tiina pa tapirig ve poia tiou.

* **16:10:** Sawa to Maaron ipamundigin Yesu pa mateen̄, ve imuul izala pa ndug sambam, nene ipatoon̄ja ighaze Tama Maaron lolo poia pani, ve iyok pa uraat toni.

¹⁵ Tamaŋ n̄gar toni ve tapiri, toman mbeb toni to naol ne, tineep tiou paam. Tauto nasaav payam naghaze: ‘Sa n̄gar ma saveeŋ to Maaron Avuvu ighami inim tiou, ye pale ivotia payam.’ ” *Mt 11:27; Yo 17:10*

*Taghoniŋa to Yesu pale lolodi ipataŋan.
Eemoghon muri pale lolodi poia muul*

¹⁶ Yesu iseeŋ saveeŋ toni muul ighaze: “Mala maau pale akaal naghog. Ve tala ris, ghorog aghita ghou muul.”

¹⁷ Tovenen taghoniŋa toni pida tiwasavon di tighaze: “Wai, saveeŋ toni tonene, pughu vena? Ye isaav pait ighaze, mala maau pale takaal naghog. Ve tala ris, ghorog taghita muul. Ve isaav paam ighaze ye pale ila to Tama.

¹⁸ Aliŋa waaro ris to ighaze: ‘mala maau,’ nene pughu vena? Iit takankan pa saveeŋ toni tonene. Ye isavia sa?”

¹⁹ Yesu ighilaal n̄gar todi ighaze yes tighaze tighasoni pa saveeŋ toni pughu. Tovenen isaav padi ighaze: “Vena, aliŋag waaro to naghaze: ‘Mala maau pale akaal naghog, ve tala ris, ghorog aghita ghou muul,’ saveeŋ tonene to awaghasonin gham pani ne?”

²⁰⁻²¹ Onoon kat, you nasaav payam. Yam pale lolomim ipataŋan kat ve agham taŋiiz tiina. Ve yes to titaghon n̄gar to taan pale tinidi iza. Eemoghon tala ris muul, ghorog lolomim ipataŋan muul maau, ve anamim tinimim iza inimale liva to ipoop. Onoon, sawa to popaan, ye iyamaan yabyabuun tiina. Eemoghon sawa to ipoop tamtothon izi,

ye lolo poia kat pa natu paghu tonenen, ve lolo imaagh pa yabyabuun to ighami.

²² “Yam tovene paam. Aazne, lolomim ipatanan kat. Eemoghon you pale nanim naghita gham muul.†

Sawa tonenen ighaze ivot, yam pale lolomim poia le poia kat. Ve lolomim poia tonenen, tamtoghon eta irau iwalabi payam maau. *Lu 24:52; Yo 20:20; 1Pe 1:8*

²³ Sawa tonenen ve ila, yam pale aghason ghou pa mbef eta pughu muul maau. Pasa, ngar tiam pale ighazon. Onoon kat, you nasaav payam: Ighaze aghason Taman pa mbef eta ila you izag, ye pale igham payam.

²⁴ Muun ve inim aazne, yam aghason Maaron pa mbef eta ila you izag sone. Ve you nasaav payam: Aghasoni, ghoron igham payam. Leso lolomim poia le poia kat. *Mt 7:7; Yo 15:11*

Yesu itatan taan tapiri wa

²⁵ “Saveen tonene, you nasavia payam ila saveen palelaan. Eemoghon sawa tiou ighaze ivot, nene pale you irau nasavia saveen eta payam ila saveen palelaan muul maau. You pale nasaav ghazon, ve napaghazonan gham pa Taman.

²⁶ Sawa tonenen, yam taumim pale aghur ghasoniin tiam injarua Taman ila you izag. Lemim pughu eta pa naghham avomim, ve naghur ghasoniin tiam ila pani ne maau.

²⁷ Pasa, Taman iwatag: Yam lolomim payou, ve aghur inim tiou aghaze you naneep toni ve nanim. Tauto ye lolo payam, ve ighaze igham poian gham.

† **16:22:** Yesu avaat isavia saveen tonene injarua sawa to mundigiin toni.

²⁸ Onoon kat, you naneep to Tamañ, ve nazi nanim taan. Ve aazne, sawa to napul taan ve namuul nazala toni, nene inim igharau wa.”

²⁹ Yesu isavia saveeñ tonene, ve taghoniña toni tisaav pani tighaze: “Tiina, aazne yom usavsaav ila saveeñ palelaañ muul maau. Usaav ghazonña kat payei.

³⁰ Tovenen yei nighilaal ghom nighaze yom uwatag mbbeb tisob. Pasa, sawa to tamtoghon tighason ghom sone, ve yom uwatag ghasoniñ todi wa. Tauto nighur ilat tiom nighaze yom uneep to Maaron, to uzi unum.”

³¹ Yesu ipamuul aliñadi ighaze: “Onoon? Ngaramus aghur ila?

³² Aloñ, sawa tiou inim igharau wa. Ighaze ivot tonene. Tovenen tamtoghon pale tinaan gham le asob awaghaughau ala lemim lemim, ve apul ghou naneep. Eemoghon you engengou naneep maau. Pasa, Tamañ inepneep toman ghou. *Mt 26:31,56; Yo 8:29*

³³ Saveeñ tonene, you nasavia payam, leso aneep tunja inim tiou, ve luuma tiou inep toman gham. Onoon, sawa to aneep izi taan, patañani pale igham gham. Eemoghon amatughez malep. Lolomim poia ve ayoon ariña! Pasa taan tapiri, you natatani wa.” *Yo 14:27; Ro 8:35+; 1Yo 4:4, 5:4*

17

Yesu isun ve ighason Tama Maaron pa ipaghazonñani ighaze ye iza tiina

¹ Yesu isavia saveeñ tonene le isob, ghero mata izala pa sambam, ve isun ighaze: “O Tamañ, sawa tiou, tauto ivot wa. Upaghazonñan tamtoghon pa

Natum, ve ugham di tighilaal tapiri ve poia toni. Leso ye ipaghazonan di payom, ve tighilaal ghom paam tighaze yom izam tiina pa tapirim ve poia tiom. *Yo 12:23*

² Yom ughur tamtoghon tisob tineep ila Natum samba wa. Leso yes to yom ughur di tinim ye le, tisob tigham nepoon poia ila toni itaghoni taghoni gha ila. *Dan 7:14; Mt 28:18; Yo 6:39*

³ Yom moghon to Maaron tau. Ve nepoon poia to tamtoghon tighami ilat tiom, nene ngara tovene: Yes tiwatag katin ghom, ve Natum Yesu Kresi to umbaanja izi inim taan. Tamtoghon tovene, pale tineep poia ilat tiom itaghoni taghoni gha ila. *Yo 3:16; 2Pe 1:2+; 1Yo 5:20*

⁴ Uraat naol to ughur di tinim nimag, you napa-sob di tisob wa. Tauto napaghazonan izam tiina toman tapirim ve poia tiom izi taan. *Yo 4:34, 13:31*

⁵ O Tamañ, muuñ kat, sawa to mbeb eta ivot sone, you naneep toman ngurubag ve izag tiina ila matam. Tovenen aazne, you naghaze ugham ghou namuul nalat tiom, ve naneep toman ngurubag ve izag tiina inimale muuñ. *Yo 1:1+; Pil 2:6; Hib 1:3*

Yesu ighason Tama Maaron ighaze inñin poian taghoniina toni

⁶ “O Tamañ, yom upas ndiran pida tivot ila tamtoghon to taan lolodi, ve ugham di tinim leg, ve you napaghazonan di pa izam toman ngar tiom ve gabuam wa. Yes tamtoghon tiom. Eemoghon yom ugham di tinim leg, ve matadi kisin saveeñ tiom ve titaghoni. *Yo 6:37+, 10:29*

⁷ Aazne, yes tiwatag tighaze: Mbeb tisob to yom ugham di payou, nene tivot ilat tiom.*

⁸ Pasa, saveeŋ isob to yom ughuri inim tiou, nene anag nasavia padi, ve tighami inim ledi wa. Tauto aazne, tighur inim tiou, ve tiwatag tighaze: You naneep tiom, ve yom umbaan ghou to nanim.

⁹ “Taman, suŋuuŋ tiou tonene iŋarua ghom pa ndiran tonene pasa, yes tamtoghon tiom, ve yom ughur di tinim leg wa. Ve yes to titaghon ŋgar to taan, you naghur di ila suŋuuŋ tiou tonene maau.

¹⁰ Tamtoghon tiou toman mbeb tiou to naol ne, nene yom tiom. Ve tamtoghon tiom toman mbeb tiom tisob, nene you tiou. Ndiran tiou tonene tipaghazonan izag tiina toman tapirig ve poia tiou wa.

¹¹ You irau naneep toman di muul maau. Pale napul di tineep izi taan. Pasa, naghaze nalat tiom tonene. O Taman, yom patabuan. Uŋgin poian di ve unum sigeu padi. Leso tikis izam toman ŋgar tiom ariana, ve lupuuŋ todi eemoghon tinimale ituru.

2Tes 3:3; 1Pe 1:5; Jud 24+

¹² Tapirim toman ŋgar tiom to izam tiina pani, nene yom ugham payou paam. Tovenen sawa to nanepneep toman di, you nanŋin di ila izam, ve nanim sigeu padi. Tauto todi eta ilale maau, ve aazne tikiskis izam toman ŋgar tiom ariana. Ngeu to iza ineep pataghaan pa ilale, ye moghon to ilale. Leso saveeŋ tiom to timbooda ne anona ivot. *Mbo 41:9; Yo 6:39,70*

* **17:7:** Mbeb to Yesu isavia di, nene mbeb tinimale iza tiina, ve tapiri to igham mbeb gharatoonadi, ve ŋgar to ineep toni, toman uraat ve saveeŋ toni.

13 “Eemoghon naghaze napul ndiran tonene tineep, ve nalat tiom tonene. Tovenen sawa to yeiņa ninepneep izi taan sone, ve nasavia saveeņ isob tonene padi pataghaaņ. Leso lolodi poia kat tinimale you. *Yo 15:11*

14 Ndiran tonene, you navotia saveeņ tiom padi, ve tighami wa. Tovenen yes to taan muul maau, inimale you to taan maau. Pughu tonene to tamtoghon to titaghon ņgar to taan tighurghur koi padi. *Yo 15:19; 1Yo 2:15+*

15 You naghason ghom pa upas di tivot sagan pa yes to titaghon ņgar to taan ne maau. You naghaze unum sigeu padi, ve upoon di pa Ngeu Samia. *Mt 6:13; 1Yo 5:18*

16 Pasa, ndiran tonene, yes to taan maau, inimale you to taan maau.

17 “Saveeņ tiom, nene saveeņ onoon moghon. Upalot saveeņ tiom ineep ariņa ila lolodi. Leso tinim tamtoghon tiom patabuaņa, ve titaghon katin ņgar tiom. *Yo 15:3; 1Pe 1:22*

18 You nambaא di tila pa tineep ila tamtoghon to taan lolodi, ve tigham uraat padi, inimale yom umbaaņ ghou nazi nanim naneep ila tamtoghon to taan lolodi. *Mt 28:19; Yo 20:21*

19 Aazne, you napul taug nalat nimam, ve naghaze napasob uraat to yom ughuri payou. Leso nauul di, ve saveeņ tiom onoon igham uraat padi ve tinim tamtoghon tiom patabuaņa. *1Kor 1:2,30; Ep 5:26; Hib 10:10*

Yesu ighason Maaron pa ilup yes to muri pale tighur ila toni tinim ee moghon

20 “Sunuuj tiou tonene iņarua ghom pa ndiran tonene moghon maau. You naghason ghom pa yes

to muri pale tiloon saveen todi, ve tighur inim tiou paam.

²¹ Tamañ, ulup di tisob tinim ee moghon, ve ugham di tineep tunja inim toit, inimale you naneep ilat tiom, ve yom uneep inim tiou, ve lupuun toit ee moghon. Leso tamtoghon to taan tighilaal tighaze yom umbaan ghou to nanim. *Ro 12:5; Ga 3:28; Ep 4:3+*

²² Tapirim ve poia tiom to izam tiina pani, yom ugham payou, ve you napaghazonan di pani wa. Leso tilup di tinim ee moghon, tinimale ituru.

²³ You pale naneep ila todi, ve yom uneep inim tiou. Leso tilup di tinim ee moghon kat. Ighaze ngar tovene ivot, nene pale tamtoghon to taan tighilaal tighaze yom umbaan ghou to nazi nanim, ve lolom pa yes to tighur inim tiou ne, inimale lolom payou. *Yo 16:27*

²⁴ “Tamañ, yes to yom ugham di tinim leg, you naghaze tinim tineep toman ghou izi ndug tiou, ve tighita katin ngurubag, toman tapirig ve poia tiou. Sawa to yom ughur mbeb eta ivot sone ve inim, yom lolom payou. Tauto ugham ghou naneep toman ngurubag ve tapirig tiina, ve izag tiina. *Yo 12:26; 1Tes 4:17*

²⁵ O Tamañ, yom denjam kat. Yes to titaghon ngar to taan, tiwatag ghom maau. Eemoghon you, ghero nawatag katin ghom. Ve ndiran tonene tighilaal tighaze yom umbaan ghou to nanim.

²⁶ Izam tiina toman gabuam ve ngar tiom, you napaghazonan di pani wa. Ve you pale naghhamgham tovene, le tighazon pan kat. Leso lolodi pa taudi inimale yom lolom payou, ve naneep ila todi ve yeina nilup ghei ninim ee moghon.”

18

Tikis Yesu

(Mt 26:47-56; Mk 14:43-50; Lu 22:47-53)

¹ Yesu ipasob sunuun toni le isob, ghero toman taghoniina toni tipul ndug tiina Yerusalem, ve tizila timbut ya Kidron, ve tinau tizala pa oliv lolo to ineep ila lolooz dige.

² Ndug tonowen, Yudas, ngeu to ighaze ighur Yesu ila koia nimadi, ye iwatagi paam. Pasa, Yesu toman taghoniina toni moghon moghon tiluplup di izi tonowe.

³ Tovenen Yudas igham ndaaba pida to Rom toman uraata pida to yes daba to watoonrau ve ndiran tutuuna timbaan di, ve yesna tila pa ndug tonowen. Tikis lam ve sul toman ndaab to mal-mal, ve tilaagh tila.

⁴ Ngar isob to pale ivot pani, Yesu iwatagi wa. Tovenen ipul oliv lolo tonowen, ve ilaagh narua di ila, ve ighason di ighaze: “Yam akaal sei?”

⁵ Yes tipamuul ghasoniin toni tighaze: “Yei nikaal Yesu to Nasaret.” Yudas to ighur Yesu ila koia nimadi, ye paam iyondyood toman di.

Yesu isaav padi ighaze: “You Taug To Nanepneep.”

⁶ Sawa to ye isaav padi tovene, runadi iza ve tinduur timuul, le titaptap tizi taan.* *Igham 3:14*

⁷ Ghero Yesu ighason di muul ighaze: “Yam akaal sei?”

Ve yes tighaze: “Yei nikaal Yesu to Nasaret.”

* **18:6:** Maaron iza Yoova, pughu tovene: ‘You nanepneep.’ Ughita Maaron Igham Mulin Yes Israela (o Kisim Bek) 3:14. Sawa to Yesu isavia saveen tonene, ye avaat ipatoon Maaron tapiri pida. Pughu tonene to yes to tila pa ghamuunji titaptap tizi.

⁸ Ye isaav padi muul ighaze: “You nasaav payam wa. You Taug To Nanepneep. Ighaze yam aghaze agham ghou, nene poia. Eemoghon apul ndiran tonene tila.”

⁹ Ye isaav padi tovene, leso saveenj toni to muun isavia ne anonja ivot. Saveenj tovene: ‘Yes to yom ugham di payou, you napul todi eta ilale maau.’ *Yo 17:12*

¹⁰ Sawa tonenen, Simon Petrus le buza. Tovenen ipasi iza, ve isap motin ngeu eez taliņa dige ila pa nima waan. Ngeu tonowen, ye daba to watoonrau mbesoonja toni. Iza Malkus.†

¹¹ Yesu isaav pa Petrus ighaze: “Ai! Uzeev buza tiom tonanan imuul ila ina. Vena, rubruub to Tamaņ igham payou ne, irau naghun ila maau?”‡

Tigham Yesu ila to Anas

¹²⁻¹³ Ghoroyes ndaaba to Rom toman daba todi, ve yes uraata to yes Yuda timbaan di tinim, tikis Yesu, tikau nima, ve tighami tila to Anas muun, leso iloon saveenj toni. Ndaman tonenen, Anas rawa Kaiapas, ye daba to watoonrau.§

¹⁴ Kaiapas tonene, to muun isaav pa pooza to yes Yuda ighaze: “Poia pa ngeu ee moghon igham ival tiina inadi ve imaat padi. Pa vene, tamtoghon tisob timatmaat.” *Yo 11:49+*

† **18:10:** Takabiid Malkus tonene ve Markus izadi malep. Markus, ye ngeu to muri imbood varu poia. Ve Malkus, ye daba to watoonrau mbesoonja toni. ‡ **18:11:** Rubruub to Yesu isavia, nene iza to pataņani to ye pale imbaada, leso ireu sosor to tamtoghon, ve itatan

Maaron mbalmbali toni. § **18:12-13:** Anas, muun ye inim daba pa ndiran to watoonrau. Ve sawa tonene, ye isob pa uraat toni wa. Eemoghon iza inepneep sone. Sawa to tirab Yesu imaat, Anas rawa Kaiapas imuun pa ndiran to watoonrau.

Petrus ipesamun Yesu iza

(Mt 26:69-70; Mk 14:66-68; Lu 22:55-57)

¹⁵ Simon Petrus yesuru taghoniina ite titaghon Yesu le tila tivot daba to watoonrau ruum toni. Taghoniina tonowen, daba to watoonrau iwatagi. Tovenen ye itaghon Yesu ve yesuru tiloon tila didiin to iluvut ruum lolo.

¹⁶ Eemoghon Petrus, ye ineep pumuri igharau ataam avo. Tovenen taghoniina ite tonenen ivot muul, ve isaav pa liva to ingin ataam, pa igham Petrus iloon ila paam.

¹⁷ Tauto liva tonowen ighason Petrus ighaze: “Yom taghoniina eez to ngeu tonowen paam?”

Petrus ipamuul aliina ighaze: “Ee-e, you taghoniina toni maau.”

¹⁸ Sawa tonenen, ndug iyaun. Tovenen yes mbe-soona toman uraata pida titavun yab gha ilaav di ve tinepneep. Ve Petrus paam ila iyondyood toman di, ve yab ilavlaava.

Anas ighason roran Yesu

(Mt 26:59-66; Mk 14:55-64; Lu 22:66-71)

¹⁹ Anas, ye daba mungina to ndiran to watoonrau. Ye ighason Yesu pa taghoniina toni, ve saveen to ivovotia pa tamtoghon.

²⁰ Yesu ipamuul aliina ighaze: “Saveen tiou, you nangooza maau. Nasasavia ighazoon ila ival tiina matadi. Sawa naol, you napatoot tamtoghon pa Maaron aliina izi ndug to iit Yuda taluplup ghiit pani, inimale rumai to ndug ndug, ve ila Rumai Tiina nagho.

21 Yom ughason ghou pa saveen tiou pasa? Ughason yes to tilonloon saveen tiou. Pasa, yes tiwatag saveen to nasasavia.”

22 Yesu isavia saveen tonene, ve uraata eez to iyoon igharui, ipambar paña ve isaav pani ighaze: “Ai, upamuul daba to watoonrau saveen toni tovene pasa? Uroron pani maau?”

23 Yesu isaav pani tovene: “Ighaze alinag eta isosor, ghoru uvotia. Ve ighaze saveen tiou denja, pughu vena to upambar sorokin ghou?”

24 Yesu isaav tovene, ghoru Anas ipuli, ve isaav ve tighami tila to Kaiapas to daba to watoonrau. Ve ravraav to tikau Yesu nima pani, nene inepneep, ve ye ilaghlaagh tomani.

Petrus ipesamun Yesu iza muul

(Mt 26:71-75; Mk 14:69-72; Lu 22:58-62)

25 Petrus, iyondyood igharau yab, ve yab ilavlaava. Tovenen yes to yesña Petrus tinepneep izi yab dige, tighasoni tighaze: “Yom paam avaat taghoniña toni eez?”

Ghoru Petrus ipesam pa tau ighaze: “Ee-e, you taghoniña toni maau.”

26 Ngeu to Petrus isap motin taliña, sinj toni eez, ye mbesoonja to Kaiapas. Ye imundig ve isaav pa Petrus ighaze: “Wai, yom tonene to naghita ghom yamña ayondyood izi oliv lol!”

27 Eemoghon Petrus ipesam pa tau muul. Sawa tonenen kat, ve tatareek itañ.

Tipayoon Yesu pa savsaveen ila Piladus mata

(Mt 27:1-2,11-14; Mk 15:1-5; Lu 23:1-5)

28 Mbonmaagh kat, daba to yes Yuda tigham Yesu ve tipul room to Kaiapas, ve tighami tila pa room

tiina to Piladus to gavana to Rom. Eemoghon tilooŋ tila ruum toni lolo maau. Tineep pumuri. Pasa, Piladus, ye Yuda maau. Ve sawa to Pasova inim igharau wa. Tovenen timatughez: Ighaze tilooŋ tila ruum toni lolo, nene pale igham di tisami ila Maaron mata, ve irau tighan aniiŋ to Pasova maau.

²⁹ Tovenen Piladus ivot ila todi, ve ighason di ighaze: “Ŋgeu tonene igham sa sosor, to aghami inim?”

³⁰ Yes tipamuul ghasoniinŋ toni tighaze: “Wai, ighaze ye ŋgeu poia, pale nighami inim tiom? Maau. Ye ŋgeu samia eez. Tauto nighami inim.”

³¹ Tovenen Piladus isaav padi muul: “Ighaze vennen, yam aghami ala, ve taumim agharaat saveen toni itaghon tutuunŋ tiam.”

Yes tisaav pani tighaze: “Nene poia. Eemoghon yam Roma tutuunŋ tiam inŋgalsekin ghei pa rabuunŋ tamtoghon imaat.”

³² Muunŋ, Yesu isavia ataam to pale imaat pani. Yes tisaav tovene, tauto Yesu aliŋa tonenen ighur anoŋa.

³³ Tovenen Piladus imuul ilooŋ ila ruum lolo, ve isaav ve tigham Yesu ilooŋ ila toni. Ghoroghasoni ighaze: “Vena, yom kinik to yes Yuda?” *Mt 2:2*

³⁴ Yesu ipamuul ghasoniinŋ toni ighaze: “Ghasoniinŋ tiom tonenen, ivot ila taum ŋgar tiom, ma tamtoghon pida tipaesia ghou payom, tauto ughason ghou ne?”

³⁵ Piladus isaav pani muul ighaze: “Vena, you to Yuda? Nene taum tamtoghon tiom, toman yes daba to watoonŋrau, to tighur ghom unum nimag.

Tovenen usaav ghazonja payou lak. Yom ugham sa sosor, to tigham ghom unum?”

³⁶ Yesu isaav pani ighaze: “Mbeb to you naghamgham pooz pani, nene to taan maau. Inimale you kinik itaghon njar to taan, tone uraata tiou tivool tiou, ve tigham malmal. Leso yes Yuda irau tikis ghou maau. Eemoghon saveen, tauto nasavia ila wa. Mbeb to you naghamgham pooz pani, nene to taan maau.” *Dan 7:13-14; Ro 14:17*

³⁷ Piladus iloon saveen toni, ve ighasoni muul ighaze: “Ighaze venen, yom kinik tou?”

Yesu ipamuul aliņa ighaze: “Saveen tauto taum usavia ne. [Eemoghon you kinik inimale yom ugham njar pani ne maau.] You nazi nanim taan pa napariaan tamtoghon leso tighur ila saveen onoon. Tinaņ ipoop ghou pa pughu tonene. Tovenen tamtoghon tisob to tighaze titaghon saveen onoon, nene pale tiloon aliņag ve titaghoni.” *Yo 8:47*

³⁸ Tauto Piladus ighasoni muul ighaze: “Saveen onoon, nene sa?” *Yo 14:6*

Piladus iyok pa tirab Yesu imaat

(Mt 27:15-23; Mk 15:6-14; Lu 23:13-23)

Piladus isavsav toman Yesu le isob, ghoru ivot ila pumuri muul, ve isaav pa yes Yuda ighaze: “You naghita naghaze ngeu tonene, ye le sosor eta maau.

³⁹ Aghita. Yam gabuamim tovene: Tamtoghon tiam to tineep ila ruum to yabyabuun lolo, ighaze sawa to Pasova ivot, you irau napul todi eez ivot ilat tiam. Vena, aghaze napul kinik to yam Yuda tonene ilat?”

40 Yes timboob toman aliṅadi tiina tighaze: “Yei lolomai pa ṅgeu tonanan maau! Upul Barabas inim!” Barabas tonowen, muuṅ igham malmal pa izurun gavman to Rom tighau. *Mbanj 3:14*

19

Yes ndaaba tilos Yesu ve tipamogherani inimale ye kinik

(Mt 27:27-31; Mk 15:16-20)

¹ Tovenen Piladus isaav pa ndaaba toni, ve tigham Yesu ve tilosi.*

²⁻³ Ve tigham waar mata mata ve titalia, ve tighuri izala Yesu daba inimale moghar to yes kinik. Ve tindudi pa nonogiiṅa eez to bodeeṅa inimale aindan†

izala pogho. Ghoru tamtoghon todi eṅaeṅa tila tiyoon ila mata, ve tisaav pani tighaze: “Aa, kinik to yes Yuda, ghagharaar poia! Yei nipakur ghom!” ve tipambar paṅa.

Piladus isaav ighaze tirab Yesu imaat

(Mt 27:24-25; Mk 15:15; Lu 23:24-25)

⁴ Tighamgham tovene, ve Piladus ivot ila pumuri, ve isaav pa ival tiina ighaze: “Aghita. You pale naghām ṅgeu tonowen ivot inim tiam. Leso awatag aghaze you naghita naghaze ye le soṣor eta maau.”

⁵ Tovenen Piladus igham Yesu ivot ila pumuri. Waar mata mata ineep ila daba, ve nonogiiṅa to bodeeṅa inimale aindan ineep ila tini. Ghoru

* **19:1:** Ravraav to yes Roma tiloslos tamtoghon pani, poia maau. Timbit mbeb matadi ila, lesu iwaghamun tamtoghon kat.

† **19:2-3:** Yes kinik tindud di pa nonogiiṅa to bodeeṅa inimale aindan.

Piladus isaav pa ival tiina ighaze: “Aghita! Tamtoghon tau tonene!”

⁶ Yes daba to watoonrau toman uraata pida to Rumai Tiina tighita Yesu, ve timboob tighaze: “Urabi izala ai pambaroon! Urabi izala ai pambaroon!”

Eemoghon Piladus isaav padi ighaze: “Yam taimim aghami ala, ve arabi izala ai pambaroon. Pasa, you naghita naghaze ye le sosor eta maau.”
Mbanj 3:13+

⁷ Yes Yuda tipamuul alina tighaze: “Yei lemai tutuun. Ve tutuun tiei isaav ighaze: tamtoghon tovene, ye irau imaat. Pasa, ipakur tau ighaze ye Maaron Natu.”

⁸ Piladus iloon saveen tonene, le matughezaan tiina ighami.

⁹ Tovenen iloon ila ruum lolo muul, ve ighason Yesu ighaze: “Yom sa ngeu? Ulaagh vena to unum?” Eemoghon Yesu isavia saveen eta pani maau. Neneenja moghon.

¹⁰ Tovenen Piladus ighasoni muul ighaze: “Pughu vena to upamuul alinag maau? Yom ukankan payou? Aazne, yom uneep ila nimag. You leg tapirig pa napul ghom ula, ve leg tapirig pa nasaav ve tirab ghom uzala ai pambaroon.”

¹¹ Yesu isaav pani tovene: “Ighaze Maaron to sambam ipul ghou natal nimam maau, nene irau lem tapirim pa ugham mbep eta payou maau. Tovenen ngeu to ighur ghou natal nimam, sosor toni ilib pa sosor tiom.” *Yo 10:18; Mbanj 2:23*

¹² Piladus iloon saveen tonene, ghoru ikaal ataam pa ipul Yesu ila. Eemoghon yes Yuda timboob ila pani: “Ighaze yom upul ngeu tonanan

ila, yom kinik tiina to Rom ngeu toni maau. Pasa, tamtoghon tisob to tipakur taudi tighaze yes kinik, nene tizoor kinik tiina to Rom pooz toni.” *Lu 23:2*

¹³ Piladus iloon saveen tonene, ve igham Yesu ve yesuru tivot tila pumuri, ghero Piladus mbole ila ina to gharatoon saveen. Ina tonowen ineep ndug to tiwaat iza ila saveen Hibu tighaze ‘Gabata’ (‘Gabata’ pughu tovene: ndug to tirau yaam babañadi ila inim ndug to nepoon.)

¹⁴ Sawa tonenen, nene sawa to gharatoon aniin ma mbep pa Pasova. Ve ndag iza inim bobodaan wa. Piladus isaav pa yes Yuda ighaze: “Aghita. Kinik tiam tau tonene!”

¹⁵ Eemoghon timboob ila pani tighaze: “Maau. Ngeu tonanan ineep malep! Ughami ila, ve urabi imaat. Urabi izala ai pambaroon!”

Tovenen Piladus ighason di muul ighaze: “Lolomim vena? Aghaze you narab kinik tiam tonene izala ai pambaroon?”

Yes daba to watoonrau tipamuul aliña tighaze: “Yei lemai kinik ite paam maau. Kinik tiina to Rom, ye moghon to kinik tiei.”[‡]

¹⁶ Tovenen Piladus iloon aliñadi, ve ipul Yesu ila ndaaba toni nimadi. Leso tirabi izala ai pambaroon.

Tirab Yesu izala ai pambaroon

(Mt 27:32-44; Mk 15:21-32; Lu 23:26-43)

¹⁷ Tovenen tigham Yesu tila, ve tau imbaad ai pambaroon toni. Tipul ndug tiina Yerusalem, ve

[‡] **19:15:** Maaron saveen toni isaav tovene: Maaron, ye kinik to yes Israela. Eemoghon saveen waaro tonene, nene yes Yuda tizurun Maaron to kinik todi kat, ve tighaze kinik to Rom to ingin di.

tivot tila pumuri, ghoru tinau pa ndug mbuṅa eez, iza ‘Daba rubruuba.’ Tiwaat ndug tonowen iza ila saveeṅ Hibru tighaze ‘Golgata.’ § *Hib 13:12*

¹⁸ Tila tivot tonowe, ghoru tirab Yesu toman ndiran ru paam tizala ai pambarooṅ todi todi, ve tipayoon di tiza. Ndiran ru tonowen, eez imonau ila pa Yesu nima ṅas, ve ite imonau ila pa nima waan, ve Yesu ineep bodbodaṅ.

¹⁹ Ve timbood mateeṅ toni pughu ila ndiu suruvu, ve tirabi izala ai pambarooṅ toni daba, titaghon saveeṅ to Piladus isavia padi. Paesiṅ tonowen isaav tovene: “Yesu to Nasaret, kinik to yes Yuda.”

²⁰ Saveeṅ tonene, timbooda ila saveeṅ Hibru, Roma aliṅadi, ve yes Grika aliṅadi paam.* Ndug to tineep pani ve tirab Yesu izala ai pambarooṅ, nene ineep igharau Yerusalem. Tovenen yes Yuda ival tinim tighita saveeṅ tonenen, ve tiwaata.

²¹ Tauto yes daba to watoonṅrau tila to Piladus, ve tisaav pani tighaze: “Yom umbood ughaze ‘kinik to yes Yuda’ malep. Yom irau umbood saveeṅ tovene: ‘ṅgeu tonene tau isaav ighaze ye kinik to yes Yuda.’ ”

²² Eemoghon Piladus ipamuul aliṅadi ighaze: “Maau. Saveeṅ to nambooda, pale ineep tovene.”

§ **19:17:** Saveeṅ ‘daba rubruuba,’ yes Roma tiwaata ila aliṅadi Latin tighaze ‘Kalvari.’ * **19:20:** Saveeṅ to timbooda, nene

vene: Yeshua Nasaret, Hamelech Yehudah (saveeṅ Hibru), Yesus Ho Nazaraios, Ho Basileus Toon Yudaion (Grika aliṅadi), Iesus Nazarenus Reks Iudaeorum (saveeṅ Latin). Saveeṅ Latin tonene, tuku toni nene INRI. Yesu anunu to tineep ila rumai pida lolodi, timbood saveeṅ INRI ila.

²³ Ndaaba tonenen tirab Yesu izala ai pambaroon le isob, ghoru tigham nonogiina toni toman mbeb toni pida paam, ve tivalag di tinim paan, ve tireii irau di. Eemoghon nonogiina toni to mojejaan, nene saij maau.

²⁴ Tovenen ndaaba tonenen tiwasavon di tighaze: “Nonogiina to mojejaan tonene, tareepa malep. Ineep tovene ve tanjoznjooz ve taghita: Sei pale ighami?” Tovenen Maaron alina waaro eez to timbooda, anona ivot. Isaav tovene:

“Yes tirei nonogiina tiou toman mbeb pida irau di.

Ve nonogiina tiou to mojejaan, nene tigham mogheraan eez pani. Leso tighita sei to pale ighami.” *Mbo 22:18*

Ngar to ndaaba tighami, nene denja pa saveen tonene.

²⁵⁻²⁶ Yesu tina Maria yesuru taziliva, ve Maria ite to Klopas azuwa, ve Maria to ndug Magdala, ve taghoniina to Yesu lolo ineep toni kat, yes liim tiyondyood tigharau ai pambaroon toni pughu. Yesu mata izi le ighita tina yesuru taghoniina toni tonowen tiyondyood. Tovenen isaav pa tina ighaze: “Tina, ughita. Nanan natum.” *Yo 13:23*

²⁷ Ve isaav pa taghoniina toni ighaze: “Ughita. Nanan yom tinam.” Tauto sawa tonenen ve ila, taghoniina tonenen igham Yesu tina ila ruum toni, ve injini.

Yesu imaat

(Mt 27:45-56; Mk 15:33-41; Lu 23:44-49)

²⁸ Yesu isavsaav pa tina ve taghoniina toni tonenen le isob, ghoru iwatag ighaze ye ipasob uraat

toni isob wa. Tovenen isaav ighaze: “You murun ghou!” Saveeñ tonene, ye isavia lesa Maaron aliña to timbooda ne anoña ivot.

²⁹ Uur eez toman vaen mañi ineeñ igharau. Tovenen tigham momosan ve tizeeva izila vaen tonowen. Ghoru tidadaña ila ai isop boga, ve tizuzuuna izala pa Yesu avo. *Mbo 22:15, 69:21*

³⁰ Yesu iyavoon vaen tonenen le isob, ve isaav ighaze: “Uraat tiou, nene isob wa.” Ghoru lua itap, ipul avuvu ila, ve imaat.

Tiñgeer Yesu waria

³¹ Sawa tonenen, nene sawa to titartar taudi pa umbom patabuan to ighaze ivot. Umbom tonenen, nene patabuan kat. Tovenen daba to yes Yuda tila to Piladus, ve tighasoni tighaze ye isaav ila pa yes ndaaba, ve tirab polin yes to timomonau ila ai pambaroon ne aghedi. Leso timaat rikia, ve tizugua di tizi, ve tila titavia di. Le isob, ghoru umbom patabuan ivot.

³² Tovenen ndaaba tila, ve tirab polin ndiran ru to tirab di toman Yesu ne aghedi.

³³ Tirab polin yesuru aghedi le isob, ghoru tila pa Yesu ana. Eemoghon tighita imaat wa. Tauto tirab polin agha maau.

³⁴ Eemoghon ndaaba eez igham iiz, ve inñeer Yesu waria. Ve rikia moghon siñ toman ya imaliñ. *1Yo 5:6+*

³⁵ Ngeu to ighita mbep tonenen pa tau mata, tauto isavia. Ve ye iwatag: Saveeñ toni, nene onoon. Pasa, ye ighita katin mbep tonenen. Tauto ipariaañ saveeña, lesa yam paam aghur ila.

³⁶ Mbeb tonenen tivot pa Yesu, leso Maaron aliņa waaro eez to timbooda ne anoņa ivot. Saveeņ tovene:

“Tua eta irau ipol maau.” *Igham 12:46; Mbo 34:20*

³⁷ Ve saveeņ waaro ite isaav tovene:

“Pale matadi ila pa ngeu to tinģeera ne.” *Mbo 22:16+; Sek 12:10; Syg 1:7*

Tighur Yesu paatu ila naal lolo

(Mt 27:57-61; Mk 15:42-47; Lu 23:50-56)

³⁸ Mbeb tonenen tivot le isob, ghoru Yosep to ndug Arimatea ila ighason Piladus ighaze iyokia Yesu paatu pani, leso ighami ila ve ighuri ilooņ ila naal. Yosep, ye taghoniņa eez to Yesu. Eemoghon ivotia ghurla toni ivot ighazooņ maau. Pasa, imatughez pa yes Yuda. Piladus iyok pani, tauto ye ila pa igham Yesu paatu.

³⁹ Ve Nikodemus to muuņ ila to Yesu ve yesuru tisavsaav pa mboņ, ye paam ila toman Yosep. Ye igham ngoreeņ tiina to vuzi poia ne, ve inim. Ngoreeņ tonowen, pataņani toni tiina, irau 30 kilogram ma venen.† *Yo 3:1+, 7:50*

⁴⁰ Yesuru tila tigham Yesu paatu, ve tila tigharaata itaghon yes Yuda gabuadi to moghon moghon tighamgham pa mateeņa todi. Timusil ngoreeņ tonenen pida izala Yesu paatu, ve pida ila uli, ve tikaukai.

⁴¹ Ndug to tirab Yesu pani, ndug paghuna eez ineep igharau. Ve yaam saambu paghu eez to

† **19:39:** Ngoreeņ to Nikodemus ighami, nene tigharaata pa mbeb ru, izadi miir, ve aloe. Muuņ, sawa to Maria ipoop Yesu, yes ngara to ndag iza tigham miir pa Yesu. Ughita Mt 2:11.

tigharaata pataghaan inim naal pa mateenja, nene ineep tonowe. Saambu tonowen, tighur mateen eta iloonj ila sone.

⁴² Sawa tonenen, nene sawa to yes Yuda titartar taudi pa umbom patabuanj. Ve rabrab izi, ve umbom patabuanj ighaze ivot. Yaam saambu tonenen ineep igharau. Tovenen tigham Yesu paatu, ve tighuri iloonj ila.

20

Yesu imundig pa mateenj
(Mt 28:1-8; Mk 16:1-8; Lu 24:1-12)

¹ Umbom patabuanj isob, ve ndag to ivot muun pa wik tonenen, mbonjmaagh, ndoromromaana, ve Maria to Magdala ila ighaze ingig naal to Yesu. Ila ivot yaam saambu to tighur Yesu paatu pani, ve ighita yaam tiina to ipoon naal avo, nene tipatambulini ighau wa.

² Tovenen ilaan imuul ila to Simon Petrus ve taghoniinja to Yesu lolo pani kat, ve ipaes padi ighaze: “Paanu eta tipas Tiina toit paatu ivot pa naal, ve tighami tila wa! Ve yei nikankan pani. Tighuri sine?”

³ Tovenen Petrus yesuru taghoniinja ite tonowen timundig tila pa naal.

⁴ Yesuru tilaan tila, ve taghoniinja ite tonenen ilaan rikia imuun pa Petrus, le ila ivot naal avo muun.

⁵ Ghoru itugi izi, ve ingig iloonj ila pa naal lolo, le ighita uli pida pida to tikau Yesu paatu pani, ineepneep ila ina. Eemoghon ye iloonj ila naal lolo mau.

⁶ Mala maau, Simon Petrus ana inim peria, ve malmali ilooŋ ila naal lolo. Ye paam ighita uli pida pida to tikau Yesu paatu pani, tinepneep.

⁷ Ve ighita uli to tikau Yesu daba pani, nene ineep toman uli pida pida tonowen maau. Nene tipoola izi ineep sagan.

⁸ Ghoru taghoniina ite to ila ivot naal avo muun, ana itaghon Petrus ve ilooŋ ila. Ye ighita mbeb naol tonenen, ve ighur ila.

⁹ Onoon, Maaron aliŋa to timbooda, isaav tovene: Mesia pale imaat, ve imundig pa mateen itaghon Maaron ngar toni. Eemoghon ngar todi ighazooŋ pa saveen tonenen pughu sone. *Mbo 16:10*

¹⁰ Yesuru tighita mbeb tonenen le isob, ghoru tipul naal, ve timuul tila pa inadi to nepooŋ.

Yesu ivot pa Maria to Magdala

(Mt 28:9-10; Mk 16:9-11)

¹¹ Maria to Magdala imuul ila ivot naal avo, ve iyondyood ve itanŋan. Ghoru itugi izi, ve ingig ilooŋ ila pa naal lolo,

¹² le ighita anela ru tinepneep. Yesuru tindud di pa nonogiina pisosooŋa, ve mboledi izi ndug to tighur Yesu paatu igheen pani. Eez ineep pa daba, ve ite ineep pa aghe.

¹³ Anela ru tonowen tighasoni tighaze: “Liva, yom utanŋan pasa?”

Ye ipamuul aliŋadi ighaze: “Wai, tigham Tiina tiou paatu ila wa. Ve you nakankaan pani. Tighuri sine?”

¹⁴ Ghoru indaleel, ve ighita Yesu tau iyondyood. Eemoghon ighilaala maau.

15 Yesu ighasoni ighaze: “Liva, utanj pasa? Ukaal sei?”

Maria ighaze pa ye uraata eta to injin ndug tonowen. Tovenen isaav pani ighaze: “Olman, ighaze yom ugham Tiina tiou paatu ila ndug eta, ghoru upaes payou: Ughuri sine? Leso nala naghami.”

16 Tovenen Yesu isaav pani ighaze: “Maria.”

Ye isaav tovene, ghoru Maria ighilaala ighaze nene Yesu tau tonene. Tovenen indaleel, ve isaav pani ila saveenj Hibru ighaze: “Raboni!” Saveenj tonene, pughu tovene: ‘Patoraanj tiou.’

17 Yesu isaav pani muul ighaze: “Usavag ghou malep. Pasa sawa to nazala to Tamañ, nene sone. Umuul ula to nditazig, ve upaes padi tovene: You pale namuul nazala to Tamañ. Ye, yam Tamamim paam. Ve ye Maaron tiou, ve Maaron tiam paam.”
Hib 2:11+

18 Tovenen Maria to ndug Magdala ila ivot to yes taghoniija, ve ipaes padi ighaze: “You naghita Tiina toit pa taug matag wa!” Ghoru ipaesia Yesu aliña padi ve tiloonj.

Yesu ivot to taghoniija toni

(Mt 28:16-20; Mk 16:14-18; Lu 24:36-49)

19 Sawa ee moghon tonenen, rabrab toni, yes taghoniija to Yesu tilup di iloonj ila ruum eez lolo ve tipoon ataam le tunja kat. Pasa, timatughez pa

yes Yuda. Mala maau ve, Yesu ivot iyoon ila lolodi, ve isaav padi ighaze: “Luuma to Maaron* ineeq toman gham.”

²⁰ Ghoru ipatooŋ nima ve waria padi. Yes tighita Tiina todi, ve lolodi poia le poia kat.

²¹ Yesu isaav padi muul ighaze: “Luuma to Maaron ineeq toman gham. Aazne, you nambaan gham ala, inimale Tamaŋ imbaan ghou nanim.”

Mt 28:19

²² Ghoru ivib avuvu ila padi, ve isaav padi ighaze: “Agham Avuvu Patabuan irau gham.

²³ Ighaze yam apul sosor to tamtoghon eta, nene Maaron paam ireu sosor toni. Ve tamtoghon to ighaze apul sosor toni maau, nene Maaron paam, irau ireu sosor toni maau.”† *Mt 16:19+, 18:18*

Yesu ivot to Tomas (Mk 14:14)

²⁴ Sawa to Yesu ivot to taghoniina toni, tamtoghon todi eez, iza Tomas, ineeq toman di maau. Tomas tonowen, iza ite Didimus.

* **20:19:** Luuma to Maaron ilup mbeb naol. Yesu imbaad sosor toit atia wa, tovenen Maaron ate yabyab pait muul maau, ve itinja Maaron irau talup ghiit tanim ee moghon. Ve Maaron ingin ghiit ve mata pait, tovenen tamatughez muul maau, ve lolood ipatanan muul maau. Lolood poia. Ve aazne, izaad pa ghamuun nepoon poia ila to Maaron to iseenŋa itaghoni taghoni gha ila. † **20:23:** Saveer tonene, pughu tovene: Ighaze tamtoghon eta ighur ila to Krisi, nene pale Maaron ireu sosor toni. Tamtoghon tovene, iit irau tasaav pani taghaze: “Maaron ireu sosor tiom wa.” Ve ighaze tamtoghon eta ighur ila maau, nene ipatooŋa ighaze ye ineeq iloon ila pooz to Maaron sone. Tamtoghon tovene, iit irau tasaav ghazooŋa pani: Maaron ireu sosor toni sone.

²⁵ Tovenen muri, ghoru tipaes pani tighaze: “Yei nighita Tiina toit wa!”

Eemoghon Tomas ipamuul aliñadi ighaze: “Ah, ighaze taug matag naghita kiruun inadi to tineep ila nima, ve nazeev nimag u itaghon kiruun inadi tonowen, ve nazeev nimag iloon ila iiz ina to waria, nene pale naghur ila. Ve ighaze maau, nene irau naghur ila saveen tiam tonanan maau!”

²⁶ Mboñ liim ve ru inim ila, ghoru taghoniña toni tilup di muul iloon ila ruum to tinepneep pani ne. Sawa tonenen, Tomas ineep toman di paam. Yes tipoon ataam tisob tivoole tunja. Mala maau ve Yesu ivot iyoona ila lolodi, ve isaav padi ighaze: “Luuma to Maaron ineep toman gham.”

²⁷ Ghoru isaav pa Tomas ighaze: “Unum ugharau, ve ughita nimag, uzeev nimam u itaghon kiruun ina tonene, ve uzeev nimam iloon ila iiz ina to ineep ila wariag ne. Yom lolom ru irau! Ughur ila!”

²⁸ Tomas isaav pani ighaze: “Yom Tiina tiou, ve Maaron tiou!”

²⁹ Yesu isaav pani muul ighaze: “Yom ughita ghou pa taum matam, tauto ughur inim tiou. Ve yes to tighita ghou pa matadi maau, ve tighur inim tiou, nene pale poia to Maaron iza todi ve tinidi iza.”

2Kor 5:7; 1Pe 1:8

Rau tonene pughu

³⁰ Yesu igham mbeb gharatoonadi katindi ila taghoniña toni matadi, lesu ipatoon tau padi, ve tighilaal tighaze Maaron ineep tomani pa uraat toni. Eemoghon saveenja pida ineep ila rau tonene maau.

Yo 21:25

³¹ Ve saveeᅇ isob to ineep ila rau tonene, nene pa igham gham aghur ila to Yesu aghaze ye Mesia ve Maaron tau Natu. Leso ye ndamo payam, ve agham nepooᅇ poia ila to Maaron. *Ro 1:17; 1Yo 5:13*

21

Yesu ivot to taghoniija toni liim ve ru izi naari to ya naliu Galilaia

¹ Muri ghero, Yesu ila ivot to taghoniija toni muul izi naari to ya naliu Tiberias.*

Ila ivot todi itaghon ataam tovene.

² Simon Petrus, Tomas to iza ite Didimus, Natanael to ndug Kana to ineep izi Galilaia, ve Zebedi ndi-natu ru, toman taghoniija ru paam, yesᅇa tinep-neep.

³ Simon Petrus imundig, ve isaav pa ndita tonowen ighaze: “You naghaze navot nala napiyaav malum.”

Ndita tonowen tisaav pani tighaze: “Yei paam, itiᅇa tavot tala.” Tovenen yes tisob tila tiza waan, ve tivot tila. Mboᅇ tonenen, tiwaswaas le ndugizau. Eemoghon tigham iigh eta maau. *Lu 5:4+*

⁴ Mboᅇmaagh, ndoromaanᅇa, ve matadi ilooᅇ ila, le tighita Yesu iyondyood izi naari. Eemoghon tighilaala maau.

⁵ Yesu imboob ila padi ighaze: “Ou ndipain, agham iigh eta, ma maau?”

Yes tipamuul aliᅇa tighaze: “Waii, nigham eta maau kat.”

* **21:1:** Tiberias, nene ya naliu Galilaia iza ite.

⁶ Tovenen ye imboob ila padi muul ighaze: “Ighaze venen, ghoru apiyaav malum ila pa waan dige to ineep ila pa nimamim waan. Leso agham amim iigh.” Tovenen tipiyaav malum todi izila muul. Sawa to tighaze tiyoui iza, titoova le tiraua maau. Pasa, iigh katindi tingud ila malum le isami kat.

⁷ Taghoniija to Yesu lolo pani kat, ighita mbeb tonenen, ve isaav pa Petrus ighaze: “Nowe avaat Tiina toit!” Sawa tonenen, Simon Petrus iduduum nonogiija toni to mojejaan izi, ve ighamgham uraat. Ye iloon saveen tonenen, ve rikia moghon indud olija muul, ve iyatova izila ya, ve iwai iloon ila pa naari.

⁸ Yes tipot tigharau naari, irau 100 mita ma venen. Tovenen taghoniija pida to tineep ila waan pogho, tiweu malum toman iigh, ve titaghon Petrus ve tiloon tila pa naari.

⁹ Tiloon kurukia ve tiyatov di tizi, ve tighita mberet toman iigh inepneep izala yab ngilini.

¹⁰ Yesu isaav padi ighaze: “Iigh to ngaramus agham di ne, agham pida tinim timoz.”

¹¹ Tovenen Simon Petrus ivot muul ila izala waan, ve iyou malum toman iigh iloon inim taan. Iigh tingud tila malum le isami kat. Eemoghon imotmot maau. Iigh geegeu maau. Tintinadi moghon. Tinin di le irau 153.

¹²⁻¹³ Yesu isaav padi muul ighaze: “Mbojmaagh wa. Anim aghan amim aniij.” Ye isaav tovene, ve nima ila pa mberet toman iigh tonowen, ve ireii padi. Taghoniija toni eta avo ikaak ve ighasoni ighaze: “Yom sei?” ne maau. Timatughez pa

ghasoniini. Pasa, tighilaala tighaze ye Tiina todi.
Mbanj 10:41

¹⁴ Yesu imundig pa mateen, ve ivot to taghoniina toni pae ru ila wa. Ve ite tonene inim tol pani.

Yesu ighur Petrus pa uraat muul

¹⁵ Yes tighan le isob, ghoru Yesu ighason Simon Petrus ighaze: “Aa Simon, Yoan natu, vena? Yom lolom payou kat ilib pa nditam pida tonene, ma maau?”

Petrus ipamuul aliya ighaze: “Vee! Tiina, yom uwatag, you lolog payom.”

Yesu isaav pani ighaze: “Upan sipsip tiou pa-paghu.” *Mbanj 20:28; 1Pe 5:2*

¹⁶ Ghoru Yesu ighasoni muul inim pae ru ighaze: “Simon, Yoan natu, yom lolom payou kat, ma maau?”

Petrus ipamuul aliya ighaze: “Vee! Tiina, yom uwatag: You lolog payom.”

Yesu isaav pani ighaze: “Ungin poian sipsip tiou.”

¹⁷ Ghoru Yesu ighasoni muul inim pae tol ighaze: “Simon, Yoan natu, yom lolom payou, ma maau?”

Petrus iloon Yesu igham ghasoniin tonenen pani inim pae tol, le lolo ipatanan. Tovenen ipamuul aliya ighaze: “Vee! Tiina, yom uwatag mbeb to naol ne. Yom uwatag, you lolog payom.”

Yesu isaav pani ighaze: “Upan sipsip tiou. *Lu 22:61+*

¹⁸ Onoon kat, you nasaav payom: Sawa to yom paghum, taum ulul kawaal tiom iza ve upus ghom. Ve ndug sine yom to ughaze ula pani, nene ula

moghon. Eemoghon muri, sawa to unum olman waat, nene pale upaat nimam, ve ngeu ite ilul kawaal tiom iza ve ipus ghom. Ve ndug to yom ughaze ula pani maau, ye pale igham ghom ula pani.”

¹⁹ Saveen tonene, Yesu isavia iza to ataam to Petrus pale imaat, ve ipaghazonan Maaron iza tiina.†

Ve Yesu isaav pani muul ighaze: “Utaghon ghou!”
Mk 1:16+; 2Pe 1:14

Taghoniina to Yesu lolo pani kat

²⁰ Petrus yesuru Yesu tilaagh tila, ve Petrus itoora, ve mata imuul le ighita taghoniina to Yesu lolo ineep toni kat, itaghon di inim. Muun, sawa to tilup di pa ghanghaniin to Pasova, ngeu tonowen to indaleel pa Yesu, ve ighasoni pa sei to pale ighuri ila koia nimadi. *Yo 13:23+*

²¹ Petrus ighita taghoniina tonowen, ve ighason Yesu pani ighaze: “Tiina, vena pa ngeu to inim ne?”

²² Yesu ipamuul aliina ighaze: “Matam ila pani malep. Ighaze you naghaze ye ineep le irau namuul nanim, nene yom mbeb tiom maau. Nene ineep to you taug. Yom irau matam ingal taum, ve utaghon ghou.”

† **21:19:** Kamos munginadi pida tisaav tovene: Muri, Petrus ila ineep izi ndug tiina Rom. Sawa tonenen, kinik to Rom ighur patajani naol pa yes Kristen, ve irab tamtoghon todi katindi timatmaat. Eemoghon Petrus imatughez maau. Iyoon ariana, ve ivovotia varu poia le irau yes Roma tikisi ve tirabi izala ai pambaroon. Eemoghon Petrus lolo pa imaat raraate inimale Krisi maau. Tovenen isaav pa yes ndaaba, ve tirabi aghe izala ve daba izi.

²³ Yesu isaav pani tovene, tauto muri saveen ilaan irau tonvetaz naol to tighur ila to Krisi, ve tighaze pa taghoniina toni to ye lolo pani kat ne, irau imaat maau. Eemoghon Yesu isaav tovene maau. Ye isaav moghon tovene: “Ighaze you naghaze ye ineep le irau namuul nanim, nene yom mbeb tiom maau.”

²⁴ Taghoniina tonowen, to ighita katin mbeb tisob tonenen, ve imbood di ila rau tonene. Leso ipariaan saveen to Yesu ve tamtoghon tighur ila toni. Ve yei niwatag: Saveen toni, nene onoon moghon. *Yo 19:35*

Saveen to ipasob rau tonene

²⁵ Yesu igham uraat katindi. Eemoghon timbood di tisob tila rau maau. Timbood enaena moghon. Ve inimale timbood uraat toni tisob tila rau, tone rau tonenen tivot tinim katindi kat le tipavonin taan isob, ve pida ledi inadi maau! *Yo 20:30*

Maaron Saveen Toni Patabuan
The New Testament and portions of the Old Testament
in the Oov Dialect of the Saveeng language of Papua
New Guinea. The Saveeng language is also called Mutu
or Mutu-Tuam.

Sampela hap Buk Baibel long tokples Saveeng Oov
long Niugini

copyright © 2011 Wycliffe Bible Translators, Inc.

Language: Saveeng (Mutu)

Dialect: Oov

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-24

PDF generated using Haiola and XeLaTeX on 18 Apr 2025 from source files dated 31 Aug 2023

c7a45d99-91a2-564f-9c55-d2efc8be7fae